

საქართველოს


მთკამი ისტორია

დ. კარიჭაშვილის მიერ.

383

ნირგული ნაწილი.

1168.
1169.
83.
84.



4086610030

მსწრაფლ-შპექტავი „ძმობისა“. მოსკოვის ქ. № 5.

1907

ქართველები უძველესს დროში.

ქართველების არე-მარე.—ქართველების მეზობლები და მათთან ურთიერთობა.—ქართველების ვინაობა.—ქართველთა შინაური წესწყობი-ლება.—სარწმუნოება და ზნეჩეკეულება.—ცხოვრების სახსრები.

1. მართველების არე-მარე.—უძველესს დროში ქართველები მოსახლეობდენ არა მხოლოდ იმ არე-მარეში, სადაც ახლა ბინაღრობენ, არამედ უფრო დიდს სივრცეზე, რომლის საზღვრები აწევდენ აღმოსავლეთით თეთრს ზღვამდე, სამხრეთით მესოპოტამიამდე და თავ-რის მთებამდე და დასავლეთით შავის ზღვის პირად ტრაპიზონის მიდამოებამდე. ამ საზღვრებში დაბინავებულს ქართველს მოდგმას უხდებოდა მეზობელს ხალხებთან როგორც მტრული შეტაკება და ბრძოლა, ისე შვეიცალებიანი ურთიერთობა. სამხრეთის მეზობლებთან შეტაკებისა და ბრძოლის შედეგი იყო ის, რომ ქართველთა არე-მარის უმეტესი ნაწილი დაპყრობილ იქნა უცხო ხალხთაგან და იქ მცხოვრები ქართველთ მოდგმა დროთა გამავლობაში გადაგვარდა და გაქრა. ამნაირად შვეიცალებული და დამცირებული (ქართველთა მოდგმა დარჩა მხოლოდ მტკვრისა, რიონისა და ჭოროხის ხეობებში და მათ ახლო-მახლო.) საქართველოს ისტორია მხოლოდ ამ საზღვრებში მოსახლე ქართველებს იხსენიებს და ჩვენც მხოლოდ მათზე გვექნება ლაპარაკი ამ წიგნში.

2. ქართველების მეზოგლები და შათთან ურთიერთობა.—ძველის-ძველი მეზობლები ქართველის მოღმის ხალხებისა იყენენ ბაბილონელები და ასურელები, რომლებთანაც ქართველებს ჰქონდათ როგორც ალებ-მიცემა და მშვიდობიანი მისვლა-მოსვლა, ისე მტრობა და ბრძოლა. ამ მტრობამ და ბრძოლამ ისე დაასუსტა სამხრეთის ქართველები, რომ მათ არე-მარეში შეესის შეშეიდე საუკუნეში ქრისტეს წინ სხვა მხრის ხალხი, დაიპყრო ეს ქვეყანა და გადააგვარა მისი მცხოვრებლები. დიდი იყო კულტურული გავლენა ბიბილონ-ასურელებისა სამხრეთის ქართველებზე და მათ საშუალებით ჩრდილოეთის ქართველებზედაც.

ასურელების შემდეგ ქართველების ძლიერი მეზობლები შეიქნენ სპარსელები, რომელთაც მთელი წინა აზია დაიპყრეს და საქართველოც თავიანთ პოლიტიკურს და კულტურულს გავლენას დაუმორჩილეს. საბეჭნიეროდ, სპარსელების პოლიტიკური გავლენა ისეთი შემუსრავი არ იყო, როგორიც შეიქნა ასურელებისა. სპარსელების მფლობელები თხოულობდენ ქართველთაგან მხოლოდ მათ ზეხელმწიფების აღსაჩებას და გადაკრილის გადასახადის ძლევას. ქართველები არ ურიგდებოდენ სპარსელების ასეთს მფლობელობას და მუდამ იბრძოდენ სრულის დამოუკიდებლობისთვის. (რაიცა შეეხება სპარსელების კულტურულს გავლენას, იგი იყო მეტად დიდი და ღრმა,) რადგან იგი მოქმედებდა განუწყვეტლად მევქვე საუკუნითგან დაწყებული ქრისტეს წინ.)

(სპარსელებზე ადრე ქართველებს ჰქონდათ მეზობლობა და ურთიერთობა ბერძნებთან,) რომლებმაც უძველესის დროთვანვე დაიწყეს მოსახლეობა შავის

ზღვის პირად და ალებ-მიცემა მის პირად მკვიდრს ხალ-
ხებთან. ბერძნებთან ურთიერთობა იყო მხოლოდ მშვი-
დობიანი და ისიც მხოლოდ სააღებმიცემო, რითაც აი-
ხსნება ის გარემოება, რომ ბერძნების გავლენა არ იყო
ისეთი დიდი და ლრმა, როგორც სპარსელებისა.

(ქართველების ჩრდილოეთის მეზობლები იყვნენ
კავკასიის მთებში მოსახლე წვრილ-წვრილი ხალხი და
მათ ზურგს უკან მობინადრე სკვითები ანუ ხაზარები,
რომელნიც მუდამ მზად იყვნენ გადმოელახათ/საქართვე-
ლოს საზღვრები. ამ მეზობლებს დიდი გავლენა არა
ჰქონდათ ქართველებზე ჯერ ერთი იმიტომ, რომ განვი-
თარებით დაბლა იდგენ და მეორე იმიტომ, რომ მთები
ნებას არ აძლევდენ საქართველოში თავისუფლად შე-
მოსეულიყვნენ. ამის მიუხედავად მთიელები და სკვითები
ხანდახან მოახერხებდენ ხოლმე კავკასიის მთების კარე-
ბის გაღებას და შუაგულს საქართველოში შემოსვლას,
რის შედეგაც ქართველთა შორის რჩებოდა მათი კვა-
ლი. ამიტომ არ შეიძლება სრულიად უარ-ყოფილ იქ-
ნას მთიელებისა და სკვითების გავლენა ქართველებზე.

(ბოლოს უნდა მოვიხსენიოთ სამხრეთის ერთი მე-
ზობელი ხალხი—სომხები, რომლებიც, ზოგიერთის მე
ცნიერის აზრით, წარმომდგარნი არიან ქრისტეს წინ
მეშვიდე საუკუნეშა საქართველოში შემოსეულის არი-
ელთა მოდგმის ხალხის ქართველის მოდგმის ხალხთან
შერევისაგან.) მართალია სომხები სპარსელების გავლე-
ნის ქვეშ იყვნენ როგორც პოლიტიკურად, ისე კულ-
ტურულად, მაგრამ მაინც სარგებლობდენ ცოტაოდნად
დამოუკიდებლობით და თავიანთ ძალ-ლონის ფარგალში
ხშირად ქართველებთან იქერდენ მოყვრულს თუ მტრულს

ურთიერთობას. ამის გამო სომხებსაც უნდა ჰქონოდათ რაოდენიმე გავლენა ქართველებზე.

3. ქართველების შინაობა.—(მეცნიერებს ჯერ კიდევ ვერ გადაუწყვეტიათ, თუ ქართველი მოდგმა რომელს სხვა მოდგმას ენათესავება და საითგან მოსულა იქ, სადაც ისტორია მათ პირველად ხედავს.) ამას შეიტყობს მეცნიერება მხოლოდ მაშინ, როდესაც ლრმად იქნება გამოკვლეული ქართული ენა და მისი დამოკიდებულება სხვა ენებთან. დღეს-დღეობით კი ქართველთა მოდგმა ცალკე დგას, როგორც დამოუკიდებელი და უნათესავო. ეს კი უნდა ითქვას, რომ ქართველს მოდგმას დროთა განმავლობაში არ შეეძლო, დარჩენილოყო წმინდა და შეურეველი. საქართველოს ორე-მარე ძველადვე ბევრჯელ ყოფილა სხვა-და-სხვა ხალხის მფლობელობაში და ამ მფლობელობის შედეგი ყოფილა ჩა-ზოსახლება ქართველთა შორის უცხო მოდგმის ხალხთა. ამ გარემოებას ის გავლენა ჰქონდა ქართველთა ენასა, სარწმუნოებასა და ზნე-ჩვეულებაზე, რომ მათში ერეოდა უცხო ელემენტი და ასე თუ ისე ისინი იცვლებოდნენ და ჰკარგავდნენ პირვანდლელს სიწმინდეს.

4. ქართველთა შინაური შვს-ჭურბილება.— როგორი იყო უძველესს დროში ქართველების შინაური ცხოვრება, დაწვრილებით ძნელი წარმოსალგენია ახლა, რადგან მის შესახებ ცნობებს არ მოუწევია ჩვენამდე. ჩვენს მატიანეში დაცულის გადმოცემითგან შეგვიძლიან მხოლოდ ის დავასკვნათ, რომ ქართველების ცხოვრება აგებული იყო (გვარობრივს და თემობრივს საფუძველზე.) ერთის ოჯახის წევრნი შეადგენდნენ ცალკე ჯგუფს, რომელიც ემორჩილებოდა ოჯახის უფროსს ანუ მამა-სახლისს; მონათესავე ოჯახები შეადგენდნენ ერთს გვარს,

სადაც უფროსობდა ერთ-ერთის წარჩინებულის ოჯახის უფროსი ანუ მამასახლისი. ერთს ადგილზე მცხოვრები გვარები შეადგენდენ თემს, სადაც უპირატესობა პქონდა ერთ-ერთის წარჩინებულის გვარის უფროსს მამასახლისს. თემების კრებული შეადგენდა ერთს ტომს, რომელშიც უფროსობდა ერთერთის თემის წარჩინებულის გვარის უფროსი ანუ მამასახლისი. მამასახლისის უფლება როგორც გვარში, ისე თემში და ტომში არ იყო განუსაზღვრელი და ერთმთავრული. გვარის, თემის და ტომის მამასახლისები მხოლოდ უპირატესობდნენ, ხოლო საქმის გადაწყვეტაში ისინი ეკითხებოდენ სხვებსაც: გვარის უფროსი მამასახლისი ეკითხებოდა სხვა ოჯახების მამასახლისებს, თემის უფროსი მამასახლისი სხვა გვარების მამასახლისებს და ტომის უფროსი მამასახლისი სხვა თემების უფროსს მამასახლისებს და საერთო საქმეებს ისინი ერთმანერთის თანხმობით და დაკითხვით აკეთებდნენ. დროთა განმავლობაში სხვა-და-სხვა ქართველს ტომში ეს ცხოვრება ფეხს იცვლიდა, დამოკიდებულება გვართა, თემთა და ტომთა და მათ უფროსთ მამასახლისთა შორის ასე თუ ისე იცვლებოდა: ზოგან ტომის უფროსი მამასახლისი უფრო დიდს უფლებას იძენდა, პირადის ღირსებით თუ სხვა მიზეზით ითვისებდა მეფის ხარისხს, ერთი ტომი იმორჩილებდა მეორე ტომს, ერთი თემი მეორე თემს, მაგრამ გვარობრივი საფუძველი კი მაინც რჩებოდა ბევრად თუ ცოტად. ტომები ერთი-ერთმანეთისაგან დამოუკიდებელნი ხშირად ერთდებოდნენ რომელისამე საერთო საქმისათვის, მაგალითად მტრების მოგერებისა ან მათზე გალაშქრებისათვის.

5. სარწმუნოება და ზე-ჩვეულება.— სარწმუ-

ნოებისა და ზნე-ჩვეულების შესახებაც ბევრი არა ვიკით-რა. მხოლოდ ეს კი ცხადია, რომ თავდაპირველად ქართველებში ყოფილა გავრცელებული წინაპართა თაყვანისცემა და გაღმერთება ყოველისავე სულიერის და უსულო საგნისაც მასუკან უნდა გავრცელებულიყვეს ასურელების გავლენით მნათობების - მზის, მთვარის და ზოგიერთის პლანეტის — თაყვანისცემა და ბოლოს სპარსელების გავლენით ცეცხლის თაყვანისცემა და ზარატუშტრის მოძღვრება.

6. **ცხოვრიშის სახსრები.** — ქართველების უმთავრესი ცხოვრების წყარო ძველის-ძველს დროშივე იყო მიწის შემუშავება და საქონლის მოშენება: მოჰყვდათ პური და აყენებდნენ ღვინოს. პურის გარდა მოჰყავდათ სელი, რომლისაგანაც ამზადებდნენ ქსოვილებს. ზოგიერთი ტომნი, საღაც ადგილი ნებას აძლევდა, იღებდნენ მიწითგან მაღნეულს და მისგან აკეთებდნენ სხვა-და-სხვა იარაღსა და კურკელს. რაც მეტი მოსავალი ჰქონდათ, ან რასაც მეტს ნაწარმოებს ამზადებდნენ, ქართველები ჰყიდდენ უცხო ქვეყნელებზე, რომელთაც სამაგიეროდ შემოჰქონდათ საქართველოში თავიანთი ნაწარმოები.

მიწა ანუ მამული გვარობრივ-თემობრივის წეწყობილების მიხედვით საგვარეულო და სათემო იყო. კერძო საკუთრებად მამულს არავინ ფლობდა.

საქართველო მეფობის შემოღებითვან ქრისტიანობის მიღებამდე.

ქართველთა შეერთების საჭიროება.—მაკედონელთა მფლობელობა.—მაკედონელთა მფლობელობისგან გათავისუფლება და მეფობის დაარსება.—ფარნაოზ მეფე.—ფარნაოზის შემდეგი მეფეები.—პოლიტიკური ცვლილებები ფარნაოზითვან მეფე ადერქამდე.—საქართველოს უინაური მდგრადრება პირველს საუკუნეში ქრისტეს წინ.—მეფეები ადერქას შემდეგ მირიან მეფემდე.—ქართველთა სარწმუნოება ქრისტიანობის მიღებამდე.

1. ქართველთა შეერთების საჭიროება. —

ქართველების დაყოფა ტომ-ტომებად და მათი ერთი-ერთმანერთისაგან დამოუკიდებლად ცხოვრება იყო მიზეზი მათ სისუსტისა. მტრები სარგებლობდენ მათ დანაწილებით და აღვილად ამარცხებდენ მათ. ეს ბოლოს იგრძნეს ქართველებმა და იფიქრეს შეერთებულიყვენ და დაეარსებინათ სახელმწიფო. მატიანე ქართველთა ერის გაერთიანებას და მეფობის დაარსებას უკავშირებს მაკედონელთა მიერ საქართველოს დაპყრობას სამასის წლის წინად ქრისტეს დაბადებამდე.

2. მაკედონელთა აფლობელობა. — მეოთხე

საუკუნის გასულს ქრისტეს დაბადებამდე მაკედონიის მეფემ ალექსანდრემ დაპყრო აზის დასავლეთი ნაწილი და ეგვიპტე. უეპველია, საქართველოც ალექსანდრეს უნდა დამორჩილებოდა. „ქართლის ცხოვრება“ მოგვითხრობს, ვითომ ალექსანდრე მეფე თვითონ შემოსულიყ-

ვეს საქართველოში, დაეპყროს მთელი საქართველო და მჩართველად დაეყენებინოს მცხეთაში ვინმე აზონი, ჩამომავლობით ბერძენი. მართალია, ალექსანდრე მაკელონელი ნამდვილად არ შემოსულა საქართველოში, მაგრამ ის კი დასაჯერებელია, რომ მას საქართველოს დასაპყრობად გამოეგზავნოს ჯარის რაზმი და დაპყრობის შემდეგ მის მმართველად დაეყენებინოს თავისი სანდო კაცი. ამ კაცის ვინაობის შესახებ მეორე ქართული მატიანე „ქართლის მოქცევა“ ამბობს, ვითომ ის ყოფილი ყველებს არან-ქართლის მეფის შვილი აზო, რომელსაც სთვლის საქართველოს პირველს მეფედ. თუ ამ მატიანის ცნობა მართალია, არან-ქართლი უნდა საქართველოს რომელიმე განაპირა ქვეყანა ყოფილიყო. ალბად ამ ქვეყნის მეფე ან მმართველი თავის ნებით დამორჩილებია ალექსანდრეს და ამასაც მისი შვილი წყალობის ნიშნად დაუდგენია მთელის დაპყრობილის საქართველოს მმართველად.

ალექსანდრე მაკელონელის მიერ დადგენილი მმართველი, თუნდა ქართველი ყოფილიყოს იგი ჩამომავლობით, უეჭველია იქნებოდა მაკელონელების პოლიტიკის მომხრე და ქართველი ხალხიც მას დაუწყებდა. ცქერას როგორც უცხოს და ქართველების მტერს.

3. მაკელონელთა გვლობელობისგან გათავისუფლება და გევორგის დაარსება.—მაკელონელების მფლობელობამ ქართველები შეაერთა პოლიტიკურად და დაუახლოვა ერთმანერთს, ხოლო მათმა საერთო გაჭირებამ შეაგნებინა მათ ერთობის საჭიროება და აუძრა გათავისუფლების სურვილი. ამ სურვილის გასახორციელებლად საჭირო იყო აჯანყება და იარაღის საშუალებით განდევნა საქართველოთვან მაკე-

დონელებისა და მათგან მოვლენილის აზონისა. „ქართლის ცხოვრების“ თქმით, ამ აჯანყების მოთავედ გამოვიდა მცხეთის უკანასკნელის მამასახლისის ძმის წული ფარნაოზი. ქართველებმა ფარნაოზის მეთაურობით განდევნეს მაკედონელები, აზონი შეტაკების დროს მოკლეს და საქართველოს მეფედ გამოაცხადეს ფარნაოზი. ეს ამბავი უნდა მომხდარიყო ალექსანდრე მეფის სიკვდილის შემდეგ, როდესაც მის სახელმწიფო დანაწილდა და მაკედონელთა მფლობელობა შესუსტდა, დაახლოვებით სამასის წლის წინ ქრისტეს დაბადებამდე.

4. ფარნაოზ შეცვ.— ფარნაოზ მეფემ საქართველოში ახალი წეს-წყობილება შემოილო. მთელი ქვეყანა გაჰყო რავდენსამე ნაწილად და მათ გამგებლებად დააყენა ერისთავები. „ქართლის ცხოვრება“ მიაწერს ფარნაოზ მეფეს მზრუნველობას ქართულის ენის განვითარებისათვის, ქართულის მწიგნობრობის შემოღებას და მეცადინეობას ქართველთა სარწმუნოების და ზნეობის გაწმენდისათვის. იგივე მატიანე გადმოგვცემს, რომ, ფარნაოზი, თუმცა დამოუკიდებელი მეფე, მაინც მსახურებდა ასურასტანის მეფეს ონტიოქიაზს. ეს იმას ნიშნავს, რომ იგი აღიარებდა ასურასტანის მეფის ზეხელმწიფებას. რაში გამოიხატებოდა ეს ასურასტანის მეფის ზეხელმწიფება ან რანაირი იყო ახლად დაარსებული მეფობა საქართველოში, ჩვენ ჯერ-ჯერობით ამისი არა ვიცით-რა. საფიქრებელია, რომ ასურასტანის მეფის ზეხელმწიფება მხოლოდ სახელით იყო; ხოლო მეფის უფლება არ უნდა ყოფილიყო ისეთი, როგორიც ის შეიქნა შემდეგში. გვარობრივ-თემობრივი წეს-წყობილება მესამე საუკუნეში ქრისტეს წინ ჯერ კიდევ მაგრად იყო ქართველებში და, უეპველია, მეფის უფლე-

ბაც ამ წეს-წყობილების ნიადაგზე იყო დამყარებული,
ე. ი. მეფე უნდა ყოფილიყო უფროსი წარმომად-
გენელი ერთის გვარისა და ტომისა, რომელსაც უპირა-
ტესობა ექნებოდა სხვა გვართა და ტომთა უფროსთ
წარმომადგენელთა შორის. პირველს საუკუნეში ქრის-
ტეს წინ მცხოვრები ბერძნის მწერალი სტრაბონი მო-
გვითხრობს, რომ საქართველოს მეფის გვარი წარმო-
ადგენდა ცალკე წოდებას და რომ ამ გვარში უფროსი
ითვლებოდა მეფედ, ხოლო მის მიმღევნო მსაჯულთ-
უხუცესად და მხედართ-მთავრად. აქედან ჩანს, რომ
მეფის უფლება ყოფილა დაფუძნებული გვარობრივს
წესზე. თუ ასე იყო პირველს საუკუნეში ქრისტეს წინ,
უეჭველია აგრევე იქნებოდა მესამე საუკუნეშიც:

5. **ვარნაოზის შევდეგი მეცნიერი.** — მატიანე-
ში მოხსენებულნი არიან ფარნაოზის შემდეგი მეფეები
ამ რიგად: საურმაგ, ფარნაოზის შვილი; მირვანი, სა-
ურმაგის სიძე; ფარნაჯომი, მირვანის შვილი; არშაკი,
სომხის მეფის შვილი, მოწვეული ქართველთაგან ფარ-
ნაჯომის წინაამდეგ; არტაგი, არშაკის შვილი; ბარტო-
მი, არტაგის შვილი; მირვანი, ფარნაჯომის შვილი;
არშაკი, მირვანის შვილი; ადერკი, ბარტომის ქალის
შვილი, რომლის გამეუებას მოიხსენიებენ 2 წ. ქრის-
ტეს დაბადებამდე.

6. **პოლიტიკური ცვლილებები ვარნაოზით-**
გან მეცე ადერკამდე. — ბევრი ცვლილება მოხდა
საქართველოს სამძღვრად. ფარნაოზის შემდეგ. ასუ-
რასტანის სამეფო დაუძლურდა და სპარსეთი დამოუკი-
დებელი შეიქნა მისგან. სასომხეთიც გათავისუფლდა
ასურასტანის მფლობელობისაგან. დაარსდა პონტის სა-
მეფო შავის ზღვის პირად, და ბოლოს მცირე აზია და-

იპყრო რომის რესპუბლიკამ. ყველა ამ ქვეყნებთან უხდებოდა ახლა საქართველოს შეხლა და ურთიერთობის დაკერა. სპარსელები ცდოლობდენ საქართველოში თავიანთ მფლობელობა დაემყარებინათ, სომხები მუდამ მზად იყვნენ დაეჭირათ მათ სამძღვრად მდებარე საქართველოს მაზრები. პონტის მეფეებმა დაიჭირეს იმიერ-საქართველო და ამნაირად საქართველო ორად გაჰყვეს. ხოლო რომაელები ხსენებულის სამის სამეფოს წინაამდეგ ლაშქრობის დროს არ ივიწყებდენ საქართველოსაც და ცდილობდენ ისიც თავიანთ საბრძანებელიად გაეხადით. ილსანიშნავია ლაშქრობა რამაელებისა 65 წელს ქრისტეს დაბადებამდე პომპეოსის წინამძღლობით. პონტის მეფის მიტრიდატის წინაამდეგ გამოლაშქრებული, იგი შემოვიდა საქართველოშიაც, დაამარცხა არტაგ მეფე ქართველის ჯარით, გამოართვა ხარჯი და ჩეცვლები და დაადებინა აღთქმა რომის ერთგულობისა. იმიერ-საქართველო კი, რომელიც მანამდე პონტის მეფეს მიტრიდატს ემორჩილებოდა, ახლა პირდაპირ რომს დაემორჩილო.

7. **საქართველოს შინაური გლობარიუმის პირველს საუკუნეში ჩრისტეს წინ.**—სტრაბონის მოწმობით, საქართველო პირველს საუკუნეში ქრისტეს წინ მოფენილი ყოფილა მშვენივრად გაშენებულის სოფლებით და ქალაქებით, სადაც სახლები, ბაზრები და საზოგადო შენობები ყოფილან აგებულნი ხუროთ-მოძღვრულის წესით და გადახურულნი კრამიტით. მცხოვრებნი მომეტებულად მიწის მომქმედნი ყოფილან. საკმაოდ ყოფილა აგრეთვე გავრცელებული მაღნის შემუშავება, საქონლის მოშენება და ვაჭრობა. ამ უკანასკნელს ხელს უწყობდა მშვენიერი გზები და

ხიდები. ქალაქთაგან მოხსენებულნი არიან ჰარმოზიკა (არმაზი), სევსამორა (წიწამური), იდესა (ოლთისი?), პიტიუსი (ფიჭვინთა), ღოლსკურია (სოხუმი), ფაზისი (ფოთი), სარაპანა (შორაპანი). შესამჩნევია, რომ სტრაბონი არ იხსენიებს მცხეთას, კასპს, ურბნისს, ოძრხეს, სარკინეს და სხვა ქალაქებს, რომელნიც აღნიშნულნი არიან ჩვენს მატიანებში როგორც ძველი ქალაქები. ეტყობა, მცხეთა და დანარჩენი ქალაქები სტრაბონის დროს ან არ არსებულან ჯერ კიდევ, ან არ ყოფილან ისე შესამჩნევნი, როგორც შემდეგში.

იმავე სტრაბონის თქმით, ქართველი ერი დანაწილებული იყო ოთხს წოდებად. პირველს წოდებას ეკუთნდა სამეფო გვარი, მეორეს სამღვდელოება, მესამეს მეომარნი და მოწისმომქმედნი, მეოთხეს მდაპიონი, მეფის ყმანი და მსახურნი. მამული საერთოდ ითვლებოდა მთელის გვარის საკუთრებად. მთელს გვარში უფროსობდა ერთ-ერთი უსუცესი მისი წევრი.

8. მეცხმები ადერესი შემდეგ მირიან გეცვალე.

— არეულს და გაუგებარს ცნობებს იძლევა ჩვენი მატიანე ადერკის შემდეგს მეფეებზე. „ქართლის ცხოვრების“ მოწმობით წყვილ-წყვილად მეფობდენ ადერკის შემდეგ მისი შვილები ბარტამ და ქართამ, ამათ შემდეგ ფარსმან და კაოს, ამათ შემდეგ აზორკ და არმაზელ, შემდეგ ამზასპ და დეროკ და ბოლოს ფარსმან ქველი და მირდატ. „ქართლის მოქცევაში“ ფარსმან ქველთან ერთად მეფედ მოხსენებულია ფარსმან ავაზი, ხოლო მირდატი მოხსენებულია მეფედ ფარსმან ქველისა და ფარსმან ავაზის შემდეგ როკთან ერთად. ამათ მეფობის დროს ჩვენს ისტორიაში ეწოდება ორმეფობის ხანა. ჩვენის ფიქრით „ორმეფობის ხანა“ ჩვენ.

ში არ ყოფილა; მხოლოდ შეცდომით ჰყავს მატინეს მოხსენებული ერთსა და იმავე დროს ორ-ორი მეფე. უეკველია, რომ ერთი ამ ორთაგანი მეფე კი არ იყო, არამედ ის მხედართ-მთავარი, რომელსაც იხსენიებს სტრაბონი და რომელიც უნდა ყოფილიყო მეფის უმახლობელები პირი ნათესავობით და წლოვანობით.

ჩვენის მატიანის ბარტამი ანუ ბარტმანი და ქართამი, ჩვენის აზრით, არიან ტაციტის მიერ მოხსენებულნი ფარასმანი და რადამისტი, რომელთაც დაიპყრეს სასომხეთი და ფლობდენ მას 35—55 წლებში. მართალია, ისინი ჩვენის მატიანის თქმით ძები იყვნენ, ხოლო ტაციტის თქმით მამა-შვილი, მაგრამ ამ განსხვავებას დადი მნიშვნელობა არა აქვს, რადგან საბუთი გვაქვს ვითიქროთ, რომ ამ შემთხვევაში მატიანეც სცდება და ტაციტიც: ქართამი არ ყოფილა ბარტმანის ძმა ისევე, როგორც რადამისტი არ ყოფილა ფარასმანის შვილი. ქართამი (რადამისტი) უნდა ყოფილიყო მახლობელი ნათესავი მეფის ბარტმანისა (ფარასმანისა) და მხედართ-მთავარი საქართველოს ჯარისა.

სომხებმა ქართამი (რადამისტი) და ქართველი ჯარი გამოაძევეს სასომხეთითვან 55 წელს და სამავიეროს გადახდა მოინდომეს. მართლაც, „ქართლის ცხოვრების“ თქმით, ფარასმანისა და კაოსის დროს სომხებმა დაიჭირეს საქართველოს სამხრეთი ნაწილი. ფარასმანისა და კაოსის მემკვიდრეებმა აზორქმა და არმაზელმა სომხების წინაამდევ მიიშველიეს მთიულები. ამ ბრძოლაში სომხებმა გაიმარჯვეს და დაიჭირეს კიდევ საქართველოს სხვა ადგილები. მაგრამ ბოლოს ქართველებმა მოიკრიფეს ძალა და მთიულების დახმარებით დაიბრუნეს სომეხთავან დაპყრობილი ადგილები.

გვარობრივი წესი, რომელიც არსებობდა საქართველოში სამეფო უფლების გადაცემაშიაც კი, უეპველია, უნდა შერყყელიყო მეზობელის ქვეყნების გავლენით და ამის გამო უნდა აძრულიყო შეტაკება და ბრძოლა ახალისა და ძველის წესის დამცველთა შორის. ამის კვალს ვპოულობთ „ქართლის ცხოვრების“ მიერ მოთხრობილს ამბავში ფარსმან ქველის და მირდატის ერთმანერთთან ბრძოლის შესახებ. მირდატმა მოინდომა მეფე ფარსმანის მოკვლა და იმის ადგილის დაჭერა ალბად იმიტომ, რომ ფარსმან ქველი მხედართ-მთავრად სცნობდა არა მირდატს, ძველის წესით მხედართ-მთავრად როგორ უფლების მქონებელს, როგორც უფროსს წარმომადგენელს სამეფო გვარისას მეფის შემდეგ, არამედ იმისთამაც კაცს, რომელსაც ამის უფლება არა ჰქონდა, სახელდობრ ფარნავაზს ანუ ფარსმან ავაზს, რომელიც „ქართლის მოქცევაში“ მოასენებულია პირდაპირ ფარსმან ქველის ამხანაგს მეფედ. ფარსმან ქველის და მირდატის დიდის ხნის ბრძოლა გათავდა ფარსმან ქველის მოკვლით და ფარსმან ავაზის გაძევებით, ხოლო მირდატის გამეფებით. ამ ბრძოლაში მიიღეს მონაწილეობა სომხებმა და სპარსელებმა, რომელთაგან პირველთ დაიკირეს ფარსმან ქველის მხარე, მეორეთ მირდატისა. „ქართლის ცხოვრება“ მირდატის ამხანაგს მეფეს ანუ ნამდვილად მხედართ-მთავარს იღარ იხსენიებს, ხოლო „ქართლის მოქცევა“ კი მოიხსენიებს, სახელდობრ როკს.

სომხებმა და რომაელებმა დაიკირეს ფარსმან ქველის შეილის ადამის მხარე, რადგან მირდატს ჰქომაგობდენ სპარსელები. სომებ რომაელთა ჯარმა შემოიყვანა საქართველოში ადამი და გაამეფა. ამას აქეთ არც

„ქართლის ცხოვრება“ და ორც „ქართლის მოქცევა“ აღარ იხსენიებენ წყვილ-წყვილად მეფეებს, უეპველია, იმი-ტომ, რომ მოისპოვარობრივი წესი მეფობის და მხედართა მთავრობის მემკვიდრეობისა. აღამის მცირე ხნის მეფობის შემდეგ გამეფდა მისი შეილი ფარსმანი. ეს ის ცარსმანია, რომელმაც, დიონ კასიუსის ცნობით, შეუ-სია სპარსეთს (პართიას) კავკასიის მთიელები და ააკლე-ბინა ეს ქვეყანა. პართიის მეფემ ვოლოგეზმა შეჩედოს საქართველოს მეფის ასეთის საქციელის გამო რომის იმპერატორს, რომლის ზეხელმწიფების ქვეშ ითვლებო-ფარსმანი. იმ შიშით რომ რამე უსიამოვნობა ურთ რომის იმპერატორთან მოსალაპარაკებლად აღა-იანე იმპერატორმა და სენატმა მოისმინეს მისი განმდარ-ება, მოუწონეს საქციელი და დიდი პატივი სცეს: ხვერპლი შეაწირვინეს კაპიტოლიაში და დადგის მისი ტატუა ბელონის ტაძარში. ეს მოხდა 138 წ.

ფარსმანის შემდეგ გამეფდა მისი ძე ამზასპი ამ მე-ფის დროს საქართველოს შემოესიენ ისები და დადგრენ მკაფეთას. ამზასპმა განდევნა ისები და თითონ შეესია მათ. გამარჯვებული და გალალებული ამზასპი თავნება იქ-ცვოდა, რის გამოც ქართველებმა შეიძულეს. ამას ზედ დაერთო ის, რომ მან დაიჭირა სპარსების მხარე ჭა უარ-ჟყო რომაელების ზეხელმწიფება. ამის გამო რომაელები და სომხები შემოესიენ საქართველოს და ბრძოლაში მოკლულის ამზასპის მაგიერ მეფედ დასვეს მისი ჭასწუ-ლი სომხის მეფის შეილი რევი.

რევის შემდეგ გამეფდა მის შეილი ვაჩე, ვაჩეს შემდეგ მის შეილი ბაკურ, ბაკურის შემდეგ მის ძე შორდატ, ხოთ მან დატურ ატალებ მის ძე ასფაგურ.

ასთაგურ მეფემ სომხეთის მეფესთან ერთად შონა-წილება მიღო ლაშქრობაში სპარსეთის წინაამდევე, რო-დესაც იქ გამეფდა ქასრე სასანიანი. ლაშქრობაში მან მიიშველია ოსები, ლეკები და ხაზარები. შემდევ თავის მხრით მეფე ქასრე შეესია სასომხეთს და დაიპყრა ეს ქვეყანა. აქედაგან გამოილაშქრა საქართველოში. ასთა-გური იძულებული იყო გაქცეულიყო ასეთს, სადაც იგი მოკვდა. „ქართლის ცხოვრების“ თქმით, მეფე ასთა-გურს დარჩა მხოლოდ ერთი ქალი აბეშურა. მაიუან სპასპეტმა ქართველებს ურჩია დამორჩილებოდენ ქას-რეს, მეფედ ეთხოვნათ მის ერთ-ერთი შვილი და მის-თვის შეერთოთ აბეშურა. ქართველებმა მიიღეს ეს რჩე-ვა. ქასრეც დათანხმდა და საქართველოს მეფედ გამო-აცხადა თავის მხევლისაგან ნაშობი შვილი მირიანი, რომელსაც შერთო აბეშურა. ამნაირად, „ქართლის ცხოვრების“ თქმით, გამეფდა საქართველოში სასანიან-თა გვარი.

„ქართლის ცხოვრების“ ეს თქმულება ბევრის მხრით დაუჯერებელია და უნდა შეთხზული იყვეს გვიან. ამას სხვათა შორის მოწმობს ქართულივე უძველესი ქრონიკა „ქართლის მოქცევა“, რომელიც ხმას არ იღებს მირიან მეფის ჩამომავლობაზე სასენიანთაგან და ასთა-გურის მემკვიდრედ სთვლის მეფე ლევს, ხოლო ლევის მემკვიდრედ მის შვილს მირიანს. უფრო დასაჯერებე-ლია, რომ ასთაგურის დამარცხების და სიკვდილის შემ-დევ ქასრე მეფის თანხმობით გამეფებულიყვეს საქარ-თველოში ლევი (დაახლოვებით მესამე საუკუნის ნახე-ვარში), ხოლო ლევის შემდევ მის შვილი მირიანი (დაახლოვებით მესამე საუკუნის გასულს).

ამნაირად ცხადია, რომ პომპეუსის აქეთ საქართვე-

ლო რომაელების ზეხელმწიფების ქვეშ მყოფი მესამე საუკუნის ნახევარში სპარსეთის მეფის ქასრეს დროს დაემორჩილა სპარსთა ზეხელმწიფებას. ამ მორჩილებამ გასტანა 297 წლამდე, როდესაც რომაელთა და სპარსთა შორის შეკრულის ზავის ძალით სპარსეთის მეფემ აღიარა რომის იმპერატორის ზეხელმწიფება საქართველოზე.

9. ქართველთა სარწმუნოება ძრისტიანობის მიღებამდე. ქართველების სხვა და სხვა ხალხებთან დაახლოვებას სხვათა შორის ის გავლენა ჰქონდა, რომ საქართველოში არ ყოფილა გაბატონებული ერთ-ერთი რომელიმე სარწმუნოებრივი სისტემა. ყოველნაირი სარწმუნოება, ასე თუ ისე ფერშეცვლილი, გავრცელებული იყო ქართველებში: მნათობთ-თაყვანისცემა, კერპთ-თაყვანისცემა სხვა და სხვა რიგისა, ცეცხლის თაყვანისცემა და თვით უძველესი სარწმუნოება—ფეტი-შიზმი. ჩვენს მატიანეში საზოგადოდ ძალიან მცირე ცნობები მოიპოვება სარწმუნოების შესახებ და ნათლად წარმოდგენა მისი ჯერ-ჯერობით შეუძლებელია. მატიანე იხსენიებს არმაზის, ზადენის, გაცის, გაიმის, აინინას, დანანას კერპებს, მაგრამ კი არ განმარტავს თუ რა მნიშვნელობა და ხასიათი ჰქონდათ იმ ღმერთებს, რომელთაც ეს კერპები გამოსახავდენ.

ქრისტიანობის დაარსებისათანავე ეს სარწმუნოება ნელ-ნელ შემოდის საქართველოში. პირველად შემოიტანეს იგი ურიებმა, რომელნიც ცხოვრობდნენ საქართველოში და რომელთაც შეუწყვეტელი კავშირი ჰქონდათ პალესტინასთან. ბევრნი მათგანნი იერუსალიმში სალოცავად წასულნი ბრუნდებოდნენ საქართველოში ახალის სარწმუნოების აღსარებით. ამას გარდა კანტრა-

კუნტად შემოღიოდენ ქრისტიანები საქადაგებლად თუ სააღებ-მიცემოდ. ხშირად ქართველების გამარჯვებულს ჯარს შემოჰყავდა საქართველოში ქრისტიანი ტყვეები. ამნაირად შემთხვევით თუ საგანგებოდ შემოსული ქრისტიანები ავრცელებდენ ქართველთა შორის ცნობებს ქრისტიანებზე და მათ სწავლა-მოძღვრებაზე, ასე რომ მეოთხე საუკუნის დამდეგს უკვე საკმარისად მომზადებული იყო ნიადაგი, რომ ქრისტიანობა ცნობილიყო თვით მთავრობისაგან სასურველს სარწმუნოებად.

III

ქრისტიანობის გაერცელება საქართველოში.

წმ. ნინო.—წმ. ნინოს სასწაულები.—მირიან მეფის გიქრისტიანები.—ქართველების მონითვლა.—გაქრისტიანების პოლიტიკური შედეგი.

1. **წმ. ნინო.**—მეფე მირიანის დროს ქრისტიანობის მქადაგებელი და დამამყარებელი იყო წმ. ნინო. ნინოს ჩამომავლობის, აღზრდის და მოღვაწეობის შესახებ ჩვენს მწერლობაში ბევრი რამ არის მოთხრობილი დაწვრილებით, მაგრამ ნამდვილი მისი ვინაობა ჯერ კიდევ არ არის გამორკვეული. უძველესი და მასთან უფრო მართალი თქმულება ნინოს შესახებ შემდეგია.

ნინო იყო ქართველებისგან ტყვედ წაყვანილი მონაზონი. იგი დასახლდა მცხეთაში და, როგორც მონაზონი, ცხოვრებას ატარებდა ლოცვასა და ქველს საჭეებში. თავის თავს უწოდებდა ნონას (ჩაიცა რომაულად ნიშნავს მონაზონს). ეს სახელი ქართველებმა გადაკეთეს ნინოდ.

წმ. ნინომ თავის ცხოვრებით და ყოფა-ქცევით მო-
იქცია მცხეთელების ყურადღება. ბევრი ქალი ისე მო-
ხიბლა იმის ცხოვრებით, რომ დაუახლოვდა და შეითვი-
სა მისგან ქრისტეს მოძღვრება. ესენი იყვნენ მისი პი-
რველი მოწაფეები, რომლებიც დიდის აღტაცებით და
ქებით ლაპარაკობდენ როგორც ნინოზედ, ისე მის
სარწმუნოებაზედ და მოძღვრებაზედ.

2. ვმ. ნინოს სასწაულები. — მალე მოხდა ერთი
შემთხვევა, რომლის გამო წმ. ნინოს უფრო დიდის
პატივისცემით და მოწიწებით დაუწყეს ცქერა. მცხეთა-
ში ერთს დიდებულს გაუხდა ავად ბევში. ბევრი უწამ-
ლეს, მაგრამ ვერაფერს გახდნენ, ბავშვი ვერ მორჩა.
ბოლოს ძიძამ აიყვანა ხელში ავადმყოფი ბავშვი და კარ-
და-კარ ჩამოატარა. ყველას აჩვენებდა და თხოვდა ეს-
წავლებინათ წამალი, თუ რამე იკოდნენ. ბევრმა გა-
შინჯა ბავშვი და ურჩია თავისი წამალი, მაგრამ ყვე-
ლაფერი ნაცადი ჰქონდათ. ბოლოს ძიძას ურჩიეს ბავ-
შვი ეჩვენებინა ტყვე ნინოსთვის იმ იმედით, რომ იქნე-
ბა მას, როგორც უცხო ქვეყნელს, სკოდნოდა რამე
ახალი წამალი. ნინო ცხოვრობდა ქალაქს გარეთ, მაყვლო-
ვანში. ძიძამ მიუყვანა ბავშვი. ნინომ, რომელმაც წამლო-
ბისა არა იკოდა-რა, ჩამოართვა ძიძას ბავშვი, მიაწვინა
თავის საწოლზე და თქვა ლრმა რწმენით: „ქრისტე, გამ
ქურნებელი ბევრისა, გაჰკურნავს ამ ბავშვსაც“. შემდეგ
შეუდგა ლოცვას. ძიძაც და მასთან ერთად სხვა ქალები
გაოცებულნი იყვნენ ნინოს სასოებიანის ქცევით და
ლოცვით და თითონაც გაიმსჭვალნენ იმედით, რომ
ბავშვი მორჩებოდა. როდესაც ძიძამ ბავშვი მიიყვანა
სახლში და გადასცა დედას, ამან სულ სხვა ფერზე დაი-
ნახა თავისი შვილი: ბავშვს უკეთობა დასტურობდა *

რავდენისამე დღის შემდეგ ბავშვი ფეხზე წამოდგა სრულიად განკურნებული.

ამ ამბის შემდეგ წმ. ნინოს დაუვარდა სასწაულ-მომქმედის სახელი. მის ყოფა-ცხოვრების, საქციოელის და ქადაგების შესახებ დაიწყეს ლაპარაკი მთელს მცხეთაში, ასე რომ თვით დედოფალმა ნანამაც კი შეიტყო მისი ამბავი.

ქალებთან ერთად ნინოს ქადაგებამ და ყოფა-ქცევამ მიიქცია კაცების ყურადღებაც და ბევრნი ქალები-ვით შეიქნენ მის მოწაფეებად. ბოლოს ნინოს ამბავმა მიაწია თვით მირიან მეფემდე.

გახდა ავად ნანა დედოფალი. იმის მორჩენაც ძალიან გაძნელდა. დედოფალს ურჩიეს მიეწვია ნინო და ეთხოვნა მისთვის განკურნება. დედოფალმა გაგზავნა კაცი ნინოს მოსაყვანად. ნინომ გამოგზავნილს კაცს უთხრა, მე წამლობისა არა ვიცი-რაო. როდესაც გაახსენეს ნინოს ბავშვის მორჩენა, მან მიუგო: „ბავშვი მე კი არ მოვარჩინე, არამედ ჩემმა ღმერთმა, რომელიც ჯვარს ეცვა ჩვენთვის, კაცთათვის!“. ამ სიტყვების გაგონებაზე გაგზავნილმა კაცმა შეხედა იქვე დასვენებულს ვაზის ჯვარსა და იფიქრა, ამის ღმერთი სწორედ ამ ჯვარზედ იქნებოდა გაცმულიო. როდესაც ნანა დედოფალმა მოისმინა ნინოს პასუხი და გაგზავნილის კაცის ნათქვამი ნინოს ქოხში დასვენებულს ვაზის ჯვარზე, ბრძანა თვით წაეყვანათ ნინოს ჯვართან, რომ, ეგება, ისიც ისე მორჩენილიყო, როგორც ბავშვი. ნინომ ნანა დედოფალიც, როგორც წინად ავადმყოფი ბავშვი, მიაწვინა საწოლზედ ჯვრის ფერხთით და ილოცა. მოხდა სასწაული. ნანა დედოფალმა კარგად იგრძნო თავი და შესწირა მადლი ნინოს. ნინომ უპასუხა: „უმაღლიდეთ-

ქრისტესა, ძესა ღვთისასა, და მოსავლეთ მას ვითარცა ლმერთსა! მირიან მეფემ ჯილდოდ გაუგზავნა ნინოს ძვირფასი საჩუქრები. ნინომ საჩუქრები დაუბრუნა მეფეს და შეუთვალა: „მე არ მჭირია სიმდიდრე და ვიქნები დიდი კმაყოფილი, თუ მეფე იწამებს დედოფლის გამკურნებელს ლმერთსაო“.

დედოფლის ასეთის სასწაულებრივის განკურნების შემდეგ უფრო მეტად გაითქვა ნინოს სახელი და გავრცელდა ქრისტეს მოძღვრება, რომელსაც ის ქადაგებდა არა მარტო მცხეთაში, არამედ მის გარეთაც. ეს ქადაგება ქართველებს გულში სწვდებოდა და ულვიძებდა აზრს მათ ძველის რწმუნების სიყალბის შესახებ. წარმართობის მოთაყვანე ქართველები ყურადღებას არ აქცევდენ იმ გარემოებას, რომ ნინოს მოძღვრება ძირიანად სთხობიდა მათ ლმერთებს, რადგან ჩვენი წარმართობის დროინდელი წინაპრები არ იყვნენ ფანატიკოსები. კერძოდ მეფე მირიანი არ იყო წინაამდეგი ქრისტიანობისა, რადგან მას შეტყობილი ჰქონდა, რომ ეს ახალი სარწმუნოება ვრცელდებოდა მთელს რომის იმპერიაში და თვით იმპერატორი კონსტანტინეც საჯაროდ მოიქცა ამ რჯულზედ.

რადგან ამნაირად არც მთავრობა და არც თვით ხალხი არ სდევნიდა ქრისტეს მოძღვრების ქადაგებას, ამ მოძღვრებამ გაიღგა ფეხი მთელს ქართველობაში, თუმცა ძველებური წარმართობა და წესები ჩვეულებისამებრ კიდევ სრულდებოდა ყველასგან. აი ამ დროს, როდესაც ძველი რწმენა ირყეოდა და ახალი ვრცელდებოდა, მოხდა კიდევ ერთი შემთხვევა, რომელმაც ქრისტიანობას მოუპოვა მძლავრი მომხრე და ძალით მის გამავრცელებელი.

ერთხელ მირიან მეფე თავის მხლებლებით წავიდა სანაღიროდ. ნაღირობის ღროს ერთს ხეობაში ცა უცებ მოიღოუბლა და ისე ჩამობნელდა, რომ თვალწინ ვეღარაფერს ხედავდენ მონაღირეები. მეფის მხლებლები აირდაირიენ და დაშორდნენ მეფეს. შეშინებულმა მეფემ მიმართა ლოცვით თავის ღმერთებს, მაგრამ სიბნელე არ გაიფანტა. მეფე უფრო და უფრო აიტანა შიშმა. ამ ღროს გაახსენდა მას ღმერთი, რომელსაც ქადაგებდა ნინო და რომელიც იწამა რომის იმპერატორმა კონსტანტინემ და მისმა ერმა. გაჭირებულს მდგომარეობაში მყოფი მეფე შეევეღრია ნინოს ღმერთს და თხოვა გამოეყვანა გაჭირვებისაგან. არ გასულა ამის შემდეგ რავდენიმე წუთი, რომ ცოტათი შესუსტდა სიბნელე, ნელ-ნელა დაიწყო გაფანტვა და ბოლოს სრულებითაც განათდა. მირიან მეფე დარწმუნდა, რომ ეს სასწაული მოხდა ნინოს ღმერთისაგან და თავისი აზრი გამოუცხადა თავის მხლებლებს.

3. მირიან გევის გაძრისტიანება.— დაბრუნდა თუ არა მირიან მეფე მცხეთაში, დაიბარა სასახლეში ნინო, უამბო რაც გადახდა და თხოვა შეეტყობინებინა ყველაფერი თავის ღმერთის შესახებ. ნინომაც აუხსნა ყველაფერი და სრულებით მოაქცია მეფე. მირიანმა მიიწვია მთელის სამეფოს ღიღებულები და გამოუცხადა, რომ კეშმარიტი ღმერთი ყოფილა ქრისტიანების ღმერთიო და გაახსენა იმპერატორის კონსტანტინესაგან ქრისტიანობის მიღება და მთელის რომის მოქცევა. ბევრი ჩიჩინი და ქადაგება არ იყო საჭირო ღიღებულებისათვის. მეფის ბრძანებით შემუსრეს მცხეთაში კერპები და გასცეს ბრძანება სხვა აღგილებულიც აგრე მოქცეულიყვნენ. საკერპოს ნაცვლად მირიანმა გადაწყვიტა საქრისტიანო ტაძრის აგება. ხუროთმოძღვრებს ტა-

ძრის შენების დროს ხელმძღვანელობას უწევდა წმ. ნინო, რომლის რჩევითა და აზრით მათ ამართეს ერთი საკვირველად დიდი სვეტი (331 წ.) ხალხმა ამ სვეტის ამართვა მიაწერა სასწაულს.

მირიანმა იცოდა, რომ ქრისტიანობის შემოღება საქართველოში იქნებოდა სასიამოვნო რომისთვის. ამ სა- სიამოვნო ამბის შესატყობინებლად და სამღვდელო პი- რთა მოსაწვევად მეფემ გავზავნა მოციქულები კონსტან- ტინე იმპერატორთან. დიდად გახარებულმა იმპერატო- რმა მიულოცა ქრისტიანობაზე მოქცევა და გამოუგზავ- ნა ეპისკოპოზი, მღვდლები და დიაკვნები.

4. ძართველების მონათვალი.—ბიზანტიითვან მოსულმა სამღვდელო პირებმა მონათლეს მცხეთაში მეფე-დედოფალი, დიდებულები და ხალხი. შემდეგ ნელ- ნელა დაიარეს სხვა ქალაქები და სოფლები და შეუდ- გენ ხალხის მონათვლას. იქ, სადაც ქრისტიანობის ქა- დაგება არ იყო ახალი ხილი და ხალხიც ცოტაოდნად განვითარებული იყო, ახალი რჯული აღვილად მიიღეს, მაგრამ იყო საქართველოში იმისთანა აღვილებიც, სა- დაც არც ხალხი იყო საქმაოდ განვითარებული და არც ქრისტიანული მოძღვრება იყო ცნობილი. ამისთანა აღ- ვილებში მთავრობამ მიმართა ძალას ხალხის მოსანათ- ლად. ხალხი ზოგან დამორჩილდა ძალას და მოინათლა, ზოგან კი არ დაემორჩილა, წინაამდეგობა გაუწია და უარ-ჟყო გაქრისტიანება. ამნაირად ბევრგან საქართვე- ლოში წარმართობა ხელ-უხლებლად დარჩა მირიან მე- ფის დროს და ქრისტიანობა. დამყარდა მხოლოდ შემ- დეგს ხანებში.

საქართველოს ეკლესიამ წმ. ნინო ალიარა მოცი- ქულთა სწორად და აღიდებს მას როგორც საქართვე-

ლოს განმანათლებელს 14 იანვარს. მირიან მეფე და ნანა დედოფალი ჩარიცხულნი არიან წმინდათა შორის და ეკლესია იხსენიებს შათ 23 მაისს.

5. გარეისტიანების პოლიტიკური შედეგი.—

ქრისტიანობის მიღებით საქართველო ძალიან დაუახლოვდა ბიზანტიას (რომის იმპერიას) და მოშორდა სპარსეთს. სპარსეთს ძალიან საწყენად დარჩა საქართველოს სარწმუნოებრივი დაშორება და მხნედ შეუდგა მის პოლიტიკურად დაპყრობას და ცეცხლის თაყვანისცემის მფარველობას ქრისტიანობის წინაამდევ. მირიანის მომყოლის ორის მეფის ბაქარის და მირდატის დროს ქრისტიანობის გავრცელებას და ბიზანტიის გავლენის დამყარებას საქართველოში სპარსეთმა ვერ გაუწია წინაამდევობა. მირიანის შემდეგ მესამე მეფის ვარაზ-ბაკურის დროს კი სპარსეთის ასეთს მეცადინეობას მოჰყვა ბრძოლა სპარსთა და ბიზანტიიელთა შორის. ამ ბრძოლის შედეგი ის იყო, რომ სპარსეთმა გამოჰვევიჯა საქართველოს რანი და მოვაკანი, ბიზანტიამ კლარჯეთი, ხოლო ვარაზ-ბაკური, რომელსაც წინადევ ჰყავდა ბიზანტიაში გაგზავნილი მძევლად საკუთარი შვილი მურვანოზი (ცნობილი წმინდა პეტრე ქართველად), სპარსეთის მოხარკედ შეიქმნა და იძულებული იყო ქრისტიანობას გულვრილად მოჰკიდებოდა და თავისიუფლება მიეცა ცეცხლის თაყვანისცემის გავრცელებისათვის.

ვარაზ-ბაკურის შემდეგ ცოტად შესუსტდა სპარსეთის ძალა და მეფე თრდატიც თუმცა სპარსეთის მოხარკე, მოღვაწეობდა ქრისტიანობის გასამტკიცებლად. მის უკან მეფე ფარსმანმა დაიკირა ცხადად ბიზანტიის მხარე, სპარსეთს უარი უყო ხარკის ძლევაზე და მხნედ შეუდგა ქრისტიანობის დამყარებას. ფარსმანის შემდეგ

მირდატ მეფემ მოინდომა საქართველოს გათავისუფლება როგორც სპარსეთის, ისე ბიზანტიის გავლენისაგან. ამიტომ ბიზანტიას წარდავა კლარჯეთს და სპარსეთს უარი უყო ხარკის მიცემაზე. ამის გამო სპარსელები შემოესიენ საქართველოს და მირდატი დაატყვევეს, ხოლო საქართველო დაიპყრეს, შემუსრეს ეკლესიები და დაიწყეს ცეცხლის თაყვანისცემის გავრცელება. მართალია, რავდენისამე წლის შემდეგ ქართველებმა გაამეფეს მირდატის შეილი არჩილი და მხნედ იწყეს ბრძოლა სპარსელებთან, მაგრამ ვერას გახდნენ. როგორც არჩილის ისე მის შეილის მირდატ მეფის დროს საქართველო იხდიდა სპარსეთისთვის ხარკს და ცეცხლის თაყვანისცემა თავისუფლად ვრცელდებოდა. ამ სარწმუნოების დასამყარებლად და მფარველად სპარსეთის მთავრობისაგან დანიშნული იყო მცხეთაში უმაღლესი სასულიერო პირი მობიდა, რომელსაც ისეთივე მნიშვნელობა და ძალა ჰქონდა, როგორც ეპისკოპოზე. ასეთს მდგომარეობაში იყო საქართველო, როდესაც საქართველოს მეფის ტახტზე ავიდა მირდატ მეფის შეილი ვახტანგი (446 წ.).

IV

მეფე ვახტანგ გორგასალი და მის შემდეგი დრო.

ვახტანგის შეფობის პირველი წლები.—ლაშერობა ხაზარებზე.—ლაშერობა ბიზანტიის წინაამდევ.—სპარსეთის მფლობელობის უარყოფა და მის შედევი.—ვახტანგის მოღვაწეობა.—კობადის გამოლაშერება და ვახტანგის სიკვდილი.—ვახტანგის შემდევი მეფეები.—იმერ-საქართველოს გადგომა და ლაზიკის დაარსება.—სპარსელების პოლიტიკა და მისი შედევი.

1. ვახტანგის მიუღაბის პირველი წლები.—ვახტანგ გორგასალი მამის სიკვდილის შემდევ დარჩა

შვიდის წლისა და მის დავაუკაცებამდე მეფობას განა-
გებდა დედა მისი საგდუხტი. ვახტანგის მცირე წლოვა-
ნობის განმავლობაში სპარსეთის გავლენამ უფრო მეტად
მოიკიდა ფეხი საქართველოში. სპარსელი მოგვები თა-
ვისუფლად ქადაგებდენ ზარატუშტრას სარწმუნოებას და
დაუბრკოლებლად ავრცელებდენ ცეცხლის თაყვანის-
ცემას ქართველობაში, რომელსაც ჯერ კიდევ არ ჰქონ-
და სისხლსა და ხორცუში გამჯდარი ქრისტიანობა.

საქართველოს დასუსტებით ისარგებლეს მეზობ-
ლებმა და სათარეშოდ გაიხადეს ჩვენი ქვეყანა. ათის
წლისა იქნებოდა ვახტანგი, როდესაც შემოესიენ საქარ-
თველოს ხაზარები, მოედვნენ მთელს მტკვრის ხეობას,
აიკლეს და ააოხრეს რაც შეხვდათ და ჩავიდნენ. თვით
რანსა და მოვაკანამდე. სხვათა შორის მოიტაცეს ვახ-
ტანგის სამის წლის და, მირანდუხტი, და ტყველ წაი-
ყვანეს.

არც ბერძნები დარჩენენ ხელ-მოუთბობელნი. იმა-
თაც დაიჭირეს ახალი აღილები შავის ზღვის პირად.

2. **ლაშქრობა ხაზარებზე.** ამისთანა გაჭირების
დროს ვახტანგი იზრდებოდა და მწიფდებოდა ჯერ
საურმავ სპასპეტის და შემდეგ ჯუანშერ სპასპეტის
ხელმძღვანელობის ქვეშ. თხუთმეტის წლისა რომ შეიქ-
ნა, ჭკვიანმა და ძალონით სავსე ვახტანგმა იდლესას-
წაულა ტახტზე ასვლა და შეუდგა ქვეყნის მართვას.
პირველი მისი სურვილი იყო ხაზარების ჯავრის ამოყრა
და თავის დის და მრავალის ქართველის მათ ტყვეო-
ბითგან დახსნა. თავისი სურვილი გამოუცხადა დიდებუ-
ლებს და ჯარს. ყველამ მოიწონა ვახტანგის განძრახვა
და დაადგინეს გაელაშქრათქაზარების წინაამდეგ. ასე-
თი ლაშქრობა მოიწონა აგრეთვე აღერბეჯანის მმართვ-

ბელმა და გამოუგზავნა ვახტანგს სპარსის ჯარი მაშველად. 455 წ. ვახტანგმა თავის ჯარით გაიარა დარიალის ხეობა, შევიდა ხაზარეთში და მიაწია პაკანიგეთამდე. გზაში ვერაფერი გაუმაგრდა-რა, დაამარცხა ხაზარები, გაათავისუფლა როგორც თავისი და, ისე სხვა ქართველი ტყვეები და დაბრუნდა ძლევამოსილი დიდის ალაფით.

ამისთანა გამარჯვებამ დიდი სახელი მოუხვეჭა ვახტანგს და სპარსეთის მეფის ჰორმუზდის თვალში მისი მნიშვნელობა აამაღლა. მეფე ჰორმუზდმა მიათხოვა ვახტანგს ცოლად თავისი ასული ბალენდუხტი.

ვ. ლაშჩიობა ბიზანტიის წინააღდევზ. 461 წ. სპარსეთის მეფის ფიროზის წინადადებით ვახტანგ მეფემ მიიღო მონაწილეობა სპარსთა ლაშქრობაში ბიზანტიელთა ანუ ბერძენთა წინააღდევგ. ვახტანგი მით უფრო დიდის სიამოვნებით დათანხმდა ამ ლაშქრობაზე, რომ ბერძნებს ეჭირათ საქართველოს ადგილები, რომელთა დაბრუნება ვახტანგს გულითა სწადდა. ისე მოხერხებულად წაიყვანა ვახტანგმა ამ ლაშქრობაში საქმე, რომ სპარსეთის ჯარიც დაასუსტა მით, რომ დაამარცხებინა იგი ბერძნებს და თითონაც აგრძნობინა ბერძნებს თავისი ძალა მით, რომ შეტჩეულს დროს მარტოდ-მარტო ქართველის ჯარით შეებრძოლა მათ და საშინლად დაამარცხა. შემდეგ სპარსთაგან დამოუკიდებლად გამართა მორიგება ბერძენთა იმპერატორთან და დაათმობინა საქართველოს ის ნაწილები, რომლებიც მას ეჭირა.

4. სპარსეთის ჩულობელობის უარ-უოზა და მის შედეგი.—რაკი ასე გაძლიერდა და დაუახლოვდა ბიზანტიასაც, ვახტანგმა ახლა კი ცხადად მოურიდებულად დაიწყო სპარსთა წინააღდევგ მოქმედება. შესუდგა-

ციხეების მაგრებას, აკრძალა ზარატუშტრის სარწმუნოების ქადაგება და განდევნა მოგვები საქართველოთვან, ხოლო ბინჯარი, მოგვების უფროსი, რომელმაც გაუწია მას წინაამდეგობა, ჯერ საპყრობილები დაამწყვდია, შემდეგ გააძევა.

ვახტანგმა იცოდა, რომ ეს ამბავი მუქთად არ ჩაუვლიდა და ადრე თუ გვიან სპარსეთის მეფე თავის გავლენის ასადგენად გამოგზავნიდა ჯარს. მართლაც 464 წ. სპარსეთის ჯარი გამოემართა საქართველოსკენ. ვახტანგმა შეუთვალია ბიზანტიის იმპერატორს, რომ დახმარება გაეწია. იმპერატორი ამ დროს თითონ ლაშქრობდა ჩრდილოელის სამძღვარზე და ამიტომ შველა არ შეეძლო. ვახტანგი მარტოდ მარტო დახვდა სპარსელებს. ბრძოლამ სპარსელთა და ქართველთ შორის გასტანა ოთხს თვეს. ამ ხანში საბერძნეთის იმპერატორმა გაათავა ლაშქრობა და გამოგზავნა ვახტანგის მისაშველებლად ბერძნის ჯარი. ეს ამბავი რომ შეიტყოს სპარსელებმა, მორიგებაზე ლაპარაკი ჩამოაგდეს. სპარსელებმა ზავი შეჰქრეს ვახტანგთან და ხელი აიღეს საქართველოს შინაურს საქმეებში ჩარევაზე.

თავის მეგობრობის დასამტკიციცებლად სპარსეთის მეფემ ფიროზმა ითხოვა ცოლად ვახტანგის და მირანდუხტი და თან სთხოვა თავის ცოლის ძმას, რომ მოხმარებოდა მას თავის მტრებთან ლაშქრობაში ინდოეთის სამძღვრებზე. ვახტანგმა შეასრულა ფიროზის სათხოვარი და გაჰყვა მას სალაშქროდ. ამ ლაშქრობაში ვახტანგმა და მის ჯარმა ისახელეს თავი სიმამაცით და მოხერავებულობით.

5. ვახტანგის მოღვაწეობა. — სპარსეთითვან დაბრუნებული ვახტანგი შეუდგა თავის სამეფოს მოწყო-

ბას. ააშენა ქალაქი ტფილისი, სკეტიცხოვლის ტაძარი მცხეთაში, ეკლესია ნიქოზში და დაადგინა საქართველოში კათოლიკოზი და თორმეტი ეპისკოპოზი. მანამდე საქართველოს ეკლესიას განაგებდა ანტიოქიით წარმოგზავნილი ერთი ეპისკოპოზი, ახლა კი დაწესდა, რომ მხოლოდ კათოლიკოზი ყოფილიყო გამოგზავნილი ანტიოქიით, ხოლო ეპისკოპოზებს თითონ კათოლიკოზი გააწესებდა საქართველოშივე.

პირველის ცოლის სიკვდილის შემდეგ ვახტანგმა ცოლად ითხოვა საბერძნეთის იმპერატორის ასული ელენე და მზითვად მიიღო აფხაზეთი. ამნაირად ვახტანგმა თავი მოუყარა ერთად საქართველოს ყველა ნაწილებს და შექმნა ერთი მძლავრი სახელმწიფო.

6. პობალის გამოლაშეჩრება და გახტანგის სიკვდილი.—499 წლამდე საქართველო სტკბებოდა მშვიდობიანობით და ორავითარი გარეშე მტერი არ აწუხებდა მას. მხოლოდ ამ წელს მოუხდა მას ბრძოლა სპარსელებთან. სპარსეთის მეფე კობალმა მოინდომა ბიზანტიაზე გალაშქრება და შემოუთვალი ვახტანგს, რომ დახმარებოდა მას ჯარით. ვახტანგმა უარი შეუთვალი კობალმა ასეთი უარი მოისაბაბა და წამოვიდა საქართველოში ჯარით ვახტანგის დასამორჩილებლად. ვახტანგის განკარგულებით ხალხი გაიხიზნა მაგარს ადგილებში და დაემზადა მტრის დასახვედრად.

ვახტანგ მეფე ჯარის ერთის ნაწილით გამაგრდა კახეთში, უჯარმის ციხეში. მეორე ნაწილი ჯარისა გამაგრდა მცხეთაში. სპარსელები პირველად კახეთში შევიდნენ. აქ მოხდა დიდი ბრძოლა. ქართველებმა დაამარცხეს სპარსელები და უკან დაახევინეს. მაგრამ ბრძოლაში ვახტანგ მეფე დაიკრა. ამ ამბავმა გაამხნევა სპარს-

ელები, რომელნიც გაეშურნენ მცხეთისკენ და აიკლეს ტფილისი და არმაზი. მცხეთა კი მაგრად იყო და ვერ აიღეს. აქ კობათ მოუგიდა ამბავი, რომ ბიზანტიის ჯარი წამოსულიყო სპარსეთის წინაამდევ. ფიცხლავ დაანება თავი მცხეთას და გაეშურა ბერძნების წინაამდევ.

დაქრილი ვახტანგი მალე გარდაიცვალა და საქართველოს მეფედ შეიქმნა მისი უფროს ვაჟიშვილი დაჩი, პირველის ცოლისაგან ნაყოლი. სიკვდილის წინ ვახტანგმა სთხოვა დაჩის, რომ მის მეორე ცოლისაგან ნაყოლის შეილებისთვის—ლეონისა და მირდატისთვის—მიეცა საერისთავოდ. შავის ზღვის პირად მდებარე მხარეები.

ბერძნებზე გამარჯვებული კობათი დაბრუნდა ისევ საქართველოში და დაიჭირა დარიალის ხეობა, აქ ციხე-ში ჩააყენა თავისი ჯარი და ამნაირედ უზრუნველ ჰყო თავისი საბრძანებელი კავკასიის მხრით. საქართვალოს მეფე დაჩი იძულებული შეიქმნა მორჩილება გამოეცხადებინა კობათისთვის და ეკისრნა ხარკის ძლევა.

7. ვახტანგის შემდეგი მეფები.—დაჩის შემდეგ მეფობდა შეილი მისი ბაკურ, რომელიც მამის მსგავსად იძულებული იყო ეცნო სპარსეთის ზეხელმწიფება და ეძლია ხარკი. მისმა შეილმა ფარსმან მეხუთემ სკადა-სპარსეთის უღელი მოესპო, მაგრამ სპარსელები შემო-ესიენ საქართველოს თავიანთ უფლების ასაღენად და იძულებულ ჰყვეს ფარსმანი გამოეცხადებინა მორჩილე-ბა. სპარსთა მფლობელობამ უფრო მოიკიდა ფეხი შემ-დეგის ორის მეფის დროს—ფარსმან მეხუთის ძმისწუ-ლის ფარსმან მეექვებისა და ამის ძის ბაკურისა. ეს-მფლობელობა ისე გაძლიერდა, რომ ბაკურის სიკვდი-ლის შემდეგ მის მცირეწლოვანის შეილის გამეფება ვერ

შესძლეს ქართველებმა და პირდაპირ დაემორჩილენ
სპარსეთს (570 წ.).

**8. იმიტო-საჭართველოს გაზოვა და ლაზი-
კის დაარსება.**—ვახტანგის შემდეგ დამყარებულს
სპარსთა მფლობელობას ის შედეგი მოჰყვა კიდევ, რომ
შავის ზღვის პირად მდებარე ქვეყნები ბერძნების და-
მარებით ცალკე გადგნენ და დაარსეს ცალკე სამეფო,
ლაზიკად წოდებული. მაგრამ არც ეს ნაწილი საქარ-
თველოსი იყო დამოუკიდებელი, რადგან ბერძნები მუ-
ლამ ცდილობდენ იქ დაემყარებინათ თავიანთ გავლენა.
სპარსეთი არ ყაბულობდა ბერძნების მფლობელობას
ამ ქვეყანაში და ამიტომ გამუდმებული ბრძოლა იყო
ამ ქვეყნის გამო სპარსთა და ბერძნენთა შორის, ვიდრე
საბოლოვოდ არ გადაწყდა მათი დავა მით, რომ სპარ-
სეთმა დაუთმო ლაზიკა ბიზანტიას (562 წ.).

9. სპარსელების კოლიტიკა და მისი უდეგი.—
სპარსეთის მთავრობა მთელს თავის ძალ-ლონეს ვახტან-
გის შემდეგაც იმას ანდომებდა, რომ ქართველობა ცეც-
ხლის თავების ცემისთვის დაებრუნებინა. აუარებელი
რიცხვი მოგვებისა, რომელთაც მფარველობდა მთავრო-
ბა, შემოდიოდა საქართველოში და ქადაგებდა ზარა-
ტუშტრას მოძღვრებას. არავითარმა ქადაგებამ და დევ-
ნამ ვერ ააღებინა ქართველებს ხელი ქრისტიანობაზე.
მართალია, ბიზანტია ახლა ძალით ვერ ეწინაამდევებო-
და სპარსეთის საქართველოში მფლობელობას, მაგრამ
სამაგიეროდ დიდს ზნეობრივს შემწეობას აძლევდა ქარ-
თველებს მის პოლიტიკის წინაამდევ საბრძოლელად.
თუ სპარსეთი გზავნიდა მოგვებს, ვიზანტია აძლევდა
საქართველოს ქრისტიანობის მქადაგებლებს. ასეთ მქა-
დაგებელთა შორის ცნობილნი არიან ჩვენს ისტორიაში

ათცამეტი სირიელნი მამანი, რომელნიც შემოვიდენ საქართველოში ფარსმან მეექვსის დროს. ჯერ არ არის გამორკვეული, ვინ იყვნენ ის ათცამეტნი მამანი, რომელნიც იწოდებიან სირიელებად *). შესაძლებელია ისინი ნამდვილი ქართველებიც ყოფილიყვნენ, სირიაში აღზრდილნი. ეს კი ცხადია, რომ მათმა ქადაგებამ და ბრძოლამ ცეცხლის თაყვანისმცემელთა წინაამდეგ გაამაგრა ქართველობაში ქრისტიანობა და მიასუსტა ცეცხლის თაყვანისცემის გავლენა ხალხზე.

V

არაბთა მფლობელობის დრო.

გურამ ბაგრატიონის გამეფება.—გურამის გამეფებითგან არაბების შემოსევამდე.—არაბების მფლობელობის დამყარება.—პოლიტიკური სისუსტე.—საჩრდინოებრივ-კულტურული განვითარება—ეროვნულის გრძნობის გაღვიძება.

1. გურამ ბაგრატიონის გამეფება.—ბაკურ III-ის სიკვდილის შემდეგ (570წ.) სპარსელებმა ნება არ მისცეს ქართველებს მეფე დაესვათ და გამოგზავნეს ტფილისში თავიანთ კაცი მთავარმართებლად (მარზბანიდ). თავიანთ მფლობელობის დასამყარებლად სპარსელებმა ქართველს დიდებულებს დიდი უპირატესობანი მიანიჭეს და ერისთავებს საშვილიშვილოდ დაუმტკიცეს

*) აი სახელები ამ ათცამეტის მამისა: იოანე ზედაძნელი, დავით გარეჯელი, სტეფანე ხირსელი, იოსებ ალავერდელი, ზენონ იყალთოელი, ანტონ მარტყოფელი, ისე წილკნელი, თათე სტეფან-წმინდელი, შიო მღვიმელი, ისიდორე სამთავრელი, აბიბოს ნეკრესელი, მიქელ ულუმბელი და პიროს ბრეთელი.

მათი საგამგებლო ადგილები. პირველად ეს ამბავი ესი-ამოვნათ დიდებულებს, მაგრამ შემდეგ დაინახეს, რომ სპარსთაგან მათი პირდაპირი დამოკიდებულება არ იყო მათთვის სასარგებლო, ხოლო ხალხისთვის ხომ მეტად დამღუპველი იყო, რადგან სპარსები უზომო ხარჯს აძლევინებდენ, სდევნიდენ ქრისტიანობას და მით სულს უხუთავდენ. დიდებულებმა ისარგებლეს სპარსთა და ბიზანტიელთა შორის ატენილის ოპით და მიმართეს გამარჯვებულს ბიზანტიის იმპერატორს, რომ საქართველო მიეღო თავის მფარველობაში და მეფედ ეცნა კლარჯეთის ერისთავი გურამ კუროპალატი. იმპერატორმა სიამოვნებით მიიღო ქართველის დიდებულების თხოვნა და საქართველოს მეფედ შეიქნა გურამ ბაგრატიონი. (575 წ.).

2. გურამის გამოვაბითვან არაბების უეოოს-ვამდე.—გურამისა, მის შვილის სტეფანოზის და შვილის შვილის ადარნასეს დროს გამუდმებული ჭმრძოლა იყო სპარსთა და ბიზანტიელთა შორის და, იმის მიხედვით თუ რომელი მხარე გაიმარჯვებდა, საქართველოც ხან ერთის, ხან მეორე სახელმწიფოს გავლენის ქვეშ მოექცევოდა ხოლმე. როდესაც სპარსეთი იმარჯვებდა, ის მაშინვე მოინდომებდა ხოლმე თავის უფლების აღგენას საქართველოში და ნიშნადა ჩვენის ქვეყნის მმართველად მარზბანს. ამის გამო საქართველოს მეფეებმა დაქარგეს თავიანთ ძალა და ერასთავის ანუ მთავრის ხარისხზე ჩამოიქვეითეს, რის გამოც გურამის მეტკვიდრეები კარგა ხანს იწოდებიან მთავრებად და არა მეფეებად.

3. არაბების გულობელობის დამართვა.—
ადარნასე მთავრის შვილის სტეფანოზ მთავრის დროს საქართველოს გაუჩნდა ახალი მეზობელი. და მასთან

მრისხანე მტერი—არაბები. არაბეთის ნახევარ-კუნძულზე მცხოვრებნი, მაშინად მოციქულის მიერ დაარსებულის ახალის სარწმუნოებით აღფრთვანებულნი, ისე გაძლიერდენ პოლიტიკურად, რომ სულ მცირე ხნის გამავლობაში 632 წლითვან 641 წლამდე დაიპყრეს ეგვიპტე, პალესტინა, სირია, სასომხეთი და სპარსეთი. სპარსეთსა და სასომხეთთან ერთად საქართველოშიაც შემოვიდნენ არაბები და დაიკირეს ტფილისი, სადაც დაადგინეს ამირა (მთავარი), რომელსაც უნდა დაეცვა არაბთა მფლობელობა საქართველოზე. ეს მფლობელობა გამოიხატებოდა იმაში, რომ ქართველებს უნდა ეძლიათ არაბებისთვის შეწერილი ხარჯი და მათ წინაამდევგ არაფერი ჩაედინათ-რა.

არაბთა მფლობელობას საქართველოსთვის სამნაირი შედევგი ჰქონდა: პოლიტიკური სისუსტე, სარწმუნოებრივ-კულტურული განვითარება და ეროვნულის გრძნობის გაღვიძება.

4. პოლიტიკური ცისუსტე.—მეფის უფლების შესუსტებისა გამო საქართველოს ნაწილები ერთი-ერთმანეთს დაშორდენ და ცალკე პოლიტიკური ცხოვრება იწყეს. ერთის მხრით აფხაზეთის ერისთავი გაძლიერდა იმოდენად, რომ გავლენა მოიპოვა მთელს იმიერ-საქართველოში, იწოდა მეფედ და თავისი სამეფო ტახტი გადმოიტინა ქუთაისში. ამ ხნითვან მთელი იმიერ-საქართველო წოდებულ იქმნა აფხაზეთად. მეორე მხრით კახეთმა გასწუვიტა კავშირი ქართლთან და დაემორჩილა თავის საკუთარს მთავრებს. ტფილისი, სადაც ცხოვრობდა არაბთა ემირი, არაბების პირდაპირს დამოკიდებულებაში იყო და მის მიდამო ადგილებით სრულიად გაცალკევებული იყო დანარჩენის საქართველოთვან. მხოლოდ ქარ-

თლი და სამხრეთი საქართველო შერჩა ბაგრატიონებს. მაგრამ არც თვით ბაგრატიონთა სამფლობელოში იყო ერთიანობა. ბაგრატიონთა გვარის წევრებს განაწილებული ჰქონდათ მთელი ტერიტორია ერთმანეთში და თუმცა გვარში ერთის უფროსობას სცნობდენ, მაინც საკმაოდ დამოუკიდებლები იყვნენ ერთი-ერთმანეთისაგან.

ბაგრატიონებს მუდამ კავშირი ჰქონდათ ბიზანტიასთან, რასაც ხელს უწყობდა არაბების მეზობლობა და მათთან ბრძოლა. ბიზანტია დიდს ყურადღებას აქციევდა საქართველოს და მის მართველებს და ცდილობდა ისინი მკიდროდ დაეკავშირებინა თავისთან, თუ პოლიტიკურად არა, ზნეობრავ მაინც. ამ პოლიტიკის ბრალია ის მოვლენა, რომ ბაგრატიონთა გვარის წევრნი მთელს ამ ხანში ატარებდენ სხვა-და-სხვა ბიზანტიურს დადის ხარისხის ტიტულებს და იწოდებოდენ: კუროპალატებად, მაგისტროსებად, პატრიკებად და ანთიპატოსებად. ბიზანტიის იმპერატორები ურიგებდენ ამ ტიტულებს ბაგრატიონის გვარის წევრებს იმის მიხედვით, თუ რაოდენად თვითეული მათგანი ემსახურებოდა ბიზანტიის ინტერესებს. ამით აიხსნება, რომ ხშირად უდიდესი ბიზანტიური ხარისხი თვით მეფეს კი არა ჰქონია, არამედ სხვა წევრს; ან ერთსა და იმავე დროს ერთნაირის ტიტულის მქონე რავდენიმე ბაგრატიონი ყოფილა. თვით მეფის ტიტულიც ხშირად მიეთვისებოდა ხოლმე რომელსამე ბაგრატიონს მის პირადის უნარის და ლირსების ძალით და არა ჩამომავლობითის უფლებით. ბერძნულის ტიტულების გარდა ბაგრატიონებში გავრცელებული იყო აგრეთვე ქართული ტიტულები ერისთავისა, ერისთავთ-ერისთავისა და მამფლისა.

საქართველოს ასეთი განაწილება მავნებელი იყო ქართველის ერისათვის, რასაც, რა თქმა უნდა, გრძნობდენ ყველგან, როგორც კახეთში, ისე სამცხეში და აფხაზეთში. სურვილი საქართველოს გაერთიანებისა და მტრის ულლის მოშორებისა ყველგან იყო, მაგრამ იგი გამოიხატებოდა არა მშვიდობიანს და კავშირებაში საქართველოს ყველა ნაწილებისა, არამედ ერთისგან მეორე ნაწილის მიკერძებაში თავის სასარგებლოდ. კახეთის მთავრები ცდილობდენ თავიანთ სამფლობელოსთვის შეერთებინათ ქართლი და ამიტომ ხშირად უხდებოდათ ბრძოლა ბაგრატიონებთან. მეორე მხრით აფხაზეთის მეფეები ცდილობდენ შეერთებინათ როგორც ქართლი, ისე კახეთი და ამიტომ ბრძოლა უხდებოდათ მათ როგორც ბაგრატიონებთან ისე კახეთის მთავრებთან. ურთიერთშორისის ბრძოლის გარდა ქართველებს ამ ხნის გამავლობაში ხშირად მოუხდებოდათ ხოლმე შეტაკება არაბებთან. ტფილისის ამირას ტფილისში საკმარისი ჯარი ჰყავდა, რომ მცირე ურჩობის საბაბით გაელაშქრა ხოლმე ქართველთა ან ერთს ან მეორე სამფლობელოზე. თუ თავის საკუთარის ჯარით ვერ მოახერხებდა ურჩობის მოსპობას, ტფილისის ამირა იჩივლებდა ხოლმე ხალიფასთან (არაბთა ხელმწიფე), და ხალიფაც გზავნიდა მხედრობას ქართველების დასახუელად და ხარჯის ძლევის საიმულებლად. ხანდახან თვით ტფილისის ამირაც გააწყრომებდა ხოლმე ხალიფას მით, რომ შესაფერს ერთგულობას არ იჩენდა და საქართველოს მიწა-წყალზე, ქართველებთან დააკლოვებულს დამოუკიდებლობა უფრო ტკბილს ხილად ეჩვენებოდა, ვიდრე ყურმოკრილი ყმობა შორეულის ბატონისა. ამისთანა შემთხვევაშიაც ხალიფა გზავნიდა ჯარს რომლისამე სანდო ამირას წინამძღვრლობით და სჯიდა.

ურჩს ტფილისის ამირას. რა თქმა უნდა, რომ ტფილისის ამირას დასაჯელად მოსული არაბების ჯარი გზად ქართველებსაც ხეირს არ დააყრიდა ხოლმე.

5. **სარმაზოებრივ-კულტურული განვითარება**. — სამაგიეროდ არაბების მფლობელობას სპარსეთში და საქართველოში დიდი მნიშვნელობა ჰქონდა ქრისტიანობის გამტკიცებისათვის საქართველოში. ცეცხლის თაყვანისცემა თუ კიდევ მაგრად იყო ჩვენში ქრისტიანობის მიღების შემდეგ, ეს იმიტომ რომ იგი იყო ძველი სახალხო სარწმუნოება და თან მას მფარველობას უწევდა სპარსეთი. აქლა კი როდესაც სპარსეთმა არაბების გავლენით უარ-ჰყვეს ცეცხლის თაყვანისცემა, ამ სარწმუნოებას საქართველოშიაც მოაკლდა ქომაგი და ხალხში დარჩენილმა უქომაგოდ ვეღარ გაუძლო ქრისტიანობის ძალას, რომელმაც სრულიად ამოფხვრა იგი ყოველგან საქართველოში.

ქრისტიანობის გამტკიცებას თან მოჰყვა ქართველის ერის კულტურული განვითარება. ამ ხანში ითარგმნა ქართულს ენაზე სრულად საღვთო წერილი, მრავალნი თხზულებანი ღვთისმეტყველთა და ფილოსოფოსთა, საქრისტიანო ქადაგებანი და მოძღვრებანი და მსოფლიო წმინდანთა ცხოვრებანი. ამას გარდა დაიწერა ქართველთა წმინდანთა ცხოვრებანი და საქართველოს საერთო ისტორია. თავდაპირეელად მთარგმნელები და მწერლები იყვნენ ბერები, რომელთაც მიღებული ჰქონდათ სწავლა სასომხეთის, სირიის და საბერძნეთის მონასტრებში. შემდეგ უცხო მონასტრებში გაზღიულმა ქართველებმა დააარსეს ქართული მონასტრები როგორც თვით საქართველოში, ისე უცხოეთში. ამ მონასტრებში გაჩაღებული იყო სამწერლო შრომა, თარგმნიდენ და მრავ-

ლად გადაწერილს ცალებად ავტოელებდენ ერში წიგნებს. იმავე მონასტრებში წვრთნიდენ ყმაწვილებს და ასწავლიდენ ყოველისფერს, რაც მაშინ საჭიროდ მიაჩნდათ. მწერლობასთან ერთად ქრისტიანობის გავლენით აყვავდა საქართველოში ხუროთ-მოძღვრება და მხატვრობა. მეფეები, მთავრები და დიდებულები ხელს უწყობდენ წიგნების თარგმანს და გავრცელებას და არ იშურებდენ არათერს მშვენიერის საყდარ-მონასტრების ასაგებად და მათთან სასწავლებლების დასაარსებლად.

სარწმუნოებრივ-კულტურულს განვითარებას შეუწყო ხელი საქართველოს ეკლესიის გათავისუფლებამ ანტიოქიის პატრიარქის დამოკიდებულებისგან. წინად საქართველოს კათოლიკოზად ანტიოქიის პატრიარქი ნიშნავდა თავის სურვილისამებრ ხშირად, თუ ყოველთვის არა, სხვა ეროვნების კაცს. ახლა კი არაბების შიშით ანტიოქიისა და საქართველოს შორის მისვლა-მოსვლის გაძელების გამო, მეშვიდე საუკუნის დასაწყისითგანვე, ქართველი სამლენელოება თვით ირჩევს კათოლიკოზს, რომელიც მართავს ეკლესიას ანტიოქიის პატრიარქის დაუკითხავად. ასეთი თავისუფლება საქართველოს ეკლესიისა დაადასტურა თვით ანტიოქიის პატრიარქმა მერვე საუკუნის ნახევარში მხოლოდ იმ პირობით, რომ საქართველოს კათოლიკოზს თავის ლოცვებში მოეხსენებინა ანტიოქიის პატრიარქი. ამას გარდა პატრიარქმა შეინარჩუნა უფლება საეკლესიო საქმეებში ჩარევისა იმ შემთხვევაში, როდესაც რამე არევ-დარევა მოხდებოდა.

5. მროვლების გრძელების გაღვიძება. — მართლია, ქართველი ერი არაბთა მფლობელობის დროს იყო პოლიტიკურად დაცუმული და რავდენსამე სამე-

ფოდ და სამთავროდ განაწილებული, მაგრამ სამაგიფ-
როდ მას ამხნევებდა და აერთებდა ერთი სარწმუნოება,
ერთი ენა და ერთი მწერლობა. გონებრივ და ზნეობრივ
ქართველებს ახლა თავიანთ თავი სხვებზე ნაკლებად
აღარ მიაჩნდათ და ამიტომ უკეთესის მომავალის იმე-
დით იყვნენ აღსავსენი. ქრისტიანულის სარწმუნოების
დამკვიდრებამ მათ შორის დაცუფა ისინი გამაჰადიანე-
ბისგან, ხოლო ქართულის ენისა და მწერლობის განვი-
თარებამ დაიფარა ისინი ეროვნულის გადაგვარებისაგან.
ქართველი ხედავდა საქართველოს ყველგან, სადაც კი
ისმოდა ქართული ლაპარაკი და წირვა-ლოცვა. ზნეობ-
რივად და ეროვნულის გრძნობით დაკავშირებული
ქართველები საჭიროებდენ ახლა მხოლოდ პოლიტიკუ-
რად გაერთიანებას და არაბთა მთლობელობის მოსპო-
ბას. შეგნებული ქართველობა შხნედ მიისწრაფოდა ამ
პოლიტიკურის გაერთიანებისაკენ და ბოლოს კიდევ
მიაღწია, ოთხასის. წლის განაწილების და დაცუმულო-
ბის შემდეგ (985 წ.).

VII

დავით კუროპალატი და მეტე ბაგრატ მესამე.

დავით კუროპალატი.— იუბაზეთის უკანასკნელი მეფეები.— ბაგრა-
ტის გამეფება იუბაზეთში.— ბაგრატ მეფე და მამა მისი გურგენი.— გურგე-
ნის გამეფება და დავით კუროპალატის სიკვდილი.— კახეთის დაჭირა ბაგ-
რატ მეფისაგან.— განჯის ამირას დამორჩილება:

1. დავით კუროპალატი. — მეათე საუკუნის მე-
ორე ნახევარში ქართლის ბაგრატიონთა შორის თავი
იჩინა ტაოს მფლობელმა დავით კუროპალატმა. ის
იყო შვილი ადარნასე მაგრატროს კუროპალატისა და
შვილისშვილი ბაგრატ მაგისტროსისა. ტაოს გამგებლად
შეიქნა 966 წ. თავის კვეიინურის მართვით, მშვიდო-
ბიანის ხასიათით, სწავლა-განათლების მფარველობით
და ვაჟკაცობით დიდი სახელი გაითქვა როგორც საქა-
რთველოში, ისე მეზობელს ქვეყნებში და კერძოდ ბი-
ზანტიაში. თუმცა ჩამომავლობით მეფის ტიტული მის
დროს სხვას ჰქონდა, მაგრამ ქართველებიც და უცხო-
ელებიც ხშირად იხსენიებენ მას მეფედ. 9:8 წელს,
როდესაც დავით კუროპალატმა დიდი დახმარება გაუ-
წია ბიზანტიას მით, რომ მიაშველა იმპერატორებს ბა-
სილს და კონსტანტინეს ქართველი ჯარი, 12,000 კა-
ცისაგან შემდგარი, რომელმაც დაამარცხა გამდგარი
სკლეროსი, ბიზანტიამ დაუთმო მას სამფლობელოდ
თავის მაზრები, სადაც ცხოვრობდენ სომხებიც. სომხის-
ისტორიკოსი, თანამედროვე დავითისა, ასოლიკი აი რა-
სა სწერს მის შესახებ: „სიტყნარით და მშვიდობის მო-
ყვარეობით დავით აღმატებოდა ყველა ხელმწიფებს,
რომელნიც კი ჩვენს დროს ცხოვრობდნ; დავით იყო
მიზეზი მყუდროებისა და წესიერებისა ყველა აღმოსავ-

ლეთის ქვეყნებში, განსაკუთრებით სასომხეთში და საქართველოში. მან მოსპო მმები, რომელიც ყოველის მხრით ატყდებოდენ ხოლმე და სძლია ყველა მეზობელს ხალხს, ასე რომ ყველა ხელმწიფენი ნება-ყოფლობით ექვემდებარებოდენ მას.“

ქართლის მეფედ დავითის დროს ითვლებოდა ბაგრატ რეგვენი (958—994), რომელიც იყო მეტად სუსტი და უნიკო კაცი. ის სრულებით ემორჩილებოდა დავით კუროპალატის გავლენას და არავითარი მნიშვნელობა ჰქონდა-რა პოლიტიკაში. დავით კუროპალატი თვით უშვილო იყო და თავის მემკვიდრედ და შვილობილად გამოაცხადა ბაგრატ გურგენის შვილი, შვილის შვილი მეფე ბაგრატ რეგვენისა. დავით კუროპალატმა იშვილა ბაგრატი იმ აზრით, რომ მის ხელში მთელი ქართლი გაერთიანებულიყო.

2. აფხაზეთის უკანასკნელი. მეცვემი.— დავით კუროპალატის სურვილი, რომ საქართველოს ნაწილები შეერთებულიყვნენ და ჩვენი ქვეყანა გაერთიანებულიყო, მალე აღვილად შესაძლებელი გახდა შემდეგის გარემოების გამო. აფხაზეთის მეფის ლეონის სიკვდილის შემდეგ (967 წ.) მისი ძმები დემეტრე და თევდოსე ერთმანეთს ედავებოდნენ ტახტს. მეფე დემეტრეზ შეიპყრო თევდოსე და დააბრმავა. დემეტრეს სიკვდილის შემდეგ, აფხაზეთში გამეფდა ბრმა თევდოსე. თევდოსეს შემდეგ კი აფხაზეთის სამეფო გვარი სრულებით ისპობოდა, რადგან ვაჟიშვილი არ დარჩენიათ არც თევდოსეს, არც დემეტრეს. ამ გარემოებამ აფიქრებინა დავით კუროპალატს და სხვა მამულის მოყვარე ქართველებს, აფხაზეთში გაემეფებინათ უკანასკნელის მეფების დემეტრეს და თევდოსეს დისტული ბაგრატი, შვილობილი

დავით კუროპალატისა. ეს რომ მოხერხებულიყო, საქართველო თითქმის მთლად იქნებოდა შეერთებული ერთის ტახტის ქვეშ, რადგან ბაგრატი იმავე დროს იყო მემკვიდრე ქართლისა და ტაოსი.

3. ბაგრატის გამოფება აფხაზეთში. — ქართლში ამ დროს იყო ერთი გამოჩენილი მამულიშვილი ერისთავი ითანე მარუშიძე. აი ეს მამულიშვილი შეუდგა მეცადინეობას, რო აფხაზეთის დიდებულებს ბრმა თევზოსეს მაგიერ მფლედ დაესვათ ბაგრატი. საქართველოს გაერთიანების სურვილი აფხაზეთშიაც ძვალსა და რბილში ჰქონდათ გამჯდარი და ამიტომ იმათაც მოინდობეს ბაგრატის გამეფება. დიდებულებმა სთხოვეს დავით კუროპალატს, რომ ბაგრატი გაეშვა აფხაზეთში გასამეფებლად, დავითმაც მოუმართა ხელი ბაგრატს და გაზავნა ქუთაისს. აფხაზეთის დიდებულებმა მეფობა ჩამოართვეს ბრმა თევზოსეს და ბაგრატი დასვეს მეფედ (985 წ.).

4. ბაგრატ შეფე და გამა გისი გურგენი. — ბაგრატ მეფემ თავის ტახტის გასამაგრებლად, გამეფდა თუ არა, თევზოსე მეფე გაგზავნა თავის მამობილთან ტაოში. მართალია, ქართლში მეფედ ითვლებოდა ბაგრატ რეგვენი, მაგრამ ის სრულებით უძლური იყო და სამეფოს განაგებდა შეილი მისი გურგენი, რომელიც ცხოვრობდა უფლისციხეში. ბაგრატი თავის მამას შფრველობდა და როდესაც კახეთის მთავარი შემოესეოდა და ან დიდებულები ურჩობას გაუწევდენ, აფხაზეთის ჯარით მიეშველებოდა ხოლმე. გურგენის მტრებს სწყინდით მისი გაძლიერება და ამიტომ ცდილობდენ გადაჭყიდებინათ მისთვის და ბაგრატისთვის როგორც მეფე ბაგრატ რეგვენი, ისე დავით კუროპალატი. იმ დროს

გამოჩენილი იყო თავის სიმძლავრით და დამოუკიდებლობის მოყვარეობით კლდე-კატის ერისთავი რატი ორბელიანი. აი ამ დიდებულის დასამორჩილებლად ბაგრატ მეფე აფხაზთა ჯარით მიეშველა თავის მამას გურგენს (988 წ.). რატი ორბელიანმა გადაიბირა თავისკენ მეფე ბაგრატ რეგვენი და თვით დავით კუროპალატიც კი დააჯერა, ვითომც ბაგრატს განძრახული ჰქონდეს მის მოკვლა და ტაოს დაპატრიონება. დავით კუროპალატი მაშინვე წამოვიდა ჯარით გურგენისა და ბაგრატ მეფის წინაამდევე. დავით კუროპალატსავე შეუერთდა ბაგრატის პაპა ბაგრატ რეგვენი. გურგენის ჯარი შეხვდა და დავით კუროპალატის ჯარს და გაიმართა ბრძოლა. გურგენი დამარცხდა და შეეფარა წეფთის ციხეს. ბაგრატ მეფე კი ამ დროს თავის ჯარით თრიალეთში იყო და პირებდა რატი ორბელიანთან შებმას, მაგრამ როდესაც დაინახა, რომ რატი ორბელიანს იცავდა მისი მამობილი დავით კუროპალატი, მარტოდ-მარტო მივიდა მამობილთან და ბოლიში მოიხადა, რომ კინაღამ არ მოუხდა მასთან შეტაკება. როდესაც დავით კუროპალატმა შეიტყო რომ ბაგრატს არა ჰქონია განძრახვა მის მოკვლისა, გაუშვა და თითონაც დაბრუნდა ტაოში. ბაგრატ მეფე ამ ხელად პირდაპირ აფხაზეთს დაბრუნდა, მაგრამ დაზამთრდა თუ არა, მოულოდნელად გადმოვიდა ჯარით და თავს დაეცა რატი ორბელიანს. რატი ორბელიანი იძულებული იყო თავისი ციხე გადაეცა ბაგრატისთვის და საცხოვრებლათ დასახლებულიყო არაგვეთში (989 წ.).

5. გურგენის გამფრინა და დავით კუროპალატის სიკვდელი.— 994 წ. მოკვდა ქართლის მეფე ბაგრატ რეგვენი და გამეფდა შველი მისი გურგენი, ბაგ-

რატ მეფის მამა. შვიდის წლის შემდეგ გადაიცვალა თვით დავით კუროპალატიც (1001 წ.) და მის სამფლობელოს მემკვიდრედ შეიქვნა მისი შვილობილი ბაგრატ მეფე. ბაგრამ ამ მემკვიდრეობის მიღების გამო შეტაკება მოუხდა ბიზანტიის იმპერიატორს ბასილთან. როგორც ვსთქვით, დავით კუროპალატს საბერძნეთის იმპერიატორისაგან მიცემული ჰქონდა ზოგიერთი მაზრები ბიზანტიისა სიკვდილამდე სამფლობელოდ. როდესაც დავითი მოკვდა, ბასილ იმპერიატორი მოკიდა ამ მაზრების დასაცერად. ამის გამგონი შეფეხბი ბაგრატ და გურგენი გაეშურნენ, რომ არ დაენებებინათ ბასილისთვის დავითის სამფლობელო. აქ გაიმართა მოლაპარაკება იმპერიატორსა და მეფეთა შურის და გააკდა მორჩევებით: ზოგიერთი მაზრები დაიბრუნა იმპერიატორსა და სამაგიეროდ უბორა მეფეებს საპატიო ტატულები — გურგენს მაგისტროსობა, ბაგრატს კუროპალატობა.

6. კახეთის დაჭრა ბაგრატ მეფისგან. — შვიდის წლის შემდეგ გადაიცვალა გურგენ მეფეკ (1008 წ.) და ბაგრატი შეიქნა მარტოდ-მარტო მეფედ აფხაზთა და ქართველთა. მხოლოდ კახეთი არ ემოქილებოდა ბაგრატის. ამიტომ ბაგრატმა მოინდომა ეს ქვეყანაც დაეპყრო და მით მთელი საქართველო ერთს სამეფოდ გაადაექცია. ამ დროს კახეთში მთავრობდა დავითი. ბაგრატმა პირველად მოსთხოვა დავითს დაეთმო ის ქართლის ციხეები, რომლებიც მას ეჭირა. დავითმა უარი შემოუთვალა. მაშინ ბაგრატი შეესია კახეთს თიონეთის მხრითგან, დაიპყრო ერეთი, ერისთავად დაადგინა აბულალ და გამოპრუნდა უკან. ბაგრამ ერელებმა განდევნეს აბულალი და ისევ დავითს მიუდგნენ. ამის გამოგონმა ბაგრატმა ხელიხლად გამოილა შექრა კახეთში. ამ

დროს მოკვდა დავით მთავარი და გამთავრდა შვილი მისი კვირიკე. ბაგრატი შევიდა კახეთში და დაიჭირა ციხეები. კვირიკე გამაგრდა და დიდი წინაამდევობა გაუწია ბაგრატს. ორის წლის განმავლობაში ებრძოდა ბაგრატი კვირიკეს და ბოლოს სრულებით დაიჭირა კახეთი. კვირიკე მთავარი კი თან წამოიყვანა და თავის კარზე იყოლია.

7. განჯის ამინას დამორჩილება.— კახეთის დაჭერის შემდეგ საქართველო გაერთიანდა, თუმცა მას აკლდა დედა-ქალაქი ტფილისი, რომელიც არაბების ხელთ იყო. ბაგრატმა ტფილისის აღება ჯერ უდროვოდ სკნო, რადგან იგი ძალიან გამაგრებული იყო და მისი ამირაც საბაბს არ აძლევდა ლაშქრობისას. სამაგიეროდ განჯის ამირამ ფადლონმა გაარისხა ბაგრატი თავის საქციელით. ფადლონი მოურიდებლად შეესეოდა ხოლმე კახეთს და იკლებდა იქაურობას. მის დასასჯელად და მოსამორჩილებლად ბაგრატმა შემწეობა სთხოვა სომეხთა მეფეს. გაგიკ შაჰანშას. ბაგრატი თავის და გაგიკის ჯარით შეესია განჯის ქვეყანას. ფადლონი დამარცხდა და გამაგრდა შანქორში. ბაგრატი შემოერტყა ჯარით ამ ქალაქს და აპირებდა იერიშით აღებას. შეშინებულმა ფოდლონმა შემოუთვალი მორიგების პირობები: მორჩილება, ხარჯის ძლევა და ლაშქრის მიხმარება მტრის წინაამდეგ. ბაგრატმა მიიღო ეს პირობები და დაბრუნდა უკან.

სამწუხაროდ, ბევრს ხანს ვერ იცოცხლა ამის შემდეგ ბაგრატ მეფემ, რომ დაემთავრებინა საქართველოს გაერთიანება ტფილისის აღებით. იგი მოკვდა 1014 წ. ისტორიაში ეს მეფე წოდებულია ბაგრატ მესამედ.

VII

მეტენი ვიორები პირველი და ზაურაც მეოთხე.

კახეთის და განჯის გადგომა.—ლავა და ბრძოლა ბიზანტიისთან. მათ შედეგი.—აზნაურთა გადგომა ბაგრატისაგან.—მარიამ დედოფლის წასვლა იმპერატორ რომანოზთან.—ლაშქრობა განჯაშე და ტფილისი ამირის შეპყრობა.—ტფილისის აღების ცდა.—კახეთის დაჭერის ცდა.—ლიპარიტორ რობელიანის პირველი გადგომა.—ტფილისის დაჭერა.—ლიპარიტის შეორე გადგომა.—ლიპარიტის დატყვევება თურქთაგან და გათავისუფლება. ბაგრატის წასვლა კონსტანტინოპოლის.—ვიორების გამოცხადება შეუედ ბაგრატის ნაცვლად.—ბაგრატის დაბრუნება და ლიპარიტის განდევნა.—თურქების შემოსევა.—განჯის ამირის შეპყრობა და ტფილისის ხელმეორედ დაჭერა.—საქართველოს კულტურული განვითარება ვიორები პირველის და ბაგრატ შეოთხის დროს.

1. კახეთის და განჯის გადგომა.—მართალია, ბაგრატ მესამის დროს გაერთიანდა საქართველო, მაგრამ დიდი შრომა და გამჭრიახობა იყო საკირო როგორც ერის, ისე მმართველთა მხრით, რომ ეს ერთიანობა გამაგრებულიყო. ამას გარდა საქართველოს ძალის მოსაკრეფად საკირო იყო, რომ გარეშე პირობებსაც შეეწყოთ ხელი და ახლად ოლდგენილი საქართველო მიენებებინათ თავისთვის დამოუკიდებლად ცხოვრებისათვის. სამწუხაროდ აგრე არ მოხდა. ბაგრატის სიკვდილის შემდეგ (1014 წ.) გამეფებულმა სრულებით გამოუცდელმა თვრამეტის წლის მისმა შვილმა ვიორები პირველმა ვერ გამოიჩინა შესაფერი გამჭრიახობა და სიბეჯითე, რომ ოლდგენილი ერთიანობა დაეცვა. ეს ერთიანობა შეარყიეს პირველად კახელებმა, რომელთაც ვიორების გამეფებისათანავე უარ-ჰყვეს ერთობა დანარჩენს საქართველოსთან და კახეთის მთავრად ხელახლად აღიარეს კვირიკე. კახელების განდგომის შემდეგ განჯის

ამირამაც გაითავისუფლა თავი გიორგი მეფის ზეხელ-მწიფებისაგან და სრულებით აღარ ემორჩილებოდა მას. ბოლოს თვით ბიზანტიაშ აუტეხა დავა საქართველოს და წიართვა სამხრეთის საზღვრებზე მდებარე ადგილები.

2. დავა და ბრძოლა ბიზანტიასთან. მათ

შედეგი.—ბიზანტიის იმპერატორი ბასილი გიორგის გამეფების პირველს წლებში გართული იყო ბოლგარებ-თან. ბრძოლაში და, მოიცალა თუ არა ამ ბრძოლისგან, მოსთხოვა გიორგი მეფეს, რომ დაეთმო ის ადგილები, რომლებიც დავით კუროპალატისგან უნდა მას დარჩე-ნოდა და რომლებიც არ დაანება მას ბაგრატ მესამემ. გიორგი მეფემ არ შეიწყნარა ასეთი მოთხოვნილება და ბიზანტიის წინაამდევ კავშირის შესაკვრელად მოციქუ-ლობა გამართა ხალიფა ხაკიმთან. ამის შემდევ ბასილი ჯარით შემოვიდა საქართველოს არებარეში (1021 წ.). გიორგი მეფე მის დასახვედრად თავის ჯარით მივიდა ბასიანს, მაგრამ, როდესაც დაინახა ბერძნების დიდი ძა-ლი, უკან გამობრუნდა და მივიდა თრიალეთს, საღაც ელოდა მაშველს ჯარს. ბერძნებიც უკან გამოედევნენ მას. როდესაც მაშველი ჯარი მიუვიდა, გიორგი მეფე მზად იყო შებრძოლებოდა ბერძნებს, მაგრამ ბერძნები უკან დაბრუნდნენ. ბასილ იმპერატორმა ის ზამთარი გაატარა ტრაპიზონში. აქ გიორგი მეფემ მიუგზავნა მოციქულები შერიგების შესახებ. კიდევაც მორიგდენ. გიორგის უნდა გადაეცა ბასილისთვის ციხეები და მძვ-ლად გაეტანებინა შვილი თვისი ბაგრატი. გაზაფხულ-ზე (1022 წ.) ბასილ იმპერატორი ხელახლად შემოვიდა საქართველოში. გიორგი მეფე თავის ჯარით წინ მიე-გება, ვითომ აღთქმულის პირობის შესასრულებლად. მაგრამ ქართველები მოულოდნელად შეეტაკნენ ბერ-

ძნებს და მოხდა ბრძოლა, რომელშიაც დამარცხდნენ ქართველები. გიორგიშ ხელახლა ითხოვა ზავი, რომლის შედევე იყო ის, რომ ბასილმა დაიჭირა საღავო აღგი-ლები და მიიღო მძევლად გიორგის ოთხის წლის ვაჟი-შვილი ბაგრატი.

ბაგრატი დარჩა ბიზანტიაში სამს წელს და დაბ-რუნდა საქართველოში 1025 წ. ორის წლის შემდეგ მოკვდა გიორგი მეფე და გამეფდა ბაგრატი (1027 წ.).

3. **აზნაურთა გადგომა ბაგრატისაგან.** — ბაგ-რატის მცირეწლოვანობის გამო სამეფოს განაგებდა დედა მისი მარიამი, ასული ვასპურაკანის (სასომხეთის ნაწილია) მეფის სენაქერიმისა, რომელმაც თავის სამ-ფლობელო უანდერდა ბიზანტიას. მარიამ დედოფალს ქვეყნის მართვაში ეხმარებოდა ქართლის ერისთავთ-ერისთავი ლიპარიტ ორბელიანი.

საქართველოს ტახტზედ მცირე-წლოვანის ბაგრა-ტის ასვლამ ტაო-კლარჯეთის აზნაურებს აფიქრებინა გაცალკევებულიყვნენ ძველებურად, გაემეფებინათ კლარჯეთის ბაგრატიონი დემეტრე გურგენის ძე და ეთხოვნათ მფარველობა და შემწეობა ბიზანტიის იმპე-რატორის კონსტანტინესთვის. ამ განძრახვით ბაგრატ მეოთხის გამეფებისათანავე წავიდნენ კონსტანტინო-პოლში დიდებული აზნაური ვაჩე კარიჭიძე, ეპისკოპო-ზი იოანე ბანელი და მათი თანაგამძრახველნი, ნახეს იმპერატორი და სთხოვეს დამარება. ტაო-კლარჯეთის აზნაურების ასეთი თხოვნა სასიამოვნოდ დარჩა იმპერა-ტორს და გაგზავნა ჯარი საქართველოში (1028 წ.). განდგომილმა აზნაურებმა გადასცეს ბერძნებს თავიანთ ციხეები. მტრის მოსაგერებლად ლიპარიტ ორბელიანი გამაგრდა ციხე კლდე-კარში. ბერძნები მიაღვნენ ამ

ციხეს, მაგრამ უკუქცეულ იქმნენ ლიპარიტის მიერ. დიდი წინაამდეგობა გაუწიეს ბერძნებს აგრეთვე შავ-შეთში ტბეთის ეპისკოპოზის საბას თაოსნობით სვეტის სიმაგრეში. მართალია, ბევრი აზნაური მიუდგა ბერძნებს და გადასცა თავისი ციხეები, მაგრამ მათი მიმხრობა არ იყო საკმარისი, რადგან ბერძნების წინაამდეგ იყო მთელი ხალხი და ნაწილი აზნაურებისა, რომელნიც თავი-ანთ ციხეებითგან წამ-და-უწუმ თავს ესხმოდენ ბერძნებს და აწუხებდენ. ეს ამბავი რომ მიუვიდა კონსტანტინოპოლში იმპერატორს, ბრძანება გასცა, რომ ჯარი დაბრუნებულიყო საქართველოთგან.

4. მარიამ დედოფლის ჯადოშა იგვარატორ რომანოზთან. —

გიორგი მეფეს ბაგრატის გარდა დარჩა კიდევ ერთი ვაჟი სახელად დემეტრე, რომლის ამბავი ჩვენს ისტორიას ჯერ კარგად არა აქვს გამორკვეული. ჩვენის აზრით, ის უნდა ყოფილიყო ნაშობი გიორგის პირველის ცოლის ოსის ქალის ალდასაგან, რომელიც რაღაც მიზეზით მიუტოვებია ქმარს. საუფლისწულოდ დემეტრეს და მის დედას ალდას ჰქონდათ მიცემული შავის ზღვის პირად მდებარე ქალაქი ანაკოფია. გიორგის შემდეგ სამეფო ტახტი უნდა რგებოდა მის უფროსს ვაჟს დემეტრეს, მაგრამ, ეტყობა, დიდებულს აზნაურებს რამე მოსაზრებით, უფრო კი მარიამ დედოფლის გავლენით, უპირატესობა მიუკიათ ბაგრატისთვის. ამისთანა უსამართლობით უკმაყოფილო დემეტრემ და მისმა დედამ ალდამ ქალაქი ანაკოფია გადასცეს ბიზანტიის და თვითონ გადასახლდენ კონსტანტინოპოლს იმ აზრით, რომ იმპერატორი მიემხროთ თავიანთეკნ და ემოქმედნათ ბაგრატისა და მარიამ დედოფლის წინაამდეგ (1032 წ.).

დემეტრეს და მის დედის გადასახლება კონსტანტი-

ნოპოლში იყო იმის მიზეზი, რომ იმავე წელს მარიამ დედოფალი გაემგზავრა კონსტანტინოპოლეს. დედოფალს მინდობილი ჰქონდა, დემეტრესა და მის დედის გავლენა გაექარწყლებინა, ბაგრატი საქართველოს მეფედ აღეარებინა იმპერატორისთვის და გამოეთხოვნა. მის საცოლოდ ერთერთი იმპერატორის სახლის ასული. იმპერატორმა რომანოზ არგიროზმა დიდის პატივით მიიღო ბარიამ დედოფალი, ბაგრატი აღიარა საქართველოს მეფედ, მიანიჭა მას კუროპალატის ხარისხი, მიათხოვა თავისი ძმის წული ელენე და დაუბრუნა ტაოკლარჯეთში ის ციხეები, რომლებიც ბერძნებმა დაიკირქს 1028 წელს. მარიამ დედოფალი კმაყოფილი დაბრუნდა საქართველოში და დააქორწინა ბაგრატი ელენეზე.

5. **ლაშქრობა განჯაზედ და ტფილის აგირას.**
შეპარიბა.— ბაგრატ მეფის მცირეწლოვანობაში ლიპარიტ ორბელიანის თაოსნობით მოხდა ორი შესანიშნავი ამბავი. ერთი იყო განჯის ამირას წინაამდევ გალაშქრება, მეორე—ტფილისის ამირას შეპყრობა. განჯის ამირა არამც თუ აღარ ემორჩილებოდა საქართველოს. არამედ აწუხებდა კიდეც შემოსევით და დარბევით. მისივე უქმაყოფილონი იყვნენ აგრეთვე კახეთის მეფე კვირიკე, სომხეთის მეფე დავითი და ტფილისის ამირა ჯაფარი. ლიპარიტ ორბელიანმა შეუერთა ამათ ჯარს ქართველი ჯარი და მათთან ერთად გაიღაუშქრა განჯის წინაამდევ. შეერთებულმა ჯარმა დაამარცხა ამირა და იძულა დაწყნარებულიყო. რავდენისამებრის შემდევ ლიპარიტ ორბელიანმა მოინდომა ტფილისის აღება. ითანე აბაზაძის დახმარებით იმან გამოიტყუა ტფილისის ამირა ჯაფარი ქილაქს გარედ და შეი-

პყრო, მაგრამ ქალაქის აღება კი ვერ მოახერხა. სამა-
გიეროდ ამირა შეპყრობილი ჰყავდა და არ უნდოდა
გაეშვა, ვიდრე ქალაქი არ დანებდებოდა.

ამ ხანებში დავაუკაცდა კიდევც ბაგრატ მეფე და
შეუჯგა სახელმწიფო საქმეების მართვას. ორბელიანის
მტრების ჩაგრონებით ბაგრატმა გააშვებინა შეპყრობილი
ამირა და ამნაირად ხელი აიღო ტფილისის დაჭერაზე.

6. ტფილისის აღმბის ცდა. — ტფილისის ამირას
გაშვება მეფისაგან ტფილისის დაუკერელად ძალიან ეწ-
ყინა ორბელიანს, რომელსაც ამ ქალაქის აღება იმიტომ
უფრო უნდოდა, რომ იმედი ჰქონდა, მეფე ქალაქს
იმას მისცემდა საგამგებლოდ. ამიტომ ის მუდამ იმას
ცდილობდა, რომ ჩაგრონებინა ბაგრატისთვის ტფილი-
სის დაპყრობის საჭიროება. მისმა მეცადინეობამ გასკრა
და ბაგრატ მეფემ გადაწყვიტა დაეპყრო ტფილისი. ლი-
პარიტ ორბელიანს კარგი განწყობილება ჰქონდა კახე-
თის მეფე გაგიკთან და იმის თხოვნით გაგიკი მიეშველა
ბაგრატს ტფილისის ასაღებად. ტფილის გარს შემოად-
გა—ერთის მხრით ბაგრატის ჯარი, მეორე მხრით გაგი-
კისა ქალაქის გარემოცვამ გასტანა ორს წელიწადს. სი-
მშილმა გაუკირა საქმე მოქალაქეებსა და ამიტომ მათ
გადაწყვიტეს დამორჩილებოდენ ბაგრატს. ამირა ჯაფა-
რი კი გასაქცევად ემზადებოდა განჯისკენ. ლიპარიტის
მტრებმა, რომელთაც ეშინოდათ, რომ ტფილისის აღ-
ბას არ მოჰყოლოდა მის გაძლიერება, ჩაგრონეს ბაგრატს
მოლაპარაკება გაემართა ამირასთან და ტფილისი მიე-
ტოვებინა მისთვის იმ პირობით, რომ ამირა ყოფილი-
ყო მეფის მორჩილი, ხოლო მის სიკვდილის შემდეგ ქა-
ლაქი გადასცემოდა ბაგრატს. მეფემ მიიღო ეს რჩევა,
მოლაპარაკება გამართა ამირასთან და აღნიშნულის პი-
რობით ტფილისი მასვე დაუტოვა (1040 წ.).

7. კახეთის დაჭმრის ცდა.—ტფილისის შავიერ ბაგრატმა მოინდომა კახეთის დაჭერა. იმან მოლაპარა-კება გამართა კახეთის ზოგიერთს აზნაურებთან და მათ-გან თანხმობა მიიღო. ამიტომ შევიდა კახეთში და შე-უდგა ციხეების დაჭერას (1042 წ.). გავიკ მეფე უველ-გან ძლეული შეიქმნა, მაგრამ ბაგრატმა ვერ დაასრულა. კახეთის დაჭერა, რადგან მოუვიდა ცნობა ლიპარიტ ორბელიანის განდგომისა და ბიზანტიის ჯარის შემო-სვლისა საქართველოში.

8. ლიპარიტ ორბელიანის პირველი გადგომა.

— მეტად განაწყენებულმა და გულნაკლულმა იმ გარე-მოებით, რომ ბაგრატ მეფემ ტფილისის დაპყრობაზე ხე-ლი აიღო, ლიპარიტმა მოინდომა ბაგრატის ტახტითგან ჩამოვდება და მის ძმის დემეტრეს გამეფება. თავისი განძრახვა შეატყობინა ბიზანტიის იმპერატორს და სთხო-ვა დახმარება. იმპერატორმა შეიწყნარა ეს თხოვნა და დემეტრეს გამოატანა ჯარი (1042 წ.). ლიპარიტმა დემეტრე გამოაცხადა საქართველოს მეფედ. ეს რომ შეიტყო კახეთში მყოფმა ბაგრატმა, გადმოვიდა ქარ-თლში. საშიში იყო ბაგრატის მდგომარეობა. დემეტრეს მიუდგნენ ბევრნი აზნაურნი. კახეთის მეფემ გაგიკმაც გაუგზავნა დემეტრეს და ლიპარიტს მაშველი ჯარი. გაი-მართა ბრძოლა დემეტრესა და ბაგრატის მომხრეთა შო-რის. ახალქალაქის, ატენის და სხვა ციხეების წინაამდე-გობამ დიდი დახმარება გაუწია ბაგრატის საქმეს. გან-დგომილები ვერ გადმოსცილდენ თრიალეთს. ამასობაში დადგა ზამთარიც. ბერძნის ჯარმა ველარ შესძლო დარ-ჩენა საქართველოში და დაბრუნდა უკან. დემეტრეც თან წაჰყვა მას. ამის შემდეგ ლიპარიტ ორბელიანიც იძულებული შეიქმნა შერიგებოდა მეფეს.

9. ტფილის დაჭმრა — ლიპარიტ ორბელიანისა და თავის ძმის დემეტრეს დამარცხების შემდეგ ბაგრატმა მოინდომა წაერთოთ ბერძნებისათვის დემეტრეს მიერ გადაცემული ანაკაფია და ამიტომ მიაღვა ამ ქალაქს ჯარით (1043 წ.). ამ დროს მოკვდა ტფილისის ამირა ჯაფარი და, შეიტყო თუ არა ბაგრატმა ეს ამბავი, მიანება ანაკოფიას თავი და გაემართა ტფილისის დასკერად. ტფილისელებმა დიდის ამბით მიიღეს ბაგრატი და დამორჩილდნენ. ამნარად შესრულდა ლიპარიტ ორბელიანის სურვილი ტფილისის აღებისა, მაგრამ არ გაუმართლდა მას თავის იმედი. ბაგრატმა ტფილისი საგამგებლოდ არ მისცა ლიპარიტს.

10. ლიპარიტის გეორგ გადგომა. — ამით გაჯარვებული ლიპარიტი ხელახლად გაუდგა ბაგრატს და გამოიწვია საბერძნეთითვან დემეტრე. დემეტრე შემოეიდა მეორედ საქართველოში (1044 წ.). ქართლისა და სამცხის აზნაურთა უმეტესი წილი გადავიდა დემეტრეს მხარეზე, ასე რომ ბაგრატი და მისი მომხრენი ყველგან დამარცხდენ. ბაგრატმა მიატოვა ქართლი და გადავიდა ქუთაისს. მართალია, დემეტრე მიღე გადაიცვალა, მაგრამ ლიპარიტი მაინც არ დაემორჩილა ბაგრატს და თავის თავი და ქართლი გამოაცხადა ბიზანტიის ქვეშევრდომად. რავდენჯერაც კი სცადა ბაგრატმა ქართლის დაჭერა, იმდენჯერ დამარცხდა ლიპარიტისაგან.

11. ლიპარიტის დატყვევება თურქთაგან და გათავისუფლება. გაგრატის ჭავჭალა კონსტანტინოპოლის. — 1048 წელს ბიზანტიის სამფლობელოს საქართველოს საზღვრებს ახლოს შემოესიენ თურქები და ბერძნებს მოუხდათ მათთან ბრძოლა. იმპერატორის თხოვნით ლიპარიტმა მიიღო მონაწილეობა ამ ბრძოლა-

ში. თურქებმა გაიმარჯვეს და ლიპარიტი ტყვედ წიცვანეს. ბაგრატ მეფემ თავისუფლად დაიკირა ახლა ქართლი (1048 წ.). ლიპარიტი ტყვედ ჰყავდათ თურქებს ორის წლის განმავლობაში. ტყვეობითგან გათავისუფლებული და ბიზანტიის იმპერატორისგან დიდად პატივ-ცემული ლიპარიტი მივიღა ანს (1050 წ.) და აპირებდა საქართველოში შემოსვლას ბერძნების ჯარით. ბაგრატი გაემართა თავის ჯარით მის დასახვედრად, მაგრამ რაკი დაინახა, რომ გამარჯვება შეუძლებელი იყო, გადაწყვიტა თვითონ წასულიყო კონსტანტინოპოლის და თავისი საქმე იმპერატორთან გაერიგებინა. ქუთაისში მეფედ თავის ადგილს დატოვა დე თვისი გიორგი დაწავიდა საბერძნეთს (1050 წ.).

12. გიორგის გამოცხადება მეფედ გაგრატის ნაცვლად. — რაკი ამნაირად მიაღწია თავის წადილს და იძულებულ ჰყო ბაგრატი მეფობაზე ხელი აეღო, ლიპარიტ ორბელიანმა დე მისი გიორგი აღიარა საქართველოს მეფედ. ბაგრატის დის გურანდუხტის შუამავლობით ლიპარიტმა სთხოვა გიორგის დედას ბორენა დედოფალს (ბაგრატის მეორე ცოლს), რომ გიორგი გაეგზავნა ქართლში გასამეფებლად. ბორენა დედოფალი დათანხმდა მით უფრო, რომ ბაგრატ მეფეს ბიზანტიის იმპერატორი არ უპირებდა მალე გამოშვებას საქართველოში. გიორგი აკურთხეს ქართლის მეფედ რუისის ეკლესიაში (1051 წ.). ქართლის საქმეებს განაგებდა ლიპარიტ ორბელიანი.

13. გაგრატის დაგრუნება და ლიპარიტის განდევნა. — ბაგრატი დარჩა კონსტანტინოპოლიში სამს წელიწადს. იქითგან დაბრუნებული (1053 წ.) შეუდგა აფხაზეთის მართვას, ქართლს კი წინანდებურად განაგე-

ბდა ლიპარიტი გიორგის სახელით. ლიპარიტის გამგე-ობამ მოთმინებითგან გამოიყვანა სამცხის ღიღებული აზნაურები. ამათ შეიპარეს ლიპარიტი და შეუთვალეს ბაგრატის, რომ გადმოსულიყო და დაეჭირა ქართლიც. ბაგრატი გადმოვიდა მაშინვე (1059 წ.). ლიპარიტმა ითხოვა ბაგრატისგან შეწყალება და დაპირდა ბერად შედგომას და სრულებით მოშორებას საქართველოთ-გან. მართლაც ეს ღიღებული და მძლავრი აზნაური შედგა ბერად და წავიდა სამოღვაწოდ ათონის მონას-ტერში, სადაც იწოდებოდა ანტონად.

14. **თურქმბის შემოსვა.** — ამნაირად იძლია ურ-ჩი და თავ-მოყვარული აზნაური ლიპარიტ ორბელიანი. გაიმარჯვა საქართველოში მეფის უფლებამ. ბაგრატი შეუდგა ქართველის ერის საუკუნოებრივის მისწრაფების შესრულებას — საქართველოს გაერთიანებას. ზედი-ზედ ერთს მეორის შემდეგ ბაგრატი იკერდა კახეთის კიხეებს და მაზრებს და იმედი იყო მალე შეიერთებდა ამ ქვეყანას სრულებით, რომ არ გასჩენდა საქართველოს ახალი და მეტად საშიში მტერი—თურქნი-სელჩუქნი. მათი სულთანი გამოჩენილი ალპ-არსლანი ანუ არფა-სარანი შემოესია საქართველოს 1064 წ. და მოარბია თრიალეთი, ჯავახეთი, სამცხე, შავშეთი, კლარჯეთი და ტაო. ამ მტრის რისხვამ სწრაფად გაიარა როგორც ქა-რიშხალმა. ჩამოვარდა სიწყნარე და ბაგრატი შეუდგა მოოხრებულის ქვეყნის მოშენებას. შემდეგ ისევ კახეთის დაპყრობას შეუდგა. ამ დროს იქ მეფობდა ალსართანი. 1068 წ., როდესაც ბაგრატი კახეთში იყო და ცდილობდა ალსართანისთვის წაერთმია უკანასკნელი კიხეებიც, საქართველოში შემოვიდა ხელახლად სელჩუქთა სულ-თანი არფასარანი. ბაგრატი ამ ამბის გაგებაზე კახეთით-

გან გადმოვიდა ქართლს, აღსართანი კი წინ მიეგება არფასარანს, გამოუცხადა მორჩილება და თავის ერთ-გულობის დასამტკიცებლად მიიღო კიდეც მაჰმადიანობა. კახეთითგან არფასარანი შემოვიდა ქართლში და აიკლო აქაურობა. ბაგრატი გადავიდა ქუთაისს და იქითგან გა-მართა სულთანთან მოციქულობა მორიგების შესახებ. სულთანმა ითხოვა, რომ ბაგრატს ეკისრნა ხარჯის ძლე-ვა. სანამ პასუხს მიიღებდა, ზამთრის სიცივეებისგან შე წუხებულმა სულთანმა დასტოვა ქართლი და წაეიდა სპარსეთს. განჯის ამირამ ფადლონმა სთხოვა სულთანს ტფილისი მისთვის მიეცა და სულთანმაც შეუსრულა ეს თხოვნა (1069 წ.).

15. განჯის ამირას შეპყრობა და ტფილისის ხელმორჩევა დაჭრა.—ტფილისის შეძენის შემდეგ განჯის ამირამ დაიწყო ქართლის რბევა, მაგრამ მუქ-თად არ ჩაუარა მას ქართლის შეწუხებამ. იმავე წელს ერთხელ, როდესაც ბაგრატმა გამოუყენა ჯარი დასარ-ბევად გამოსულს ამირას, მისი ჯარი საშინლად დამარ-ცხდა და თვით გაიქცა კახეთს. იქ შეიპყრეს ფადლონი და გადასცეს ბაგრატს. ამის შემდეგ ბაგრატმა დაიკირა ტფილისი და ამირად დააყენა თავისი სანდო კაცი დვი-ნელი სითლარაბა. ტყვე ფადლონი კი რავდენისამე ხნის შემდეგ ბაგრატმა გაათავისუფლა არფასარანის თხოვ-ნით.

16. საქართველოს კულტურული განვითარება ზორბეგი პირველის და გაზრატ ვეოთხის დროს.—ამნაირი იყო პოლიტიკური მოღვაწეობა ბაგრატ მეო-თხისა. დიდი შრომა და ბრძოლა მოუხდა მას საქართვე-ლოს ერთიანობის და დამოუკიდებლობის დასაცველად. ერთის შერით ის ებრძოდა ერთიანობის შინაურს მტერს

შძლავარს აზნაურობას, მეორე მხრით დამოუკიდებლობის გარეშე მტრებს - ბიზანტიას და თურქებს. მტრებთა ძალა გაცილებით აღემატებოდა მის ძალებს და ამიტომ საქართველომ მის მეფობაში ვერ მიაღწია ეროვნულს გაერთიანებას და პოლიტიკურს ძლიერებას. ამ ორგვარს მისწრაფებას, რომელიც ჰქონდათ მაშინდელს ქართველებს, უნდა დავუმატოთ მესამე მისწრაფება — კულტურულის განვითარების მიმართ, რომელიც უფრო შძლავრი იყო. არც შინაური განხეთქილება, არც გარეშე მტრების შემოსევა არ აჩერებდა შეგნებულის ქართველების შრომას ქრისტიანულის განათლების გასავაცელებლად ერში. როგორც წინად, ახლაც ამ განათლების გამარტინებელნი იყვნენ მონასტრები. ბაგრატის დროს ბრწყინვადა თავის ასეთის მოღვაწეობით გიორგი მთაწმინდელი, რომელიც განაგრძობდა ბაგრატ მესამის და გიორგი პირველის დროინდელის მოღვაწის ექვთიმე მთაწმინდელის საქმეს. ამ ორმა პირმა, ათონის მონასტერში მოღვაწეებმა, მთელი თავისი სიცოცხლე მოანდომეს საღვთო და საფილოსოფიო წიგნების თარგმნას და შეძინეს ქართულს ლიტერატურას აუარებელი აარგვანი. მათი ნათარგმნი იწერებოდა მონასტრებში მცხოვრებთ ბერთაგან და ვრცელდებოდა ხალხში. ქვეყნის ერთიანობისა და დამოუკიდებლობისთვის თავდადებით მოღვაწე ბაგრატი დიდს დახმარებას უწევდა განათლების გამარტინებელს მონასტრებს, მთარგმნელებს და მწერლებს. ასეთსავე დახმარებას და მფარველობას უწევდა მწერლობას მის ურჩი ქვეშევრდომი ერისთავთ-ერისთავი ლიპარიტ ორბელიანი. მწერლობის მფარველობასთან ერთად ბაგრატი და მისი ქვეშევრდომები აშენებდენ დიდებულს ტაძრებს, რომლებშიაც ინახებოდა წიგნები და ექა-

დაგებოდა მდაბიო ხალხს მათი შინაარსი. გიორგი პირველისა და ბაგრატ მეოთხის დროსვე ცხოვრობდა და მოღვაწეობდა მელქისედეკ კათოლიკოზ-პატქიარქი, რომელიც საქართველოს ეკლესიის ერთიანობის დაცვით ხელს უწყობდა ქართველის ერის ერთობას იმ დროს, როდესაც საქართველოს ნაწილები პოლიტიკურად ან კალკე სახელმწიფოებს წარმოადგენდენ ან ბიზანტიის ემორჩილებოდენ. ბაგრატის მეფობაში საქართველოს ეკლესიამ შეიძინა სრული დამოუკიდებლობა ანტიოქიის პატრიარქისგან და თვით კათოლიკოზი იწოდა კათოლიკოზ-პატრიარქად. პირველი კათოლიკოზ-პატრიარქი იყო მელქისედეკი.

ბაგრატ მეოთხე გარდაიცვალა 1072 წ. და დასტოვა მეფედ შვილი თავისი გიორგი.

VIII

მეფე გიორგი მეორე

დიდებულების ამბოხება. — მალიქ-შაპის შემოსევა. — ანაკოფიის აღება. ყარსის და კარნუქალაქის დაჭერა. — იკონის თურქების შემოსევა და ქართველების გაპირება — გიორგი მეფის ტახტითვან ჩიმოგდება და მის შვილის დავითის გამეფება.

1. **ღილაშულების აგბოხება.** — მტრისაგან შერყეულს საქართველოში დიდებულმა აზნაურებმა ხელ-ახლად მოინდობს თავიანთ გავლენისა და ძლიერების აღდგენა. 1073 წ. ნიანია ქობულიძემ, ორანე თრბელიანმა და ვარდან სვანეთის ერისთავმა ამართეს ურჩობის დროშა და დაიჭირეს ციხეები და მაზრები. მეფე გიორგი მეორემ დაინახა, რომ ძალით შეუძლებელი იყო გალალებულის ღილებულების დამორჩილება და ამიტომ მოლაპარაკება

გამართა. დიდებულები დაწყნარდენ, რადგან გიორგი
მეფემ ყველას დაუთმო და მისცა ციხეები და მაზრები.
ამ პირველმა დიდებულთა გამარჯვებამ არ დააკმაყოფილა
ითანეორბელიანი და ხელახლად ურჩობა დაუწყო მეფეს
(1074 წ.). ამ ხელად გიორგიმ შესაძლებლად დაინახა
ითანეს დამორჩილება ძალით, რადგან ის მარტოდ-მარ-
ტო იყო და ამას გარდა მის წინაამდეგ დამხმარეც
იპოვა. ეს დამხმარე იყო კახეთის მეფე აღსართანი, რო-
მელიც ითანეს არ ემადლიერებოდა მის თავნებობისათვის
კახეთის საზღვრებში. გიორგი მეფე აღსართან მეფი-
თურთ მიადგა სამშვილდის ციხეში გამაგრებულს ითანეს.
ორბელიანმა ვერ შესძლო მოგერება მეფისა და ციხით-
გან გაიქცა მთებში და შემდეგ იძულებული იქმნა მორ-
ჩილება გამოეცხადებინა მეფისთვის. მაგრამ არც ამ და-
მარცხებამ დააწყნარა ითანე. 1075 წ. უღალატა გიო-
რგი მეფეს და გაგის ციხე გადასცა განჯის ამირას ფა-
ლონნს.

2. მალიქ-შაჰის შემოსვა.— 1077 წ. თურქე-
ბის სულთანი მალიქ-შაჰი შემოვიდა რანში. ითანე
ორბელიანი მიეცება წინ და მორჩილება გამოუცხადა.
სულთანმა თავისთან დაიკირა და აღარ გაუშვა. ითანე
ორბელიანს ასეთი ტყვეობა მოსწყინდა და ჩუმად გამო-
ეპარა სულთანს. სულთანმა იწყინა მისი ქცევა და გა-
მოედევნა უკან. თურქები მიადგენ სამშვილდეს და შე-
იპყრეს ორბელიანი თავის ცოლშვილით. აქეთგან სუ-
ლთანმა გაგზავნა ჯარი ქართლის დასარბევად და მალე
გაბრუნდა განჯისკენ. განჯის აღების შემდეგ მალიქ-შაჰ-
მა დატოვა განჯაში 48,000 ჯარის კაცი ამ ქვეყნისა
და საქართველოს დასაპყრობლად და თითონ სპარსეთს
დაბრუნდა.

განჯის ქვეყნის დაპყრობის შემდეგ თურქები შემოვიდნენ საქართველოში. გიორგი მეფე უკვე მომზადებული იყო მათ დასახვედრად. მის თხოვნით თურქებთან ბრძოლაში მიიღო მონაწილეობა კახეთის მეფემაც. ომი მოხდა ფარცხისში. თურქები დამარცხდნენ და განჯის ქვეყანაშივე დაბრუნდენ (1077 წელს).

3. ანაკონდის აღმგა. უარსისა და კარნუჩალაშის დაჭრა.—ამის შემდეგ გიორგი მეფემ წართვა ბერძნებს ანაკონდია და ის ციხე სიმაგრეები, რომლებიც სამხრეთს საქართველოში ეჭირათ (1078 წ.) ეს საქმე გაუადვილა გიორგი მეფეს იმ გარემოებამ, რომ ბერძნები ძალიან შევიწროებულნი იყვნენ თურქთაგან და იღარ შეეძლოთ განაპირია აღგილების დაცვა. საბერძნეთის ასეთის დასუსტების გამო ბიზანტიის აღმოსავლეთის აღგილების მმართებელმა ქართველმა გრიგოლ ბაკურიანმა ამავე წელს გადასცა გიორგი მეფეს ყარსი და კარნუქალაქი (არზრუმი). ამნაირად გიორგიმ უშორესს მანძილამდე გასწია საქართველოს სამხრეთი საზღვრები. მაგრამ მარტო გაწევა არ კმაროდა. საკირო იყო ამ საზღვრების შემაგრება. სამწუხაროდ გიორგი მეფემ ეს ვერ მოახერხა და მალე თვით საქართველო შეიქნა რბევის სარბიელად მტერთათვის.

4. იქონის თურქმბის შემოსვა და მართვა-ლების გაშირება.—1080 წ. იკონის თურქები შემოესიენ საქართველოს და აიღეს ყარსი. აქედგან წამოვიდნენ ყველისციხისკენ, სადაც იმ დროს იმყოფებოდა გიორგი მეფე. გიორგი დამარცხდა და გაიქცა აჭარისაკენ. ამავე წელს საქართველოს შემოესია მეორეჯერ თურქთა დიდი ლაშქარი, რომელიც დიდის სისწრაფით მოედო ჩვენის ქვეყნის სხვა-და-სხვა კუთხეს. შეუბრალე-

ბლად იკლებდენ და ჭოხრებდენ თურქები ყველაფერს. შეშინებული ხალხი გაიხიზნა მთასა და ტყეში და ამით გადაირჩინა თავი შემუსვრისაგან. ზამთარმა რომ მოაწია, თურქებმა მიატოვეს საქართველო და წავიდენ უკან. სახიზარითგან დაბრუნებულს ქართველებს თავიანთ საცხოვრებელს მიწაზე ცარიელი ნანგრევები-ლა დაუხვდათ. როგორც იყო ქართველებმა გაუძლეს ზამთარს, მაგრამ გაზაფხულზე 1081 წ. თურქები ხელმეორედ შემოესიენ საქართველოს. ხალხი ხელახლა გაიხიზნა მთასა და ტყეში. ეს წელიწადიც ისეთივე უბედური იყო საქართველოსთვის როგორც წინა წელი. ზამთარის დამდეგს თურქები ისევ გავიდენ საქართველოთგან. ამნაირად რავდენისამე წლის გამავლობაში თურქები იკლებდენ საქართველოს მომეტებულს, ნაწილს; შემოესევოდენ გაზაფხულზე და უკუ ბრუნდებოდენ საზამთროდ.

გიორგი მეფემ და დიდებულებმა სრულებით დაპკარგეს ყოველივე იმედი და მთნეობა. იმათ სხვა ღონევერა იპოვეს-რა იმის მეტი, რომ სპარსეთის მფლობელის სულთან მალიქ-შაჰისთვის მიემართათ და ეთხოვათ მშეიღობა ნაცვლად მორჩილებისა და ხარჯის ძლევისა. ამ თხოვნით გიორგი მეფე თითონ გაემგზავრა სულთანთან სპარსეთს (1084 წ.). სულთანი დაპკირდა გიორგის მშეიღობას და დიდის იმედით გამოისტუმრა უკან.

მაგრამ ტყუილი გამოდგა ეს იმედი. იკონის თურქები თავისას არ იშლიდნენ და დრო გამოშვებით შემოესეოდენ ხოლმე ჩვენს ქვეყანას და არბევდენ. მეორე მხრით კახეთის მეფე აღსართანი გამხნევებული მით, რომ თურქები მას მხარს უჭერდნენ, რადგან ის გამუსულმანებული იყო, აგრეთვე დროგამოშვებით ესხმოდა ქართლს და იჭერდა სოფლებს და ქალაქებს. ამნაირად

1080 წლის აქეთ ქართველებს არ ჰქონიათ ერთი წელიწადი მოსვენება, რომ სული ამოედგათ და მხნედრინამდევობა გაეწიათ თავგასულის მტრისათვის.

1088 წ. საქართველოს მოევლინა კიდევ სხვა გვარი უბედურება, რომელმაც გაჭირებას გაჭირება დაუმატა. ეს იყო დიდი და რავდენჯერმე გამეორებული მოწის ძვრა, რომელმაც დაანგრია ბევრი ქალაქი და სოფელი და იმსხვერპლა ბევრი ხალხი.

5. გიორგი გევის თახოთგან ჩამოგდება და მის შვილის დავითის გამოვაბა. - ქართველი ერი უკიდურესს განსაცდელში ჩავარდა. საჭირო იყო განსაკუთრებული ღონე, რომ გამოსულიყო ამ განსაცდელის თვან. ვანმე უნდა გამოჩენილიყო ასეთის ღონის სახმარებლად. და ვანოჩნდა კიდეც. ეს იყო გიორგი მეფის შვილი დავითი, შემდეგში წოდებული აღმაშენებლად.

საზოგადო სასოწარკვეთილებისა და გულ-გატეხილობის დროს ქართველებში იყო მცირე, მაგრამ იმედიანი წრე, რომელიც შესაძლებლად ჰპოვებდა ქვეყნის ხსნას, თუ გაბედულად და კეკიანურად შეებრძოლებოდენ მტერს. ეს წრე ქვეყნის უბედურობის მიზეზად თვლიდა გიორგი მეფეს, რომელიც ვერ იჩენდა შესაფერს მხნეობას და გამჭრიახობას. სამაგიეროდ იგივე წრე დიდის იმედით უცქეროდა ახალგაზდა კეკიანს და გამბედავს მეფის შვილს დავითს, რომელიც ამ წრესთან ერთად არ ემაღლიერებოდა თავის მამას ქვეყნის ასეთს უკიდურესობამდე მიყვანისათვის. ქვეყნის სამსახურის სურვილით აღფრთვანებულს დავითს აზრად მოუვიდა გადაეყენებინა თავისი მამა ტახტითგან და თითონ ეტვირთა საქართველოს ხსნა მტერთაგან. ეს აზრი კიდევაც შეასრულა დავითმა თავის თანამოაზრეთა შემწეობით

და იძულებულ პყო გიორგი მეფე უარი ეთქვა ტახტზედ, ხოლო თითონ გამოაცხადა თვისი თავი მეფედ (1089 წ.). გიორგი მეფემ იცოცხლა ამის შემდეგ კიდევ 23 წელი-წადი და თავის თვალით ნახა რაოდენადაც მის შეიღის საქ-ციელი საბედნიერო და სასიკეთო იყო საქართვე-ლოსთვის.

IV

მეფე დავით აღმაშენებელი.

დავით შეფის მეცადიხეობა თურქების განდევნისათვის. — ზრუნვა ში-ნაურის წესიერების დამყარებისათვის. — კახეთის შემოერთება. — წარმმევა თურქთაგან საქართველოს ციხეებისა და გილაშერება შირვანსა და აჩაქების ხეობაში. — სამუდამო ჯარის დაარსება ტყეთაგან და ყიჯრაუთაგან. — თურქე-ბის ცდა თავიანთ მფლობელობის დასაცელიად და დავითის გამარჯვება მათ-ზე. — ტფალისის ოდება. ანის შემოერთება. — დავით მეფის პირადი ხასიათი და საქვეყანი მოღვაწეობა.

1. დავით გევის მეცადიხეობა თურქების გან-დევნისათვის. — მეფე გიორგი მეორის მეფობის უკანას-კნელს წლებში საქართველო ასეთს სურათს წარმოად-გენდა: ტფილისი და მისი არე-მარე ეჭირათ არაპებს, კახეთი ცალკე სამეფოს შეადგენდა, მთელს მტკვრის ხე-ობაში თურქები თავისუფლად დანავარდობდენ, დასავ-ლეთი საქართველო სავსე იყო ნანგრევებით და ნაოხ-რებით. ქართველი ხალხი, მეტად გალატაკებული და და-ბეჩავებული, ძალიან გულ-გატეხილი იყო ზნეობრივ. მთელს სიცოცხლეს ატარებდა შრომაში და ამ შრომის ნაყოფს კი ართმევდა ან უფუჭებდა დრო-გამოშვებით შემოსეული მტერი. იგი თავისით ვერ ახერხებდა შეერ-თებულის ძალით წინაამდეგობა გაეწია მტრისთვის. მე-ფე და მისი მოხელეები უძლურნი იყვნენ გაემხნევები-ნათ ხალხი თურქებთან საბრძოლელად.

მაგრამ ავიდა თუ არა ტახტზე დავითი, საქართველოს სურათს სწრაფად დაეტყო ცვლილება. ის უიმედობა და სასოწარკვეთილობა, რომელსაც მანამდე მოეცვა ქართველი ერი, გაჲქრა. ხალხი გამოფხიზლდა და გამხნევდა. ხალხის ასეთის აღფრთოვანების და გამოფხიზლების მიზეზი იყო ის პოლტიკური ცვლილება, რომელიც მოახდინა დავითმა თავის მამის და მის მოხელეების გადაყენებით, ახალის მთავრობის დამყარებით და წესიერების ჩამოგდებით.

ყოვლის უწინარეს დავით მეფე შეუდგა თურქების განდევნას მტკვრის ხეობითგან, სადაც ისინი ბინადრობდენ და საითგანაც დრო-გამოშვებით თავს ესხმოდენ საქართველოს სხვა-და-სხვა კუთხეს. მოუწოდა ხალხს, რომ შეედგინა ყველგან ადგილობრივი ჯარის რაზმები და გაბეჭულად დახვედროდა დასარბევად შემოსეულს თურქებს. მტერთაგან გათავისუფლების წადილით გამსპევალული და დავით მეფის მოიმედე ხალხი ახლა კი მარჯვედ უხვდებოდა თურქებს და მამაცად ებრძოდა. თურქები, რომელნიც არ იყვნენ ჩვეულნი ასეთს გაბეჭულს მოქმედებას ქართველების მხრით, ყველგან მარცხდებოდენ და კადრულობდენ უკან დახევას. პირველის გამარჯვებით გამხნევებული ქართველები ახლა თვითონ სდევნიდენ თურქებს და ცდილობდენ მათ გაძევებას იმ ბინებითგან, რომელნიც მოკიდებული ჰქონდათ მტკვრის ხეობაში. ქართველების მხნეობას და სიმამაცეს ვერ უძლებდენ თურქები და იძულებულნი ხდებოდენ გაეწმინდათ მტკვრის ხეობა, სადაც სტოვებდენ მხოლოდ გაოხრებულს დაბა-სოფლებს. ამ აოხრებულს ადგილებში დავით მეფე ასახლებდა ხელახლა იმათ, ვინც თურქთა შემოსევისა გამო გახიზნულნი იყვნენ მთიანს

და მიუდგომელს ადგილებში. ხალხი არხეინად შეუდგა
შშვილობიანს შრომას და რავდენსამე წელიწადში ნივ-
თიერად გამოკეთდა სრულებით. მართალია, თურქები
კიდევ არ იშლიდნენ თავისას და ხან-და-ხან გაპედავდენ
ხოლმე დასარბევად შემოსევას ხან ერთს, ხან მეორე
კუთხეში, მაგრამ დიდის მარტით უკუ იქცეოდენ ხო-
ლმე ჩვეულებრივ.

2. ჰუსინი შინაურის წესიმრების დამზარების-
თვის.—მტრების მოშორების შემდეგ უმთავრესი საზ-
რუნავი დავით მეფისა იყო შინაურის წესიერების დამ-
ყარება. უპირველესად დიდებულის აზნაურების თავნე-
ბობა იყო მიზეზი წესიერების დარღვევისა და ამიტომ
მან მოითხოვა ყველა დიდებულთაგან მორჩილება. ვინც
არ ასრულებდა მეფის ასეთს მოთხოვნას, შესაფერად
ისჯებოდა. მაგ. დიდებული ლიპარიტ ორბელიანი,
რომელიც ჰუსიმ ბეგი და მამულს ქართლში და რო-
მელიც არ ასრულებდა მეფის მოთხოვნილებას წესიერების
დაცვის შესახებ, შეპყრობილ და განდევნილ იქმნა
საქართველოთვან.

შემდეგ უწესოების ჩამდენი იყვნენ ზოგიერთი ეპის-
კოპოზები, რომელთაც ეპისკოპოზის ლირსება მიეთვის-
ნათ არა იმიტომ, რომ ემსახურნათ ეკლესიისა და ერი-
სთვის, არამედ იმიტომ, რომ ესარგებლათ საეკლესიო
მამულებით. ამისთანა მწყეს-მთავრების ხელში ბევრი
უწესოება დამყარდა და დაკანონდა როგორც თვით
ეკლესიაში, ისე ერში. აი ამ უწესოებათა მოსასპობად
დავით მეფემ მოიწვია 1103 წ. საეკლესიო კრება რო-
გორც სასულიერო, ისე საერთო პირთაგან. ამ კრებამ
აღნუსხა ყველა უწესოებანი, გადააყენა ურიგო ეპის-
კოპოსები და დაადგინა მართებული წესები.

3. კახეთის შემორჩენა.—საქართველოს შუა-გულიოგან თურქების განდევნის შედეგ დავითმა ხელი მიჰყო საქართველოს ნაწილების შემოკრებას. პირველად შეუდგა კახეთის შემოერთებას. კახეთის შეფერ იმ დროს-იყო კვირიკე. დავითმა ძალით ჩამოართვა კვირიკეს ის ადგილები, რომლებიც მის მამამ აღსართანმა წაართვა გიორგი მეფეს. როდესაც კვირიკე მოკვდა და გამეფდა მას ძმისწული აღსართანი, დავითმა მთელი კახეთი დაიკირა კახეთის ზოგიერთის დიდებულების დახმარებით (1104 წ.).

4. შპრინგის თურქთაგან საქართველოს ცი-ხელისა და გალაშჩიჩა შირვანსა და არაქსის ხეობაში.—ამის შემდეგ იწყო დავითმა დაპყრობა. იმ ქალაქებისა, ციხეებისა და ადგილებისა, რომლებიც ეჭი-რათ თურქებს. ერთი მეორის შემდეგ აიღო სამშვილ-დე, რუსთავი, ლორი, აგარანი და დაიჭირა მათი მი-დამო ადგილები. დავითმა არ იკარა ძირეულის საქარ-თველოს ადგილების დაბრუნება და დაუწყო თურქებს დავა მეზობელის ქვეყნების მფარველობისათვის. მაგ 1117 წ. თავის სიძის შირვანის მფლობელის თხოვნით დავით-მა გაგზავნა შირვანში მაშველი ჯარი თურქების წინაამ-დეგ. ამ ლაშქრობითგან ქართველები გამარჯვებული დაბრუნდნენ. აგრეთვე გამარჯვებული დაბრუნდენ ქარ-თველები არაქსის ხეობაში გალაშქრებითგან, რომელიც მოახდინა დავითმა 1118 წ.

5 სამუდაბო ჯარის დაარსება ტყვეთაგან და შივჩამთაგან.—თურქებთან განუწყვეტლივ საბრძოლე-ლად დავით მეფეს ჭავირდებოდა მუდამ მზა და გაწვრთნი-ლი ჯარი. ქართველები მხნედ და მარჯვედ იბრძოდენ, მაგრამ ეს გამუდმებული ბრძოლა აცდენდა ხალხს მშვი-

დობიანს შრომას, რომელიც ისე საჭირო იყო საქართველოს ნივთიერად აღსაორძინებლად. ამიტომ მეფემ იფიქრა ისეთი ღონე გამოეძებნა, რომ ქართველს ხალხს ხელი არ შეშლოდა მშვიდობიანის შრომისათვის და თან მასაც პყოლოდა მუდამ საომრად გამზადებული რაზმები. ასეთს ღონედ მან სცნო ჯერ ერთი მონასპის დაარსება და მეორედ ყივჩაყების მოწვევა. მონასპა დავით მეფემ შეადგინა მეზობელის ქვეყნების მიბაძვით გაქრისტიანებულის ტყვე თურქებისა და არაბებისაგან. ეს ჯარი, რიცხვით 5000 კაცამდე, მუდამ მზად იყო სალაშქროდ. ხოლო ყივჩაყები მოიწვია ცოლშვილით ჩრდილო-კავკასიონგან და დაასახლა საქართველოში იმ პირობით, რომ მშვიდობიანობის დროს უნდა შეემუშავებინათ მიცემული მამული და მზად ყოფილიყვენ სალაშქროდ გამოსასვლელად ყოველს წუთს. ესენი რიცხვით იყვნენ 50,000-მდე. მონასპას და ყივჩაყებს საჭიროების დროს დავით მეფე მიუმატებდა ხოლმე ქართველს ჯარსაც და ამნაირის ძალით ილაშქრებდა და უხვდებოდა მტერს.

6. **თურქების ცდა თავიათო გულობალობის დასაცვლად და დაცითის გამარჯვება გათხოვ.** — თურქები მეტად გაკვირვებულნი იყვნენ ქართველების გამოფხიზლებით და უფრო მხნედ ირჯებოდენ თავიანთ მფლობელობის შესანარჩუნებლად. ისინი ყოველს მარჯვე შემთხვევაში შემოესეოდენ ხოლმე საქართველოს, მაგრამ ყოველთვის დამარცხებულნი რჩებოდენ. როდესაც დაინახეს თურქებმა, რომ ქართველები არამც თუ თავიანთ არე-მარეს იკავდენ, არამედ სხვა ქვეყნებსაც უწევდენ მფარველობას და უერთებდენ თავიანთ სახელმწიფოს, გადაწყვიტეს ეხმარათ ყოველივე ძალლონე მის წინაამდეგ. 1121 წ. ირანის მფლობელმა მელიქ-

თოლრულმა და სხვა საქართველოს მოსაზღვრე თურქთა მფლობელებმა შეაგროვეს თავიანთი ჯარები და შეერთებულის ძალით, რომელიც უდრიდა 200,000 კაცს, შემოვიდენ საქართველოში. დავით მეფე დაუხვდა მათ დიდგორზე 55,000 კაცით და საშინლად დაამარცხა. ამ გამარჯვების შემდეგ თურქებს ალარ გაუბედნიათ საქართველოს არემარეში შემოსვლა.

7. ტფილისის აღმა. ანის შემომრთება. კარგა ხანს დავრთ მეფე არას ერჩოდა ტფილისის ამირას და არჩევარობდა ამ ქალაქის აღებას. მართლაც და არც იყო საშური ტფილისის დაჭრა, რადგან ის აუცილებლად ჩაუვარდებოდა დავით მეფეს, როდესაც მის გარშემო მდებარე ციხე-ქალაქებს დაიჭრდა და თურქების მფლობელობას შემუსრავდა; 11 წ. თურქების დიდგორზე დამარცხების შემდეგ დავითი მიადგა ტფილისსაც. ქალაქი ძალიან გამაგრებული აღმოჩნდა და საჭირო შეიქნა ხანგრძლივი ალყა. დავითმა აიღო იგი მხოლოდ რავდენისამე თვის გარემოცის შემდეგ (1122 წ.).

ტფილისის აღების შემდეგ დავით მეფემ უფრო თავისუფლად დაიწყო ლაშქრობა შირვანისა და არაქსისაკენ და დაიპყრო კიდევ მთელი შირვანი დარუბანდამდე და მთელი არქსის გამოლმა მხარე. დავითის ძლიერებამ და კეთილ-კაცობამ ჩააგონა ანელს სომხებს, ეთხოვნათ მის-თვის, რომ ქალაქი ანი და მის მიდამო ქვეყანა დაეჭირა თავისთვის და გაეთავისუფლებინა ამნაირად თურქთა მფლობელობისაგან. დავითმა შეუსრულა თხოვნა სომხებს და ანი და მის ქვეყანა დაიპყრო და შემოუერთა საქართველოს (1124 წ.).

8. დავით გვიას პირადი ხასიათი და სავა-ნო გოლვაზება:— დავრთ მეფე იყო ვამაცი, გონიე-

რი და მომთმენი, გულ-კეთილი და შემბრალებელი, თავდაბალი და ადამიანის მოყვარული. სწავლა-განათლება ჰქონდა მიღებული რაოდენადაც შეიძლებოდა იმ დროში საფუძვლიანი და სრული. მას აფრთხოვანებდა ერთი აზრი. ეს იყო ხალხის ბედნიერება, რომელიც მოიპოვება ნივთიერის კეთილდღეობით, ზნებრივის განკარგებით და გონებრივის განვითარებით. სწორედ ამ აზრის განხორციელებას წარმოადგენს მაელი მისი მოღვაწეობა.

ქართველს ხალხს არ შეეძლო თავისი ცხოვრება გაეუმჯობესებინა იმ დრომდე, ვიდრე თავისუფალი არ იქნებოდა უცხო ერის მფლობელობისაგან და საკმაოდ ძლიერი არ იქნებოდა, რომ მეზობლები აეძულებინა ხელი არ ეხლოთ მის დამოუკიდებლობისათვის. ამიტომაც იყო, რომ დავით მეფემ უარ-ჰყო თუოქების მფლობელობა და მხნედ შეუდგა მათთან ბრძოლას. უძლური და დაღუპვის პირად მყოფი საქართველო დავით მეფემ სიძლიერის უზენაესს წერტილამდე მიიყვანა და შემოფარგლა ისეთის საზღვრებით, რომელთ იქით საქართველოს არას დროს არ გაუწევია წინად. ეს საზღვრები იყო: აღმოსავლეთით თეთრი ზღვა, დასავლეთით შავი ზღვა, ჩრდილოეთით კავკასიის მთები და სამხრეთით არაქსი. მართალია, ამ საზღვრებში მოჰყვნენ უცხო ხალხნიც, მაგრამ დავით მეფემ არ მოუსპოვა ამ ხალხებს საკუთარი ეროვნული არსებობა და შეანარჩუნა მათ ადგილობრივი თვითმართველობა. თვით ტფილის შიაც კი, ამ საქართველოს დედა-ქალაქ-ში, მის აღების შემდეგ, იქ ზამკვიდრებულს არაბებს მიანიჭა თავიანთ საქმეთა თავისებურად წარმოების უფლება.

დამოუკიდებლობის მოპოების და პოლტიკურად გაძლიერების შემდეგ ხალხის ნივთიერის წარმატებისათვის საკირო

იყო მისვლა-მოსვლის და გადაზიდ-გადმოზიდვის საშუალების განვითარება და სამართლიანის ურთიერთობის დამყარება მკვიდრთა შორის. ამიტომაც დავით მეფემ გაიყვანა მრავალი გზა-ტკეცილები და ააგო ხიდ-ბოგირები, შემოიღო საერთო და უველასთვის სავალდებულო წესები და კანონები, დაადგინა მიუდგომელი და მოუსყიდველი მოსამართლეები

სამართლიანობის და წესიერების დამყარება, რასაკვირველია, ხელს უწყობდა ერის ზნეობრივს გაუმჯობესობასაც. მაშინდელს ღროში ადამიანის ზნეობრივს მხარეს დიდი კავშირი ჰქონდა სარწმუნოებრივს ყოფასთან და ამიტომაც დავითი ცდილობდა სარწმუნოებრივის სიწმინდის დამკვიდრებას. მაგრამ ის არ იყო რომლისამე ერთის სარწმუნოების ბრძან მოთაყვანე, ის არ ფიქრობდა, რომ ადამიანი მხოლოდ ერთის სარწმუნოების გზით ცხონდებოდა, იმისთვის ყველა სარწმუნოება ერთნაირის პატივისცემის და შეწყნარების ლირსი იყო. ამიტომაც დავით მეფე თანაბარის გულ-კეთილობით ეკიდებოდა როგორც ქრისტიანებს, ისე მუსულმანებს, როგორც მართლმადიდებლებს, ისე გრიგორიანებს; ერთნაირად ხელს უწყობდა როგორც ეკლესიების აშენებას, ისე მეჩეთებსა; ერთნაირად მფარველობდა როგორც ეპისკოპოსებს და მღვდლებს, ისე მუფტიებს, ყადებს და მოლებს. მოძმეთა სიყვარული, დაჩაგრულთა და დავრდომილთა შებრალება, ავადმყოფთა შველა, რომელთაც ქადაგებს ყოველი სარწმუნოება, დავით მეფემ სახელმწიფო მოვალეობად აღიარა და შექმნა სახელმწიფო ხარჯით იმისთანა დაწესებულებანი, რომელნიც ასრულებენ ამ მოვალეობას: გამართა სამადლოები, სასტუმროები და საავადმყოფოები, სა-

დაც ათავსებდენ უძლურებს, თავს აფარებინებდნენ უბინაო მგზავრებს და უვლიდნენ ავაღმყოფებს.

სწავლა-განათლება, ეს აუცილებელი პირობა ნამდვილის განვითარებისა როგორც ზნეობრივად, ისე ქონებრივად, შეადგენდა უდიდესს საზრუნავს დავით მეფისათვის. პირადად თითონ დიდი მოტივიალე სწავლისა და წიგნებისა, ყოველს ღონისძიებას ხმარობდა, რომ გაევრცელებინა ხალხში სწავლა და წიგნები; აარსებდა სკოლებს, მფარველობდა მეცნიერებს და მწიგნობრებს და ღიდს შემწეობას აძლევდა იმ მონასტრებს, სადაც გამართული იყო სასწავლებლები ან გაჩაღებული იყო მწიგნობრობა. დავითი ასეთის პატივით ეკიდებოდა ორა მარტო ქართველს მეცნიერებს, არამედ უცხოებსაც. მაგ. ტფილისის აღების შემდეგ მეფემ დაუნიშნა პენსია არაბთა იმ პოეტებს და მეცნიერებს, რომელთაც მოისურვეს დარჩენა საქართველოში, ხოლო რომელთაც არ მოისურვეს დარჩენა, მათ მისცა საგზაო ფული და გაისტურა პატივით სპარსეთს. დავით მეფე არ სჯერდებოდა საქართველოში მიღებულს განათლებას და განსავითარებლად გზავნიდა ყმაწვილებს ბიზანტიაში.

დავითმა იმედა ვ6 წელიწადი. გადაიცვალა 1126 წ. და დამარხულ იქმნა მის მიერვე აშენებულს გელათის მონასტერში. იმ ღვაწლისთვის, რომელიც მან დასდო საქართველოს, ისტორიამ უწოდა აღმაშენებელი, ხოლო საქართველოს ეკლესიამ ჩარიცხა წმინდათა შორის და მის ხსენებას დღესასწაულობს 26 იანვარს.

X

შეცე გიორგი მესამე.

ცნობების უქოლობა დიმიტრის შეფოსის შესახებ. — ანის დაჭერა უადლონისაგან. — დამარცხება დოკინზი. არზრუმის მფლობელის დარყვევება. — დიმიტრი შეფის შეილების გადამტერება, დიმიტრი შეფის ჩამოგდება და დავითის გამეფება. — დავითის სიკვდილი და გიორგის გამეფება. — ანის დაჭერა და ლაშქრობა აშორნშა. — ომი შავერმანთან და მის მოკავშირეებთან. — ანის გამგებლების ცვლა. — დოფინის გამარჯვება. — ბრძოლა ელდიგუნ-ათბეგთან და მის მოკავშირეებთან. — ანის ქალაქის საქმეები. — ლაშქრობა შირვანში. — ოპბელიანთა შეთქმულობა გიორგი შეფის წინააღმდეგ. — საეკლესიო კრება. — თამარის დანიშვნა ტახტის შემკვიდრედ. — შინაურის მშვიდობიანობის დამყარება.

1. ცემობების უძონლობა დიმიტრის მიუღიბის შესახებ. — დავრთ აღმაშენებელმა სიკვდილის წინ თვისი შვილი დიმიტრი გამოაცხადა მეფედ და გვირგვინი თვითვე დაადგა. დიმიტრიმ იმედა 1125 წლითვან 1155 წლამდე სრული 30 წელიწადი, მაგრამ, სამწუხაროდ, ქართულმა მატიანემ არ შეგვინახა არავითარი ცნობა ამ დროს შესახებ. მხოლოდ სომხის ისტორიკოსები გვატყობინებენ რავდენსამე ამბავს დიმიტრის დროისას, რაოდენადც კი ეს ამბები შეეხება სომხებით დასახლებულს ადგილებს. ამ ცნობებითვან ჩანს, რომ დავით აღმაშენებელის დროს გაძლიერებულს საქართველოს დიმიტრის მეფობაში უხდებოდა ბრძოლა მეზობელს სახელმწიფოებთან თავის სამძღვრების და გავლენის დასაცავად.

2. ანის დაჭერა ფადლონისაგან. — დავით აღმაშენებელისაგან ანის ქალაქის გამგებლად იყო დაყენებული აბულეთ ორბელიანი. დავითის სიკვდილის შემდეგ, 1126 წ. სპარსეთში მყოფი ანის უკანასკნელის ამირას (მფლობელის) შვილი ფადლონი სპარსთა ჯარით წამო-

ვიდა და მიადგა ანს, გამოდევნა აბულეთ ორბელიანი და დაიჭირა ქალაქი. ანი უქვე აღებული ჰქონდა ფადლონს, როცა დიმიტრი მეფე გაემართა მის წინაამდევ. ფადლონმა დაინახა, რომ ცუდად იყო საქმე და სთხოვა დიმიტრის იგი ეცნო ანის მფლობელად. სამაგიეროდ დაპირდა ხარჯის ძლევას და მორჩილებას. დიმიტრი დათანხმდა და ამნაირად ანი დაუბრუნდა ისევ ძველის მფლობელის გვარს.

3. დამარცხება დოკინში. არზალშის გვლო მ-ლის დატყვევება.—1135 წ. დიმიტრი მეფემ მიანდო აბულეთ და ივანე ორბელიანებს გალაშქრება დასა-კურობლად დოკინის ქალაქისა, რომელიც საშის წლის წინად დაიჭირეს სპარსელებმა მოულოდნელად. ქართვე-ლები შეებრძოლნენ სპარსელებს, რომელთაც წინამძღო-ლობდა ათაბაგი ელდიგუზი, და დამარცხდენ. ორბე-ლიანები ტყვედ ჩაუვარდენ მტრებს. ელდიგუზმა ამ სასი-ხარულო ამბის მუდამ მოსაგონებლად დააჭრევინა თავები დახოცილის ქართველებისა, მოახარშვინა და ძვლები დაწყობინა დოკინის მინარეთის სახურავზე და ქალაქის კედლებზე. დიმიტრი მეფემ მხოლოდ ორის წლის შემ-დეგ (1137 წ.) გაილაშქრა და დაიხსნა ქართველი ტყვეები.

1153 წ. არზრუმის მფლობელი სალდუხი შემოესია საქართველოს და მიადგა ანის ქალაქს. დიმიტრი მეფემ ანის დასაცველად გაგზავნა ჯარი, რომელმაც დაამარცხა თურქები და თვით სალდუხიც დაატყვევა.

4. დიმიტრი გელის გვილების გადამორჩება, დიმიტრი გელის ჩამოგდება და გამოვება დათისა.—დიმიტრის მეფობაში დიდებულთა შორის გამო-ჩენილნი იყვნენ უმეტესად ორბელიანები, რომელთაც დიდი თანამდებობანი ეჭირათ სახელმწიფოში. ამ ორბე-ლიანთა ჩაგონებით ჩამოვარდა უსიამოვნება და შერჩა

დიმიტრის შვილების დავითის და გიორგის შორის. დიმიტრი მეფემ დაიჭირა გიორგის მხარე, რის გამოც დავითი მამის უკმაყოფილო შეიქმნა. საქმე იქამდის მი-ვიდა, რომ დიმიტრიმ 1150 წ. თავის მემკვიდრედ გა-მოაცხადა გიორგი, უმცროსი შვილი. ამან ხომ უფრო გააბრაზა დავითი და მისი მომხრენი. ამათ შეთქმულობა გამართეს 1155 წ. და აიძულეს დიმიტრი, რომ მეფო-ბაზე ხელი აეღო და ბერად შემდგარიყო. დავითმა თა-ვის თავი მეფედ გამოაცხადა.

ძალად გამეფებულმა დავითმა ამოხოცა ბევრი დი-დებული, რომელნიც გიორგის მომხრეობდენ, და დაუ-წყო დევნა ყველას, ვინც საეჭვოდ მიაჩნდა. მოსალოდ-ნელი იყო დიდი უბედურება, თუ მალე არ მომკვდა-რიყო დავითი.

5 დავითის სიკვდილი და გიორგის გამე-
ფება.— დავითმა იცოცხელა მხოლოდ ექვსს თვეს. ამბო-
ბდენ, ვითომ იგი მოეწამლოს სუმბატ ორბელიანს,
იმიტომ რომ მას წაართვა ამისპასალარობა და მისცა
თირქაშ ორბელიანს. მომაკვდავმა დავითმა მეფობა უან-
დერძა თავის მცირეწლოვანს შვილს დიმიტრის, ხოლო
სამეფოს გამგედ შვილის დავაუკაცებამდე დანიშნა თავის
ძმა გაორგი. აღზრდა თავის შვილისა მიანდო ივანე
ორბელიანს.

დავითის სიკვდილის შემდეგ სამეფოს მართვას შე-
უდგა ძმა მისი გიორგი, რომელმაც მიუხედავად დავით
მეფის ანდერძისა თავის თავი მეფედ გამოაცხადა (1156 წ.).
ასეთი საქციელი გიორგიმ დააფუძნა იმაზედ, რომ და-
ვითი ძალად იყო გამეფებული, მის საკვდილის შემდეგ
მამა მისი კიდევ კოცხალი იყო და მაშასადამე მეფობა
ისევ მას უნდა დაბრუნებოდა. მაგრამ რაკი დიმიტრი

ბერად იყო შემდგარი და ილარ ინება გამეფება, მეფობა ეკუთნოდა მას, ვინც წინადვე იყო გამოცხადებული მეფედ თვით დიმიტრი მეფისგან, ე. ი. გიორგის.

6. **ანის ღამიჩა და ლაშქრობა აშორნში.** — მას აქეთ, რაც ანი ისევ ძველის მფლობელის ჩამომავალმა დაიჭირა, მისი მფლობელები მუდამ მეცადინეობაში იყვნენ სრულებით გათავისუფლებულიყვნენ საქართველოს დამოკიდებულებისაგან. ასეთს მეცადინეობას გიორგის მეფობის დასაწყისში ზედ დაერთო ანის მფლობელის გვარის წევრთა შორის ქიშპი და დავა. ფადლონმა თავის ძმას შადადს წაართვა ანის მფლობელობა და ატყდა ამიტომ მათ შორის დავიდარაბა. ამ დავიდარაბის მოსახლეობად და ქალაქის მტკიცედ დასაკავშირებლად საქართველოსთან გიორგი მეფემ 1161 წ. დაიჭირა ეს ქალაქი, განდევნა ფადლონი და გამგებლად დააყენა ივანე ორბელიანი. აქედგან გაილაშქრა აშორნში, რაღან ამ ქვეყნის მფლობელი შაჰ-ერმანი ხელს უწყობდა ანის მფლობელთა მისწრაფებას.

7. ღმის შაჰირანთან და გის მოკავშირებათან.

— ქართველების დაბრუნების შემდეგ შაჰ-ერმანი შეუდგა სამზადისს ქართველთათვის სამაგიეროს გადასახდებლად. მიიშველია სირიის, მესოპოტამიის, დიარბექირის და არზრუმის მფლობელები და იმავე წელს მიადგა ანრს ქალაქს, ერთის ისტორიულისის თქმით, 80,000 ჯარის კაცით. გაიგო თუ არა ეს ამბავი გიორგიმ, სწრაფად შეაგროვა 7000 კაცი და დაუყოვნებლად გაეშურა ანის კენ. პირველსავე შეხვედრაზე ქართველებმა დაამარცხეს მტრები და გააქციეს. გამარჯვება ისე დიდი იყო, რომ ქართველთაგან დატყვევებულთა რიცხვი აღიოდა 23,000 კაცამდე. ტყვეთა შორის ერთა არზრუმის სულთანი სალ-

დუხი, რომელიც რვა წლის წინადაც იმავე ანის ქალაქ-თან ტყვედ ჩაუვარდა დიმიტრი მეფეს. :

8. ანის გამგებლების ცვლა.—იმისთვის რომ ანი უფრო ერთგული ყოფილიყო, გიორგი მეფემ ამ ქალაქის გამგებლად დანიშნა ანელივე სომეხი სათუნი. მაგრამ მოსტყვედია. სათუნი არ გამოდგა სანდო კაცი, ის აჟყვა მეზობელის მფლობელების ინტრიგას. გიორგი მეფემ ამის გამო ჩამოართვა გამგეობა და მის მაგიერ დანიშნა საჩვის მხარგრძელი, ხოლო გაქცეული სათუნი შემდეგში შეიძყრო და სიკვდილით დასაჯა ღალატისა-თვის.

9. დოვინის გამარჯვება.—დოვინი 1132 წლის აქეთ ისევ სპარსელებს ეჭირათ. გიორგი მეფემ ამ ქალაქის და-საბრუნებლად გაილაშქრა 1162 წ. ქართველებზე აიღეს ქალაქი და დიდის პატივისცემით მოიხსენიეს 1135 წ. დახოცილი ჯარის-კაცები, რომელთა თავის-ქალები კი-დევ ელაგა თვალსაჩინოდ მინარეთის სახურავზე და ქა-ლაქის კედელზე. მეფის ბრძანებით ეს თავის-ქალები მო წიწებით ჩამოიდეს, ჩაალაგეს კუბოებში და ზედ ოქრო-ქსოვილები დააფარეს. შემდევ ძვლებით სავსე კუბოები აჟყიდეს ზურგზე მუყრებს (მუსულმანთა სასულიერო პი-რები) და ფეხშიშველებს წააღებინეს ტფილისში. თვით მინარეთი, რომელიც ოცდაშვიდის წლის განმავლობაში ახსენებდა დვინელებს ქართველების დამარცხებას, დაარ-ღვიეს. ამას გარდა ქართველებმა წამოიყვანეს ტყვედ 60,000 კაცამდე.

10. ბრძოლა ელდიგუზ ათაგაზთან და მის მოკაზიისამართან.—გიორგი მეფის ასეთის გამარჯვების შემდევ ათაბაგმა ელდიგუზმა მოუწოდა მეზობელს მფლო-ბელებს და სთხოვა გაელაშქრათ ქართველებზე. მეზობ-

ლებმა თანხმობა გამოუცხადეს და შეუდგნენ სამზადისს. ელდიგუზმა არ დაუცადა მათთან შეერთებას და თავის ჯარით გადმოვიდა საქართველოს სამზღვრებზე (1163 წ.), დაიჭირა გაგის ციხე და იწყო მიდამო ქვეყნის აკლება. ამ ამბის გაგებისათანავე გიორგი მეფე სწრაფად გაემართა დასახვედრად. ქართველების მიახლოვებაზე ელდიგუზი უკან გაბრუნდა. გიორგი მეფეს უნდოდა დასდევნებოდა უკან, მაგრამ დიდებულების რჩევით შეჩერდა და დარწმუნებულმა, რომ მტერი ვეღარ გაბედავდა ხელმეორედ შემოსევას, ჯარი დაითხოვა, ხოლო თითონ მცირეოდენის რაზმით დარჩა ლორისა და დმანისის შორის და დაიწყო ნადირობა.

გაქცეულს ელდიგუზს მალე შეუერთდენ მოკავშირები. ამათ გადასწყვიტეს პირველად აელოთ ანი. ამ ქალაქს მიაღვა 50,000 მტრის ჯარი. აქ მალე შეიტყეს, რომ გიორგი მეფე იმყოფებოდა ლორის ახლო. რადგანაც წარმოდგენა არა პქონდათ, თუ რაოდენი იქნებოდა მის რაზმი, გაგზავნეს მეფესთან ვითომ მოციქულად მზვერავები. როდესაც მტრებმა გაიგეს მოციქულებისაგან, რომ მეფე თითქმის მარტოდ იმყოფებოდა უჯაროდ, მაშინთვე გამოგზავნეს მეფის შესაპყრობლად საკმაოდ დიდი ჯარი. ეს ჯარი მივიდა ქართველების ბანაკთან დილა-ადრიან, როდესაც ჯერ კიდევ ეძინათ მეფესაც და მის მხლებლებსაც. მტრის ხმაურობაზე გამოლვიდებული ქართველები ფიცხლავ მოახტნენ ცხენებს. გულ-ფიცხი და მამაცი მეფე მზად იყო შებმოდა მტრებს, მაგრამ დიდებულებმა ურჩიეს გაქცევით თავის დახწევა აუარებელის მტრისაგან. ხელცარიელი გაბრუნდა მტრის ლაშქარი ანისაკენ. მოკავშირები რავდენსამე ხანს მეცადინეობდნენ ანის ალებას, მაგრამ ვერც ეს მოახერხეს და იძულებულები

გახდენ უკან წასულიყვნენ და სრულებით ხელი აეღოთ
ლაშქრობაზე.

11. ანის შალაშის საშმეგი. — ხელი არ აიღეს
მხოლოდ ანის ძველის მფლობელის გვარის წევრებმა
თავიანთ მეცადინეობაზე, რომ როგორმე დაებრუნებინათ
თავიანთ მფლობელობა ანში. ისინი უგზავნიდნენ გიორ-
გი მეფეს მოციქულეს და პპირდებოდენ ერთგულობას
და მორჩილებას, თუ დაუბრუნებდა ანს მათვის შუამ-
დგომლობდნენ თვით ხორასნის სულთანი და ელდიგუზ
ათაბაგი. გიორგიმ დაინახა, რომ ისინი არ დაწყნარდე-
ბოდნენ თუ არ შეასრულებდა იმათ თხოვნას, და ამიტომ
დააბრუნა ისინი ანში და ანის მფლობელად დაამტკიცა
ასლან მაჰმადის შვილი. მაგრამ ანის ძველის მფლობე-
ლების ჩამომავალნი არ ასრულებდენ მორჩილების აღ-
თქმას და იქერდენ მეზობელს სახელმწიფოებთან კავშირს
საქართველოსაგან გასაღვომად. ასე მოიკცა ასლანის მემ-
კვიდრე მირ-შაჰი. ამიტომ გიორგი მეფემ წაართვა მას
ანი და გააწესა გამგებლად ივანე ორბელიანი (117 წ.)
ამირ შ. შ. წაექმაგა თურქების სულთანი ალპარსლანი
და მიადგა ანის ქალაქს, მაგრამ ვერ მოახერხამისი აღე-
ბა და უკანვე დაბრუნდა.

12. ლაშქრობა შირვანში. — ელდიგუზ ათაბა-
გის დამარცხების შემდეგ მტრის შემოსევას იღარ შეუ-
წუხებია საქართველო. თუ წვრილმანს დარბევას გაბე-
დავდენ ხოლმე რომელსამე სამზღვარზე, გიორგი მეფე
უსევდა ჯარს და ბევრ-კეცალუხდიდა სამაგიეროს. 116 წ.
გიორგი მეფეს მოუხდა ლაშქრობა დარუბანდელების
წინაამდეგ, რომელთაც გამოაძიეს შირვანის მფლობე-
ლი აღსართანი — მორჩილი და მონათესავე მეფისა (დავით
აღმაშენებელის შვილის შვილი). ქართველებმა განდევ-
ნეს შირვანითგან დარუბანდელნი და დაამკვიდრეს შირ-
ვანში აღსართანი.

13. ორავლიათა შეთქმულობა გიორგი მე-
ფის შინეამდებ.—გიორგი მეფე იყო მხნე, მამაცი და
მტკიცე ხასიათის კაცი. ასეთის თვისების გამო დიდე-
ბულებს არ შეეძლოთ იგი ჩაეგდოთ თავიანთ გავლენის
ქვეშ, რის გამოც უკმაყოფილონი იყვნენ. უკელაზედ მე-
ტად უკმაყოფილებას გრძნობდნენ ორბელიანები, რომელ-
თაც მისი მამა დიმიტრი ხელთ ეჭირათ და ამიტომ მის
მეფობაში დიდი გავლენა ჰქონდათ. თავიანთ გავლენის
აღდგენას საქართველოში ახლა ორბელიანები ამყარებ-
დენ მეფის ძმის წულს დიმიტრიზე, რომელიც დავით მე-
ფემ მათ მიანდო ასაზრდელად. რადგან გიორგი მეფეს
არა ჰყავდა ვაჟი-შვილი, დიმიტრი თავისთავად უნდა გამ-
ხდარიყო მეფედ გიორგის სიკვდილის შემდეგ. უეპველია,
როდესაც ის გამეფებოდა, ორბელიანებიც გავლენას
მოიპოვებდენ თავიანთ აღზრდილის წყალობით. მაგრამ
ამ დიდებულთა გვარმა ვერ მოითმინა დიმიტრის კანო-
ნიერად გამეფებამდე და მოინდომა გიორგის სიცოცხლე-
შივე გაემეფებინა ის, მით უფრო რომ ორბელიანებს ჰქონ-
დათ ვითომ საფუძველი გიორგის სიცოცხლეშივე დიმიტ-
რის გამეფების კანონიერებისა. დიმიტრის მამამ დავით
მეფემ სიკვდილის წინ ტახტი უანდერდა თავის შვილს,
სამეფოს გამგებლობა კი მის სრულ-წლოვანობამდე მი-
ანდო თავის ძმას გიორგის. ორბელიანებმა ხელი ჩასჭი-
დეს დავით მეფის ასეთს განკარგულებას და მოინდომეს
მის ძალით დიმიტრის გამეფება და გიორგის ტახტითგან
გადაყენება, როდესაც დიმიტრი სრულ-წლოვანი შეიქ-
ნა. ორბელიანებმა მიომხრეს ბევრი სხვა დიდებულებიც
და 1177 წელს შეუდგნენ თავიანთ სურვილის განხორ-
ციელებას. გადაწყვეტილი იყო, დიმიტრის მომხ-
რებებს უნდა სომხეთში ორბელიანთ მამულში მო-

ეყარათ თავი, იქითგან მოულოდნელად დასცემოდენ ტფილისში გიორგი მეფეს, შეეპყრათ იგი და დიმიტრი გამოეცხადებინათ მეფედ.

გიორგი მეფემ შეიტყო ორბელიანებისა და სხვა დიდებულების განძრახვა და თავისებურის სისწრაფით გადაწყვიტა შეთქმულობის ჩაშლა და შეთქმულთა დამხობა. ხელად შეკრიბა 5,000 კაცი და გაგზავნა სომხეთში უუბასარის წინამდლოლობით. რავდენისამე დღის შემდეგ თითონაც გაემართა იქითკენ სხვა ჯარით. ეს ამბავი რომ გაიგეს შეთქმულობის მონაწილეთ, სახტად დარჩენ და შეშინდნენ, რადგან იმათ უფრო მოულოდნელად მეფეზე თავდასხმის იმედი ჰქონდათ. ახლა კი თვითონ მეფე ესხმოდა მათ მოულოდნელად. ბევრმა დიდებულმა არჩია მაშინვე გიორგის მხარეზე გადასვლა და შეწყნარების თხოვნა. ორბელიანებმა რომ დაინახეს ერთის მხრით გიორგი მეფის მათ წინაამდეგ ამხდრება, მეორე მხრით ზოგიერთა თავიანთ მომხრეების გადასვლა მეფის მხარეზე, არჩიეს გამაგრება ლორის ციხეში. გიორგი მეფემ დაიკირა მამულები ორბელიანებისა და მათ მიმდგომის აზნაურებისა და სხვა დიდებულებისა. აქ გიორგი მეფემ ვაიგო, რომ ორბელიანების დასახმარებლად კახეთში მოეგროვებინათ იქაურს დიდებულებს ჯარი და აპირებდენ სომხეთისკენ წამოსვლას. მაშინვე მეფემ გაგზავნა ჯარი კახეთისკენ ჭიაბერის წინამდლოლობით. ჭიაბერმა დაამარცხა განდგომილთა ჯარი და შეიპყრო უმთავრესი მოთავენი.

ლორის ციხეში გამაგრებულმა ორბელიანებმა გაგზავნეს დიმიტრის სახელით მოციქულები შაპ-ერთმანთან და აღირბეჟანის მფლობელთან შემწეობის სათხოვნელად. გიორგი მეფე მიადგა ლორის ციხეს და შემთარტყა ალ-

ყა. გარემოცვაშ გასტანა დიდხანს. შემწეობა არსაიდ-გან მოსდიოდათ ორბელიანებს. ბევრს ციხეში გამომ-წყვდეულს გული გაუტყდა, დაეკარგა გამარჯვების იმედი და გადასწყვიტეს დანებებოდენ მეფეს. მხოლოდ ორბელიანები იყვნენ ამის წინაამდევ და არ ნდომუ-ლობდნენ დამორჩილებას. მაშინ ბევრნი დიდებულთა-განნი საიდუმლოდ ჩამოეშვნენ საბელის შემწეობით ციხის კედელზე და მივიღნენ მეფესთან. აგრეთვე მოიქ-ცა დიმიტრი, რომელიც ყელზე საბელ-მობმული მივიდა ბიძასთან და სინანული გამოუტხადა. ამის შემდევ ბევრს ხანს ვერ გასძლეს ციხეში ორბელიანებმა, ისინიც გამო-ვიდნენ ციხითგან და დანებდენ მეფეს. ორბელიანები უკვე გიორგი მეფის ხელთ იყვნენ, როდესაც სპარსეთით-გან მათის თხოვნით დაიძრა 60,000 კაცი დიმიტრის მოსაშველებლად. ამ ჯარმა გზაში გაიგო დიმიტრის შეპ-ყრობა და უკანვე დაბრუნდა.

გიორგი მეფემ მკაცრათ დასაჯა განდგომილები. დი-მიტრი დააბრმავა და გამოასაჭრისა, ესე იგი ისე დაა-მახინჯა, რომ შვილი ალარ ეყოლებოდა. ორბელიანებს კი ზოგს სიკვდილი მიუსაჯა, ზოგს დაბრმავება და ზოგს განდევნა საქართველოთგან. მათი მამული კი დაურიგა თავის ერთგულს დიდებულებს. მამულის წართმევითვე დასაჯა ორბელიანთაგან დამოკიდებული აზნაურები და სხვა მათი მომხრე დიდებულები.

14. **საეპლესიო პრეზიდენტი.—1178** წ. გიორგი მეფემ მოიწვია საეკლესიო კრება, რომელმაც იქონია მსჯე-ლობა ეკლესის სხვა და სხვა საჭიროების შესახებ და მოახსენა მეფეს თავის განაჩენი შესასრულებლად.

15. **თავარის დანიშვნა ტახტის მემკიდრეობა.—** დიმიტრი, როგორც ვთქვით ითვლებოდა გიორგის მემ-

კვიდრედ, მაგრამ მის გამოსაჭრისების და დაბრმავების-შემდეგ მისი გამეფება აღარ შეიძლებოდა. გიორგი მეფეს ახლა საზრუნავი გაუხდა, თუ ვინ უნდა ყოფილიყო მის შემდეგ მეფედ. მახლობელი ნათესავი აღარავინ ჰყავდა, რომ იმისთვის გადაეცა მემკვიდრეობა. ამ ზრუნვა-ში გიორგის აზრათ მოუვიდა თავის ქალის **თამარის** გამეფება. მართალია, ქალი მანამდე არ ყოფილიყო საქართველოში მეფედ, მაგრამ გიორგის საღს ჭკუას არ ეუცხოვა ის აზრი, რომ ჭკვიანს ქალს შეეძლო ისეთივე მეფობა გაეწია, როგორც ვაჟს. თავის ქალის სიჭკვიანე კი მისთვის ცხადი იყო. ქალის გამეფების აზრი და მეტადრე თამარისა არ ეუცხოვათ არც მეფის მრჩეველს დიდებულებს. თამარის გამეფების უზრუნველ-საყოფეულად გიორგი მეფემ მოინდომა მის გამეფება თავის სიცოცხლეშივე. 1178 წ. მიიწვია ნაწარმაგევში (გორის ახლო) კათოლიკოზი, ეპისკოპოზები, დიდებულები და ჯარი, მათ წინაშე დიდის ამბით გამოაცხადა თამარი მეფედ და დააგვირგვინა.

16. შინაურის გვარის გვარის დამართვა.—

ორბელიანთ განდგომილებაში მონაწილე აზნაურთ და დიდებულთ დასჯას მამულების წართმევით ერთი სამწუხარო შედეგი მოჰყვა. უშრომელად ცხოვრებას მიჩვეულს აზნაურებს უმამულოდ დატოვების გამო მეტად გაუძნელდათ ცხოვრება და ამიტომ მიმართეს იარაღით საზრდოს მოპოვებას, ე. ი. დაიწყეს მცარცველობა. ქვეყანა მეტად შეწუხდა გამბედავის ყაჩაღების ცარცვისაგან და დაიწყეს მეფესთან ჩივილი და შემწეობის თხოვნა. ამ ცარცვა-ყაჩაღობის მოსასპობად გიორგი მეფემ შეადგინა 1180 წ. ჯარის რაზმები და უბრძანა, მოეარნათ ყველა კუთხეები, საღაც ავაზაკობა ხდებოდა,

დაეჭირათ ყაჩალები და შემდეგ ჩამოერჩიოთ იმ ნივთები-თურთ, რომელნიც მათ ამოაჩნდებოდათ ნაცარცვი. მე-ფის ბრძანება სავსებით შესრულებული იქნა და ამგვა-რის ღონისძიებით მალე მოისპო ყაჩალობა.

უკანასკნელი წლები გიორგი მეფემ მშვიდობიანად გაატარა და გადაიცვალა 1184 წელს.

XI

თამარ მეფე.

შეზობლების ასევა თამარის გამეფების გამო.—დიდებულთა არე-ულობა.—თამარის დაქორწინება გიორგი რუსზე.—გიორგი რუსის სიავე და მისი განდევნა.— თამარის მეორედ დაქორწინება.—ამბოხება დავით სოსლანის წინაამდეგ.—დავით სოსლანის პირველი ლაშქრობანი.—გიორგი რუსის შემოსევა კახეთს.—შავქორის ომი.—საქართველოს საზღვრების გა-ფართვება.—ბოლოსტრიყის ომი.—ტრაპიზონის იმპერიის დარსება.—დავით სოსლანის სიკვდილი.—არაგებილის სულთნის თავდასხმა ანზე და არდებილის იკლება ქართველთაგან.—ლაშქრობა სპარსეთში.—ქვეყნის სიმდიდრე და კულტურული განვითარება.—თამარ ვეფის პირადი ღირსებანი.

1. მეზობლების ასევა თამარის გამეფების
გამო.—თამარის გამეფებამ ფრთები შეასხა და იმედი
მისცა ერთის მხრით გარეშე მტრებს, მეორე მხრით შინა-
ურის წესებით უკმაყოფილოებს. გაიგეს თუ არა ქალის
გამეფება საქართველოში, მტრებმა იწყეს მოურიდებლად
შემოსევა სხვა-და-სხვა მხრითგან. მაგრამ ქართველებმა
ყველგან შესაფერი პასუხი გასცეს მათ და დაარწმუნეს
ისინი, რომ ქალის გამეფებას არათერი ცვლილება არ

მოჰყოლია იმ წესებში, რომლებიც შემოღებული პქნ-დათ წინანდელს მეფეებს საზღვრების დასაცველად.

2. დიდებულთა არაულობა.—უფრო საშიში იყო შინაური განხეთქილება, რომელმაც იჩინა თავი თამარის მეფობის პირველსავე წელს დიდებულთა შორის. დიდებულთა ერთმა ნაწილმა გამოაცხადა, აღარ დავემორჩილებით ზოგიერთს ძველს ხელისუფლებს, ისინი უნდა გამოცვლილ იქმნენ და ახლები დაინიშნენ ჩვენის არჩევითამ. ეს უკმაყოფილო დიდებულები იყვნენ დიდის გვარის შვილები და არ მოსწონდათ ის, რომ უმაღლესი სახელმწიფო თანამდებობანი ეჭირათ უგვარო პირებს. მათს უკმაყოფილებას, მართლა, პქნდა ზოგიერთი საფუძველი, რადგან იყო მაგალითები იმისი, რომ ზოგს დიდი თანამდებობა ებარა, თუმცა შრომა აღარ შეეძლო, როგორც მაგალითად ყუბასარს, რომელსაც ეჭირა ამირ-სპასალრისა და მანდატურთ-უხუცესის თანამდებობანი, იმ დროს როცა ფილენჯის გამო აღარ უგვარგოდა არც ენა, არც ხელ-ფეხი; ზოგი ულირსად იყო ამაღლებული უმაღლესს ხარისხამდე მეფის პირადის წყალობით, როგორც, მაგალითად, მსახურთუხუცესი აფრიდონი. ხსენებულმა დიდებულებმა და მათ ჩაგონებით ჯარმაც მოითხოვეს ამ ორის ხელისუფლის დამხობა და გადაყენება სამსახურითვან. თამარმა შეიწყნარა ეს მოთხოვნილება და ჩამოართვა ერთ-საც და მეორესაც თანამდებობა. ამ გარემოებამ გამოიწვია დიდებულთა შორის დიდი ქიში ადგილების დაჭრის გამო და გაიმართა გაუთავებელი ინტრიგა.

ამ ქიშის დროს თავი იჩინა მექურჭლეო-უხუცესმა უუთლუ-არსლანმა. მართალია, ეს ხელისუფალი დიდის გვარის ჩამომავალი არ იყო, მაგრამ ამაღლების სურვილი დიდი პქნდა. მან შეადგინა დიდებულთაგან

პარტია, მიიმხრო ლაშქარი და მოითხოვა, რომ თამარ მეფეს დაეთხოვნა სამსახურითგან ან გაეწესებინა მოხელეებად ისინი, რომელთაც დიდებულთა კრებული აღნიშნავდა. თვითონ ყუთლუ-არსლანმა მოინდომა თავისთვის ამირ-სპასალარის ადგილი. თამარ მეფეს მეტად უცხოდ ეჩვენა ყუთლუ-არსლანის საქციელი და დანარჩენთ დიდებულთა რჩევით დააჭირინა იგი. მისმა მომხრე დიდებულებმა და ლაშქარმა მოინდომეს ძალით გაეთავისუფლებინათ ყუთლუ-არსლანი და კედევაც აიღეს ხელში იარაღი; მაგრამ მათ დასაწყნარებლად თამარმა მიმართა მშვიდობიანს გზას — სიტყვიერს ჩაგონებას, რაიცა მიანდო ორს პატივცემულს მანდილოსანს — ხვაშაქ ცოქელს და კარავ ჯაყელს. იმათ პირით მეფე დაპირდა აჯანყებულებს სრულს პატივებასა, თუ დაწყნარდებოდენ. გასჭრა მანდილოსნების მოლაპარაკებამ და დიდებულები მივიღნენ თამართან პატივების სათხოვნელად.

დიდებულთა საერთო მოთხოვნილების დასაკმაყოფილებლად თამარმა გამოაცხადა, რომ ხელისუფალთა დანიშვნას ისე, როგორც ყოვლისავე სახელმწიფო საქმის გარდაწყვეტას, თვითონ-კი არ იკისრებდა მარტოდ-მარტო, არამედ ყველაფერში დაეკითხებოდა მთელის სახელმწიფოს დიდებულთა კრებულს. ამნაირად თამარ მეფემ უარ-ჰყო თვითმპყრობელობა, რომელსაც იცავდენ და ესწრა-ფოდნენ მისი წინაპრები და თავისი უფლება განსაზღვრა დიდებულთა კრებულით. ამ წესის მიხედვით, დიდებულთა კრებულმა აარჩია ახალი ხელისუფალნი. რომელნიც მინისტრების თანამდებობას ასრულებდნენ: მწიგნობართ-უხუცესად და კუონდიდლად ანტონ გელოვანი, ამირ-სპასალარად სარგის მხარგდელი, განდატურთუხუცესად ჭიაბერი, მსახურთ-უხუცესად ვარდან დადია-

ნი, მეცურქლეთ-უხუცესად კახაბერ ვარდანიძე, ჩუნჩე-რახად მარუშიანი, ამილახორად გამრეკელ თორეგლი. ამ ხელისუფლების საშუალებით თამარი ასრულებდა ყო-ველს სახელმწიფო საქმეს. ისინი, როგორც დიდებულე-ბი, პონაწილეობას იღებდნენ დიდებულთა ბჭობაში. დი-დებულთა კრებული ერთის მხრით იხილავდა და იწონ-ებდა მეფის წინადადებას, მეორე მხრით თავის საკუთარს აზრს უდგენდა მეფეს შესასრულებლად.

3. თამარის დაპორტინება გიორგი რუსზე. —

ამ ცვლილების მოხდენის შემდეგ დიდებულთა კრე-ბულმა პირველ საზრუნავს საგნად გაიხადა თამარისთვის საქმროს მოძებნა და მისი დაქორწინება. საქართველოს სამეფო გვარში აღარავინ იყო ისეთი, რომ ტახტის მე-მკვიდრის უფლება ჰქონდა. ამიტომ საჭირო იყო თამა-რის მალე გათხოვება, რომ მემკვიდრე გასჩენდა. ბე-ვრი იფიქრეს დიდებულებმა, აიღ-დაიღეს და ბოლოს საუკეთესო საქმროდ თამარისთვის რუსის დიდის მთა-ვრის ანდრიას შვილი გიორგი სცნეს. იმ დროს გიო-რგი ყივჩაყეთში ცხოვრობდა, რადგანაც განდევნილი იყო რუსეთითვან მის ბიძის კავკასიონის მიერ. გარეგნო-ბით ძალიან მოეწონათ დიდებულებს გიორგი რუსი და წინადადება მისცეს თამარს, იგი შეერთო ქმრად. თამარი არ დაკმაყოფილდა საქმროს მოსაწონის გარეგნობით და სთხოვა დიდებულებს, დაეცადნათ იმ დრომდე, ვიდრე კარგად გაიცნობდენ გიორგი რუსის ხასიათს და ზნე-ობასა. დიდებულებმა შეუძლებელად სცნეს დაცდა და სთხოვეს თამარს, დაუყოვნებლად დაეწერა ჯვარი. ამა-სვე ურჩევდა თამარს მისი მამიდა რუსუდანი. თამარი იძულებული შეიქმნა მისთხოვებოდა გიორგი რუსს თა-ვის სურვილის წინაამდეგ (1185 წ.).

4. გიორგის რუსის სიახლე და მისი გადავაცნა.

— გიორგი რუსი ვერ გამოდგა რიგიანი კაცი. მართალია, მამაცი იყო და კარგი მხედართ-მთავარი, მაგრამ მასთან ლოთი და უზნეოც. ბევრს ეცადა თამარი მოქმლევინებინა გიორგი რუსისთვის ცუდი ქცევა, მაგრამ ვერას გახდა. ამიტომ სრულებით ხელი აიღო ბოლოს და აღარ იკარებდა. ამ ყოფაში გაატარა თამარმა ორწელიწად-ნახევარი. ნახეს დიდებულებმა, რომ მათი გარიგებული საქმე ცუდად გათავდა, ძალად შერთული ქმარი არ გამოდგა სასურველი თამარისათვის და მემკვიდრე, რომლისთვისაც ისე დაუინებით მოინდომეს თამარის ქორწინება, არ გაუჩნდათ. ამიტომ დაადგინეს თამარი გიორგის განშორებოდა. გიორგი რუსი საქართველოთვან კონსტანტინოპოლს გაისტუმრეს (1188 წ.).

5. თამარის გეორგის და გიორგის გადაცვა.

— ახლა მეორე საქმროს ძებნას შეუდგნენ დიდებულები თამარისათვის. თამარის ხელის მაძიებელნი ბევრნი იყვნენ როგორც ქართველთა შორის, ისე უცხო ხელმწიფეთა შორის. ამ ჯერობაზე დიდებულები აღარ მოიქცნენ ისე თავნებად, როგორც პირველად: თამარის საქმროდ იმისთანა კაცის ძებნა დაიწყეს, რომ თვით თამარისათვისაც მოსაწონი ყოფილიყო. ასეთს საქმროდ სცნეს ოსეთის მთავრის შვილი დავით სოსლანი, რომელიც როგორც ბაგრატიონთა გვარის შვილი და შორეული ნათესავი, შვილობილად ჰყავდა გაზრდილი თამარის მამიდას რუსუდანს თვითონ თამართან ერთად. დიდებულთა ასეთი არჩევა, როგორც თავის გულის წადილის შესაფერი, მიიღო თამარმა და ჯვარიც დაიწერა დავით სოსლანზე დ (1189 წ.).

6. ავგოსტის დაცი სოსლანის წინააღმდეგ.

დავით სოსლანმა რაღაცა ჯერ კიდევ გამოურკვეველის

მიზეზით ვერ დააკმაყოფილა დიდებულთა ერთი ნაწილი. უკმაყოფილო დიდებულებმა მოახდინეს შეთქმულობა, რომ გიორგი რუსი დაებრუნებინათ საქართველოში, როგორც თამარის კანონიერი ქმარი, და დავით სოსლანი თამარისაგან განეშორებინათ. მათის ჩიგონებით გიორგი რუსი საქართველოში შემოვიდა. სამცხის ერისთავი გუზან აბულასანიძე საზღვარზედ მიეგება და გადაიყვანა იმერეთში. მთელის იმიერ-საქართველოს ერისთავები შეიკრიბნენ თავიანთის ლაშქრით გეგუთში. აქ მათ გიორგი რუსი გამოაცხადეს თამარის კანონიერს ქმრად და დაადგინეს ძალით გაემეფებინათ. განდგომილთა ჯარი ორს ნაწილად გაიყო. ერთი ნაწილი თვით გიორგი რუსის წინამძლოლობით გადმოვიდა ქართლში, მეორე ვარდან დადიანის წინამძლოლობით სამცხეში. ორივე ნაწილი ერთს დროს უნდა მოსდგომოდა ტფილის. გიორგი რუსი თავისის ჯარით მოვიდა გორამდის და იქ დაბანაკდა. აქედან შეუთვალი ქართლისა და კახეთის დიდებულებს, რომ მიმხრობოდნენ მას. ვარდან დადიანს განზრახვა ჰქონდა გაევლო სამცხე, მიემხრო ჯავახეთი და სომხეთი და შემდეგ თრიალეთის მხრით დასცემოდა ტფილის.

თამარ მეფემ თავის ერთგულის დიდებულების რჩევით ვარდან დადიანის ჯარის წინაამდევ სამცხეში გაგზავნა ჯარი ამირ-სპასალარის გამრეკელის წინამძლოლობით. მოხდა ბრძოლა განდგომილებსა და თამარის ჯარს შორის ნიალის ველზედ, სადაც განდგომილები დამარცხდნენ. ეს ამბავი რომ გაიგო გორში გიორგი რუსმა, მაშინვე უკან გაბრუნდა; ასე რომ მის წინაამდევ ჯარით წასულს დავით სოსლანს ქართლში აღრავინ დახვდა განდგომილთაგანი.

ამგვარად დამარცხების შემდეგ განდგომილმა დი-

დებულებმა შეინანიეს თავიანთი საქციელი და მიმართეს თამარს თხოვნით, რომ ეპატივებინა. სვანეთის დიდებულებმა-კი თვითონ გიორგი რუსი მიჰვარეს თამარს შეპყრობილი. თამარ მეფემ შეიწყალა ყველანი. გიორგი რუსი ხელმეორედ გაისტუმრეს საბერძნეთს (1190 წ.). დიდებულების განდგომილებას შედევგად მოჰყვა ის, რომ მეფეს დაუბრუნდა უფლება თვისის ნებით დაეჯილდოვებინა ერთგული დიდებულები. თამარმა გამარჯვების შემდეგ დააწინაურა და დაასაჩუქრა დიდებულთა კრებულის დაუკითხავად ის დიდებულები, რომელთაც მონაწილეობა მიიღეს განდგომილთა წინაამდევ ბრძოლაში.

7. დავით სოსლანის პირველი ლაშქრობანი.—

გაამართლა დავით სოსლანმა იმედი იმ დიდებულებისა, რომელიც თამარის ქმრად ნატრულობდნენ სამხედრო ნიჭის პატრონსა და შენე მეომარსა. დამყარდა თუ არა ქვეყანაში მშვიდობიანობა გიორგი რუსის გადევნის შემდეგ. დავით სოსლანი ლაშქრობას შეუდგა მეზობელს ქვეყნებში. პირველი ლაშქრობა დავითის წინამდლოლობით მოხდა 1192 წ., ტახტის მემკვიდრის გიორგი ლაშას დაბადების მცირე ხნის შემდეგ რანის (განჯის) ქვეყანაში, ქალაქ ბარდავის წინაამდევ. გაიმარჯვეს ქართველებმა. დავით სოსლანმა ახლად დაბადებულის გიორგის სადლეგრძელოდ 30,000 ტყვე გაათავისუფლა. ბარდავითგან დაბრუნებულმა დავითმა გაილაშქრა არზ-რუმზედ, საიდგანაც აგრეთვე ძლევა-შემოსილი დაბრუნდა. როგორც ამ წელს, ისე შემდევს 1193 წელსაც რავდენიმე ლაშქრობა გამოიარეს ქართველებმა და ყველგან გაიმარჯვეს.

8. გიორგი რუსის შვამოსევა კახეთს.—კონსტანტინოპოლითგან გამოძევებული გიორგი რუსი 1194

წელს მოვიდა ადერბეჯანის ათაბაგთან და მფარველობა სთხოვა. ათაბაგმა საცხოვრებლად განჯა მიუჩინა, უქვე-ლია, იმ აზრით, რომ იქითგან ინტრიგები გაემართა თა-მარისა და დავით სოსლანის წინაამდეგ. გიორგი რუსი ინტრიგას არ დასჯერდა და ძალაც იხმარა საქართვე-ლოს წინაამდეგ. შეაგროვა ჯარი და შემოესია კახეთს. მაგრამ კახეთის ერისთავი მარჯვედ დაუხვდა და დამარ-ცხებული განდევნა უკან. ამ წლითან აღარ იხსენიება გიორგი რუსი საქართველოს ისტორიაში.

9. შავშორის ომი.—დიდი ბრძოლა გადაიხადა სა-ქართველომ სპარსელებთან 1195 წ. ამ წელს ადერბე-ჯანის ათაბაგმა ამირ-ბუბაქარმა შეჰყარა დიდალი ჯა-რი და გამოემართა საქართველოს წინაამდეგ. ათაბაგის ძმა ამირ-მირანი ამ დროს საქართველოში იმყოფებოდა და თამარს ევედრებოდა შემწეობას ძმის წინაამდეგ, რომელმაც მას წაართვა მისი სამფლობელო რანი. ქარ-თველებიც ემზადებოდნენ მისთვის შემწეობის აღმოსა-ჩენად. რაკი შეიტყო მთავრობამ, რომ თვითონ ათაბაგი მოდიოდა საქართველოზედ, შეგროვილს ჯარს არ დას-ჯერდა და კიდევ მოიწვია ახალი ლაშქარი მთელის საქართველოთვან. ათის დღის შემდეგ უველაფერი მზად იყო ასამხედრებლად. ჯარს დავით სოსლანი წინამძღო-ლობდა. ქართველები შეხვდნენ სპარსელებს შამქორის ახლოს. გაიმართა მეტად ფიცხელი და გაშმაგებული ბრძოლა ორისავე მხრით. ქართველების გაუტეხავობამ, და მოხერხებულობამ სძლია მძლავრს მტერს და გააქცია. მისი ავლადიდება მთლად ქართველებს დარჩათ. შამქო-რის დაჭერის შემდეგ ქართველები მივიღნენ განჯას. ქალაქის მცხოვრებლები წინ გამოეგებნენ ქართველებს, გამოუკადეს მორჩილება და მშვიდობა სთხოვეს. თამარ-

მა რანის სულთნად დაადგინა ისევ ამირ-მირანი, რომელ-
მაც მორჩილება შეჰვიცა და თავს იდვა ხარკის ძლევა.

10. საქართველოს საზღვრულოს გაფართოება.—

სახელმწიფოს საზღვრების გამაგრების საჭიროება და მე-
ზობელის მძლავრის მტრების—სპარსებისა და თურქე-
ბის ალაგმის სურვილი აიძულებდა საქართველოს მთავ-
რობას საზღვრად მდებარე ქვეყნებისა და ციხეების და-
წერას. ამნაირად დაიჭირეს ქართველებმა შირვანი კას-
პი, ზღვამდე, რანი არეზის ნაპირებამდე და ყარსის ცი-
ხე მისის მიღამოებით. ქართველების ყოველი წინ გადა-
დგმული ნაბიჯი იწვევდა ახალის ნაბიჯის გადადგმას,
რადგან ისეთი ბუნებრივი საზღვარი არ იყო, რომ შე-
ექერებინა ძლევა-მოსილი წინმსვლელობა ქართველები-
სა. ეს გარემოება-კი მეორე მხრით იწვევდა მეზობელს
სახელმწიფოებში შეურიგებელს მტრობას ქართველების
მიმართ და სურვილს სამაგიეროს გადახდისას. ასეთის
მტრობით იყო გამოწვეული, მაგალითად, ამხედრება
იყონისა და მცირე-აზის სულთნის ნუქარდინისა სა-
ქართველოს წინაამდეგ.

11. ბოლოსტიკის ომი.—1202 წ. ნუქარდინ
სულთანმა დიდმალი ჯარი შეაგროვა, მატიანის თქმით
400,000 კაცი, და ამხედრდა საქართველოზედ გამოსა-
ლაშქრებლადა. წინდაწინვე გამოუგზავნა თამარ მეფეს
თავხედი და შეურაცხმულფელი წერილი, რომლითგანაცა
სჩანდა, რომ ნუქარდინს არავითარი ეჭვი არა ჰქონდა
გამარჯვებისა. ნუქარდინი ემუქრებოდა თამარ მეფეს
მთელის საქართველოს შემუსერას, თუ თავისის ნებით
არ დაემორჩილებოდა მას და არ მიიღებდა ისლამს. მი-
იღეს თუ არა წერილი, საქართველოს მთავრობა მაშინ-
ვე მზადებას შეუდგა. დავით სოსლანის წინამძლოლობით

ქართველი ლაშქარი ბასიანისკენ გაემართა ნუქარდინის დასახვედრად. თვით თამარ მეფემ მიაცილა ჯარი ვარძიამდე. გაპარჯვების სრული მოიმედე თურქები ბასიანში დაბანაკებულიყვნენ ბოლოსტიკის მინდორზედ. ქართველები სწრაფად გაშურნენ მათკენ და მოულოდნელად დაესხნენ თავსა. გაიმართა ცხარე ბრძოლა. შეა ბრძოლის დროს ქართველებმა ორის შერით შემოუარეს მტერსა და დაუშინეს მარცხნივაც და მარჯვნივაც. მტრის ჯარი შეირყა და გაიქცა. ქართველები დაედევნენ გაქცეულებსა და ბევრი დახოცეს და დატყვევეს.

12. ტრაპიზონის იმპერიის დაასვება.—ბოლოსტიკის გამარჯვების შემდეგ ქართველების ძალა და სიმაგრე საგრძნობელი შეიქნა ყველა მეზობლებისათვისა და აზრადაც აღარავის მოსდიოდა მის წინაამდევ შებრძოლება. პირ-იქით ყველანი მასთან კარგის განწყობილების დაკრერასა და მის მფარველობის ქვეშ ყოფნასა ცდილობდნენ. საქართველოს მფარველობით ისარგებლა ბიზანტიის იმპერატორის შვილის/შვილმა ალექსი კომნენტისმა: ჯვაროსნებმა რომ ბიზანტია დაიჭირეს და მის ადგილას ლათინთა იმპერია დააარსეს, თამარის ნათესავმა კაზნენოსმა თამარის დახმარებით დაიკირა შავის ზღვის პირად მდებარე ქვეყნები და ქალაქები და დააარსა ტრაპიზონის იმპერია (1204 წ.).

13. დავით სოსლანის ციკედილი.—1207 წ. გარდაიცვალა დავით სოსლანი და დასტოვა ორი შვილი — ვაჟი გიორგი-ლაშა, თხუთმეტის წლისა, და ასული რუსუდანი, თოთხმეტის წლისა. თამარ მეფემ გიორგი ლაშა ამავე წელს აკურთხებინა მეფედ და თანაზიარი გაიხადა სახელმწიფო საქმეებში.

14. რედებილის სულთანის თავდასხმა ანგა და
არდებილის აკლება ჩართველთაგან. — როგორცა
ვთქვით, ქართველთა ძლევამოსილებამ თითქმის ყველა
შეზობელი სახელმწიფოები აიძულა საქართველოსთვის
მოკრძალებით ეცირათ. მაგრამ შეზობლებში იყვნენ ისე-
თებიც, რომლებიც ვერ შერიგებოდნენ საქართველოს
ასეთს ამაღლებასა და სიძულვილით დაბრმავებულნი მზად
იყვნენ ვნება მოეტანათ მისთვის, თუ დრო და შემთხვე-
ვა ხელს შეუწყობდათ. ასეთის გრძნობით აიხსნება არდე-
ბილის სულთანის თავხედი საქციელი. 12·8 წ. ეს სულ-
თანი მოულოდნელად შემოვიდა საქართველოს საზღვ-
რებში, ზედ აღდგომა ღამეს დაეცა ანის ქალაქს, აიღო
იგი, აიკრო და დიდის ალაფით დატვირთული სწრაფად
გაბრუნდა უკან. ადვილი წარმოსადგენია, რა საწყენიც
იქნებოდა ქართველებისათვის არდებილის სულთნის ასე-
თი თავხედობა. მთავრობამ გარდასწყვიტა სამაგიეროს გა-
დახდა. ამირ-სპასალარის ზაქარია მხარგრძელის წინამ-
ძღვლობით ქართველებმა გაილაშქრეს და მოულოდნე-
ლად დაესხნენ არდებილის ქალაქს მუსულმანთა დღე-
საწაულის აიდის წინა ღამეს. არდებილელებს ახლა ისე-
თივე დღე დაადგათ, რაც ანელებს მათგან.

15. ლაშქრობა სპარსეთში — გარდა იმისა, რომ
მტრების დამარცხება და უცხო ქვეყნების დაპყრობა სა-
ჭირო იყო საქართველოს პოლიტიკურის ძლიერების დამ-
ყარებისათვის, სასარგებლოც იყო კერძოდ ლაშქრისა და
მის წინამძღვლთათვის იმითი, რომ ალაფის ნაწილი მა-
თი იყო. რაც უფრო ხშირი იყო ლაშქრობა, მით უუ-
რო ბევრსა შოულობდნენ ძლევა-მოსილი მეომრები და
მათი წინამძღვლები. ამიტომაც გასაკვირველი არ არის,
რომ პირადის ინტერესებით აღძრული და თავის ძალ-

ლონის მოიმედე ლაშქარი ნატრობდა და თხოულობდა ლაშქრობას მაშინაც-კი, როცა ეს საჭირო არ იყო თვით ქვეყნის პოლიტიკურის ძლიერებისათვის. ასე მოხდა 1210 წელს, როდსაც ჯარის წინამძღოლებმა სთხოვეს თამარ მეფეს, ნება მიეცათ გაელაშქრათ მთელს სპარსეთზედ. მართალია, ამ ლაშქრობის საჭიროებას სახელმწიფოს გაძლიერებით ასაბუთებდნენ: განიცდიან სპარსელები და შეიგნებენ, რა ძალა აქვთ ქართველებსაო, მაგრამ უფრო ნამდვილი მიზეზი ალაფის შოვნის სურვილი იყო. თამარ მეფემ ჯარის წინამძღოლთა თხოვნის განხილვა დიდებულთა კრებას მიანდო. ყველამ მოიწონა სპარსეთში გალაშქრების განზრახვა და დაადგინეს კიდევ შეესრულებინათ. ზაქარია ამირ-სპასალარის მხარებრძელის წინამძღოლობით ქართველთა დიდი ჯარი სპარსეთში შევიდა და მთლიად გაიარა ეს ქვეყანა იმ გზით, რომელზედაც მდებარეობენ ქალაქები: მარანდი, თავრიზი, ჭიათურა, ზანგანი, ყაზმინი, რომგვარი და გურგანი. ამ ქალაქებმა ზოგმა უომრად, ზოგმა წინაამდეგობის გაწევის შემდეგ მორჩილება გამოუცხადეს და მისცეს ხარკი ქართველებს. ჯარს უფრო შორს უნდოდა წასკლა, მაგრამ რადგანაც დიდი ალაფი იშოვა, მეტად ძნელი იყო მისი თან ტარება, ამიტომ უკან გამობრუნდა. გურგანით-გან ქართველები დაუბრკოლებლად დაბრუნდნენ საქართველოში იმავე გზით, რომლითაც გაიარეს. ეჭვი არ არის, ეს ლაშქრობა მჭევრმეტყველურად ლალადებს, თუ რავდენად ძლიერი იყო თამარ მეფის დროინდელი საქართველო პოლიტიკურად.

16 ქვეყნის სიმღიდე და კულტურული განვითარება.—პოლიტიკურმა ძლიერებამ და ხალხში დატრიალებულმა სიმდიდრემ კულტურულად ააღმოჩინა

საქართველო. აჰეთვავდა ვაჭრობა, მეურნეობა, ხელოსნობა. გამდიდრებული სახელმწიფო ხაზინა სიმდიდრეს გზებისა და ხიდების აშენებაზედ, არხებისა და რუების გაყვანაზედ, საყდარ-მონასტრებისა და ციხე-სიმაგრეების აგებაზედ, სასწავლებლების გამართვაზედ, საავაღმყოფოებისა და სამადლო სახლების დაარსებაზედ ხმარობდა. ქართულმა ლიტერატურამაც უმაღლესს ხარისხამდე მიაღწია. საუკეთესო წარმომადგენელი ძველის საერო მწერლობისა უკვდავი შოთა რუსათაველიც სწორედ ამ დროსა .ცხოვრობდა. მას მხარს უმშვენებდნენ ჩახრუხაძე და სარგის თმოვველი.

17. თამარ მეფის პირადი ღირსება. — 1213 წ.

გარდაიცვალა თამარ მეფე, რომლის ხსოვნაც დღესაც უკვდავია ქართველს ერში, არა მარტო იმიტომ, რომ მის მეფობაში გაძლიერდა საქართველო, არამედ იმიტომაც, რომ პირადად კეთილი და სათნოიანი აღამიანი იყო. მის კეთილს გულს ხალხი უსაზღვროდ უყვარდა და არაფერი შურდა ლარიბ-ლატაკთა და ობოლთა ბედის შესამსუბუქებლად, მთელს თავის სიმდიდრეს თამარი ქველმოქმედებასა და საქვეყნო საქმეებს ახმარებდა, თვითონკი ცხოვრობდა უბრალოდ და ქრისტიანულად. მის უმანკო გულს არ უდგებოდა არავითარი გავლენა ინტრიგისა, მლიქვნელობისა და პირალობისა. სახელმწიფო საქმეებში იგი ხელმძღვანელობდა მხოლოდ ქვეყნის სარგებლობითა და სურვილით. ამ ლირსებათათვის საქართველოს ეკლესიამ თამარი ნეტართა შორის ჩარიცხა და მის ხსოვნის დღედ 1 მაისი დაადგინა.

XII

საქართველო თამარ მეფის შეიღების დროს.

გიორგი ლაშას პირადი თვისებანი.—განჯის გადგომა და დაწყნარება.—საქართველოს სიძლიერე.—თათრების გამოჩენა.—თათრების შემოსუევა საქართველოში და მათი განდევნა.—გიორგი ლაშას სიკედილი და ოუსუდანის გამეფება.—ჯალალ-ედინი და პირველი ბრძოლა მასთან.—ჯალალ-ედინის წინადადება რტუსუდანის შერთვის შესახებ.—ჯალალ-ედინი საქართველოში.—რტუსუდანის მეცადინება თავის შეიღლის გამეფების ათვის.—ამიერ-საქართველოს დაცერა თათრებისაგან.—რტუსუდანის მიმართვა პაპისადმი შემწეობისათვის და შეიღლის გაგზავნა თათრების ყაენთან მეფედ დასამტკიცებლად.

1. გიორგი ლაშას პირადი თვისებანი.—თამარის შემდეგ საქართველოში გამეფდა მისი ერთად-ერთი ვაჟი გიორგი ლაშა (1213 წ.). ბუნებით გიორგი იყო გონიერი და მამაცი, მაგრამ ცულის აღზრდის გამო იმას ჰქონდა შეთვისებული ბევრი ცული ნაკლულევანება. იყო მეტად უზრუნველი, თავნება და გართობისა და ქეიფის მოყვარული.

2. განჯის გადგომა და დაწყნარება.—მეფის გამოცვლით მოინდომეს ესარგებლათ განჯელებმა, რომლებიც თვით თამარის მეფობაშიაც კი მზად იყვნენ მუდამ თავი დაეხტიათ საქართველოსაგან დამოკიდებულებისათვის. 1214 წ. განჯელებმა არ გაუგზავნეს გიორგი ლაშას დაწესებული გადასახადი. მთავრობამ განჯის მოსამორჩილებლად გადაწყვიტა გალაშქრება. ამ ლაშქრობაში მიიღო მონაშილეობა თვით გიორგი ლაშამაც. ქართველი ჯარი მიადგა განჯის ქალაქს და ალყა შემოარტყა. ქალაქის გარემოცვამ დიდხანს გასტანა. განჯელები ძალიან გამაგრებულიყვნენ და მხნედ უხვდებოდნენ ქართველებს ქალაქის ხან ერთს, ხან მეორე კართან. ერთს დღეს გიორგი ლაშამ ოთხი-ათასის კაცის ამარად

შემოუარა ქალაქს დასაზვერავად. განჯელებმა შენიშნეს მეფე მცირე ჯარით, გააღეს კარი და შეებნენ გრატი ლაშას. თუმცა განჯელების რიცხვი ათი-ათასამდე იყო, ქართველები მაინც მარჯვედ შეებრძოლნენ. დამარცხებულმა განჯელებმა თავი შეაფარეს ქალაქის გალავანს. ამისთანა გაბედულის და საშიშის შეტაკებისათვის დიდებულებმა საყვედური გამოუცხადეს გიორგი ლაშას. ახალგაზდა მეფე იძულებული იყო თავისი ბრალი აღეარებინა და პოდიში მოეხადნა დიდებულების წინაშე. გიორგი ლაშას თავხედურს საქციელს ის კარგი შედეგი მოჰყვა, რომ განჯელებმა დაპარგეს გამაგრების ყოველი იმედი და პატარა ხანს უკან შემოუთვალეს ქართველებს, რომ მიეღოთ შეწერილი გადასახადი და სხვა ძლვენი. განჯელების ამ დამარცხებამ გაუმაგრა ყველას რწმენა, რომ საქართველოს სამხედრო ძალა ისეთივე უძლეველი იყო, როგორც თამარის დროს. ამ რწმენის არსებობის დასამტკიცებლად ჩვენ მოვიყვანთ აქ ერთს შემთხვევას, რომელსაც გადმოგვცემს ევროპელი ისტორიკოსისანუტი.

3. საქართველოს სიძლიერე.—1218 წ., როდესაც იერუსალიმის ჯვაროსნები გარს ადგნენ დამიეტის ქალაქს და უნდადათ მისი აღება, დამასკის მფლობელი კორედინი გაემართა თვით იერუსალიმის ასაღებად. გიორგი ლაშამ ამ ამბის გაგებაზე შეუთვალა კორედინს, არ გაებედნა იერუსალიმზე ლაშქრობა. ჯვაროსნებმა დამიეტის აღების შემდევ სთხოვეს გიორგი ლაშას, რომ შემწეობა აღმოეჩინა მათვის თვით დამასკის ან რომლისამე სხვა ქალაქის დაპყრობით. გიორგი მეფე ჯვაროსნების თხოვნისამებრ კიდეც ემზადებოდა მათ საშველად, მაგრამ თავის განზრახვის შესრულება ვეღარ მოასწრო, რადგან საქართველოს მოულოდნელად გამოუჩნდა ახალი მტერი, რო-

მელმაც ქართველებს აფიქრებინა უფრო თავიანთ თავის დაცვაზე, ვიდრე სხვების მიშველებაზე.

4. **თათრების გამოჩენა.**—თამარ მეფის უკანა-სკნელს წლებში საქართველოს აღმოსავლეთით, თეთრის ზღვის გაღმა, მოხდა დიდი ამბავი, რომელსაც თან მოჰყვა უდიდესი შედეგი მთელის აზიისთვის, ნახევარ-ევროპისთვის და კერძოდ საქართველოსთვის. ეს ამბავი არის თათართა წვრილ-წვრილის ტომების შეერთება და და-არსება ჩინგიზ-ყაენის მიერ უძლიერესის სახელმწიფოსი (1202 წ.).

თათართა სხვადასხვა ტომების ერთს სახელმწიფოდ შეერთების შემდეგ ჩინგიზ-ყაენმა იწყო სხვადასხვა ქვეყნების დაპყრობა. პირველად დაიპყრო ჩრდილოეთი ჩინეთი, შემდეგ გამობრუნდა ირანისაკენ. 1220 წ.. ჩინგიზ-ყაენმა საშინლად დაამარცხა ხვარაზმის მამაცი სულთანი ჯალალ-ედინი და შეუსია ჯარი მთელს სპარსეთს. თათრების ჯარმა გამოიარა მთელი ირანი და მოადგა ჩვენის ქვეყნის საზღვრებსაც იმავე წლის გა-სულს. თათრების ქვეყანა ისე შორს იყო და ისე სწრა-ფად მოხდა მათი გაძლიერება, რომ ქართველებიც ვერ მოასწრეს თავის დროზე ამის შეტყობა, ამიტომ თათრების გამოჩენა საქართველოს საზღვრებზე მოულოდნე-ლი იყო.

1220 წლის გასულს თათრები მუდანის მინდვრებში დაბანაკდნენ ზამთრის გასატარებლად და აქედგან შემოუსიეს საქართველოს 20,000 კაცი. რაოდენად უცნობნი იყვნენ თათრები ქართველებისთვის იქითგან ჩანს, რომ სარწმუნოებით წარმართი თათრები მათ ქრისტიანებად მიაჩნდათ. ამ ცრუ წარმოდგენისა გამო, საქართველოში შემოსეულს თათრებს ბევრგან ხალხი

მიეგება წინ შემოსილის მღვდლების წინამძღოლობით ჯვრებითა და ხატებითურთ. საქართველოს მთავრობა სრულებით არ ელოდა თათრების ასეთს შემოსევას და ამიტომ ვერავითარი წინაამდევობა გაუწია. თათრებმა აკლეს საზღვრების ახლო მდებარე ადგილები და გაბრუნდენ უკანვე მულანს.

5. თათრების შემოსევა საქართველოში და მათი განვითარება.—თათრების გამოჩენამ ჩააფიქრა გიორგი ლაშა და მისი მთავრობა. ახლა იმათ დაინახეს, რომ ახალი მტერი არ ჰგავდა საქართველოს ძველს და კარგად ცნობილს მტრებს. ცხადი იყო, რომ ეს ახლად გამოჩენილი ხალხი მეტად მამაცი და მხნე მეომრები იყვნენ, მათი ომიანობის წესი და ხერხი სულ სხვა იყო. ამიტომ ქართველები შეუდგნენ მზადებას თათრების საკვლავოდ დასახვედრად. გიორგი მეფემ გამართა მოლაპარაკება მეზობელს სახელმწიფოებთან, რომ შეერთებულიყვნენ საერთო მტრის მოსაგერებლად. ადირბეჭანის ათაბაგმა უზბექმა და ქელათის მეფემ მელიქ-აშრაფმა მიიღეს გიორგი ლაშას წინადადება და დაპირდენ მასთან შეერთებას მომავალს გაზაფხულზე თათრებთან შესაბრძოლებლად, რადგან ეგონათ, რომ თათრები ზამთარში არ ილაშქრებდნენ. მაგრამ მოკავშირეებს იმედი არ გაუმართლდათ. 1221 წლის იანვარში თათრები შემოვიდენ მულანითგან საქართველოს არე-მარეში და დაიწყეს აკლება-აოხრება.

გიორგი ლაშამ ამ გზობით თათრების წინაამდევგ გაგზავნა კარგა დიდი ჯარი—60 თუ 80 ათასი კაცი-უეჭველია, თათართა რიცხვი უფრო მეტი უნდა ყოფილიყო. თათრებმა ქართველები დაამარცხეს ბერდუჯის ნაპირას და სდიეს სამშვილდემდე. ამ დამარცხების შემ-

დეგ საქართველოს მთავრობა ხელახლა შეუდგა მზადებას და ახალის ჯარის შეგროვებას თათრების გასაღევნად. თათრებმა კი უფრო წინ წამოიწიეს, ტფილისამდე მოვიდენ და იწყეს მიღამოების აკლება-აოხრება. ქართველებს ახლა შესწავლილი ჰქონდათ თათრების ომიანობის წესი და ხერხი და ამიტომ ახლა უფრო მარჯვედ იგერებდნენ მათ და კიდევ ამარცხებდნენ. თათრებმა დაინახეს, რომ ქართველების დამორჩილება ძნელი ცყო, რომ მათ ჰქონდათ საქმე მამაცს და მარჯვე ხალხთან. ამიტომ ანებეს თავი საქართველოს და გავიდენ მის სამზღვრებითგან (1221 წ. მარტში). მართალია, დიდი ზიანი მოუტანეს საქართველოს თათრებმა, მაგრამ არც მათ დაუჯდათ იაფად თავიანთ შემოსევა. ქართველებმა დახოცეს 25,000-ამდე თათარი და ბევრიც ტყვედ ჩაიგდეს. საქართველოთგან გასვლის შემდეგ თათრები გაემართნენ შირვანისკენ და იქითგან გადავიდნენ კავკასიის იქით—ყივჩაყეთში.

ამნაირად გაიარა თათართა შემოსევამ და საქართველო ისევ ძველებურს პირობებში დარჩა. გიორგი ლაშამ ალადგინა თავის სამეფოს ძლიერების სახელი. მეზობელი სახელმწიფოები ისევ უწინდელის მოწიწებით და მოკრძალებით უკქეროდენ საქართველოს.

6. გიორგი ლაშას სიკვდილი და რუსულანის გამოფიბა.—გიორგი ლაშა გადაიცვალა 1223 წ. 18 იანვარს და დატოვა ერთად-ერთი შვილი, ჯერ კიდევ სრულებით ყმაწვილი დავით. სამეფო ტახტი ანდერძით დატოვა თავის დას რესულანს იმ პირობით, რომ შემდეგ მეფობა გადაეცა მის შვილის დავითისათვის, როდესაც იგი მოიწიფებოდა.

რუსულანიც თავის ზნეობით ისევ დაბლა იდგა,

როგორც მისი ძმა გიორგი ლაშა. მეტად ამპარტავანი და ვნებათა ამყოლი, არ ერიდებოდა არავითარს საშუალებას, ოღონდ კი დაეკმაყოფილებინა თავის პირადი ინტერესი და სიამოვნების უინი.

პირველს ორს წელიწადს რუსუდანმა იმეთა შშვილობიანად. საქართველო სავსებით სარგებლობდა იმ ძლიერებით, რომელიც შეძენილი ჰქონდა მას წინა დროებში. თათრების შემოსევამ გიორგი ლაშას დროს გრიგალივით გაიარა და ყველას ეგონა, რომ აღარავითარი საშიშროება მოელოდა საქართველოს. რუსუდან და მისი მთავრობა ახლა იმის ფიქრს შეუდგენ, რომ გაეხორციელებინათ გიორგი ლაშას განძრახვა ჯვაროსნულის ლაშქრობის გამართვის შესახებ პალესტინის დასახსნელად. ამის შესახებ რუსუდანმა მისწერა კიდეც წერილი პაპს ჰონორიოს და ეკითხებოდა, როდის წამოვა სალაშქროდ რმპერატორი ფრიდრიხი, რომ ჩვენც მაშინ გავილაშქროთო. მაგრამ არც რუსუდანს დასცალდა ამ განძრახვის განხორციელება, რადგან საქართველოს ხელისახლა მოევლინა მძლავრი მტერი. ეს იყო ხვარაზმის სულთანი ჯალალ-ედინი.

7. ჯალალ-ედინი და პირველი ბრძოლა გასთან. — თათრებისგან შევიწროებულმა ჯალალ-ედინმა დამორჩილებას თავის ქვეყნის მიტოვება ამჯობინა. იმან გამოუცხადა თავის ქვეშევრდომებს, ვისაც არ გინდათ თათრების მონობა, გამომყეთ დასავლეთისკენ, სხვა ქვეყანა დავიჭიროთ და იქ დავმკვიდრდეთო. ეს წინადაღება ბევრმა მიიღო და აუარებელი მეომარი ცოლშვილით გამოჰყვა მას. ამ ჯარით ჯალალ-ედინი მოვიდა ადირბეჟანს და აქედგან შემოვიდა საქართველოს არე-მარეში (1225 წ.).

ამ ამბის გაგონებაზე ძალიან დაფაცურდნენ ქართველები. რუსუდან მეფემ და მისმა დიდებულებმა გადაწყვიტეს მკაცრი წინაამდეგობა გაეწიათ ხვარაზმელებისათვის. ამირ-სპასალარის და ათაბაგის ივანე მხარგრძელის წინამძღვრობით გაემართა ქართველი ჯარი ჯალალ-ედინისკენ, რომელიც დაბანაკებული იყო გარნიში. აქ მოხდა შეტაკება ქართველებისა და ხვარაზმელებისა. სამწუხაროდ ჯარის წინამძღვრი ივანე მხარგრძელი პირადის მტრობით თავის დროზე არ მიეშველა მოწინავე ჯარს, რომელსაც ხელმძღვანელობდენ მმანი შალვა და ივანე ახალციხელები. ამის გამო მოწინავე ჯარი დამარცხდა და მის შემდეგ სხვა ჯარიც შეშინებული უკან გამობრუნდა. ამ ბრძოლას ის შედეგი მოჰყვა, რომ ხვარაზმელები შეჩერდენ და წინ აღარ წამოუდგამათ ფეხი. ჯალალ-ედინმა თავის სამოქმედო ნიადაგად გახადა აღირბეჭანი და იქითგან ორის წლის განმავლობაში მხოლოდ დასარჩევად თუ გამოგზავნიდა ხოლმე ჯარს საქართველოს სამძღვრებზე.

8. **ჯალალ-ედინის წინადაღება რუსუდანის შერჩვის შესახებ.** — თათრებისაგან გამოქცეულს და აღირბეჭანში დაბინავებულს ჯალალ-ედინს არ შეეძლო თავის თავი უშიშარს მდგომარეობაში წარმოედგინა. ის ხელავდა, რომ თათრების წინმსვლელობას ვერაფერი აკავებდა და რომ მალე მას ახალს ბინაზედაც მოსხებნიდნენ. რომ ზურგი გაემაგრებინა თათრების წინაამდეგ, ჯალალ-ედინმა მოლაპარაკება გამართა საქართველოს ახალს ამირ-სპასალართან ავაგ მხარგრძელთან (ივანეს შეილია) იმის შესახებ, რომ რუსუდანი მისთხოვებოდა მას და შეერთებულის ძალით შებრძოლებოდენ ხვარაზმელები და ქართველები საერთო მტრებს — თათრებს.

ცხადია, ამ საშუალებით ჯალალ-ედინს უნდოდა მშვი-
დობიანად დაეპყრო საქართველო და ბინა მოეკიდნა
თავის ხალხით ჩვენს ქვეყანაში, როგორც ჩვენის მეფის
მეუღლეს. თქმა არ უნდა, ამისთანა წინადაღებას საქარ-
თველოს მთავრობა არ შეიწყნარებდა. რუსუდანისაგან
უარის მიღების შემდეგ ჯალალ-ედინმა დაინახა, რომ
ქართველთაგან ის ვერავითარს დახმარებას მიიღებდა
თათრების წინაამდეგ და ამიტომ გადაწყვიტა საქართვე-
ლოს ძალით დაჭრა და მაში გამაგრება.

9. **ჯალალ-ედინი საქართველოში.**— ჯალალ-
ედინმა დასძრა თავისი ჯარი და გამოემართა ტფილი-
სისაკენ 1227 წ. ამ ამბის გაგონებაზე რუსუდანმა დას-
ტოვა ტფილისი და გაემართა ქუთაისისკენ. ტფილისი
გამაგრეს ქართველებმა და შიგ ჩააყენეს მცველი ჯარი.
ჰერეთვე გაამაგრეს ცველა ციხე-ქალაქები, ხოლო ხალ-
ხი შეეფარა სიმაგრეებს. ტფილისასკენ მომავალი ჯალალ-
ედინი შეუბრალებლად იკლებდა ცველაფერს, რაც გზა-
ში ხვდებოდა. ტფილისთან ფიცხელი წინაამდეგობა
გაუწიეს ქართველებმა ხვარაზმელებს. მაგრამ შინაურმა
გამცემლებმა—ტფილისში მცხოვრებმა სპარსებმა მეორე
დღეს გაუღეს ღალატით ქალაქის კარი ჯალალ-ედინს
და შეუშვეს მისი ჯარი. ქართველი მცველი ჯარი ცხა-
რე ბრძოლის შემდეგ გამაგრდა ივლაბარში. მაგრამ მა-
ლე მას მოუვიდა ქუთაისითვან ბრძანება, რომ მიეტე-
ვებინა ქალაქის ეს ნაწილიც და უკან დაეხია.

გამხეცებული ჯალალ-ედინი მეტად უდიერად მო-
ეკიდა ტფილისის მცხოვრებლებს ქალაქი გააცარცვინა
თავის ჯარს, დააწვევინა სახლები, დაახოცინა აუარებე-
ლი ხალხი და გააუპატიურებინა ქალები. მან არ დაინ-
დო ქართველთა სარწმუნოებრივი გრძნობაც-კი. სიონის

ტაძრის გუმბათი დააქცევინა, მის ადგილას ტახტი და-
ადგმევინა და იმაზედ დამჯდარი სტკბებოდა ქალაქის
აოხრების სურათით. გასცა ბრძანება, რომ ქართველებს,
ვინც ცოცხალი გადარჩა, ერთგულობაზე შეეფაცნათ
მისთვის და მის ნიშნად მიეღოთ მაჰმადიანობა. ვინც
ამას არ შეასრულებდა, ახოცვინებდა. ქართველთა მო-
მეტებულმა ნაწილმა არ შეასრულა ასეთი ბრძანება და
დასდო თავი ეროვნულის და სარწმუნოებრივის თავის-
უფლებისათვის.

ტფილისის აოხრების შემდეგ ჯალალ-ედინშა დაგ-
ზავნა ჯარის რაზმები ჩვენის ქვეყნის სხვადასხვა კუთ-
ხეების მოსარჩევად და ასაკლებად. ხვარაზმელების მის-
ვლას ყოველს სოფელსა და ქალაქში თან მოსდევდა
ცარცვა, სახლების წვა, ხალხის ცემა-ტყეპა და ხოცვა,
ქალების გაუპატიურება და ერთგულობაზე დაფიცება
მაჰმადიანობის მიღებინებით. ასე გააოხრა და დააწიოკა
ჯალალ-ედინმა მთელი აღმოსავლეთი საქართველო: კა-
ხეთი, ქართლი, სომხეთი, ჯავახეთი, სამცხე, ტაო, კარ-
ნითორი და ანის არე-მარე. ამ სიმხეცით ჯალალ-ედინს
უნდოდა დაეშინებინა ქართველობა და საუკუნოდ ხელი
აეღებინებინა თავისუფლებისადმი შისწრაფებაზე.

საქართველოს მთავრობამ, ქუთაისში გახიზნულმა,
ვერა მოახერხა-რა, რომ წინაამდევობა გაეწია ხვარაზ
მელებისათვის აღმოსავლეთ-საქართველოში. მხოლოდ
დასავლეთი საქართველო გაამაგრა და არ უშვებდა იქ
მტერს. ასე გაიარა სამმა წელმა. 1230 წ. ჯალალ-ედინ-
მა შეიტყო, რომ თათრის დიდი ჯარი მოდიოდა დასავ-
ლეთისაკენ. თათრების შესახერებლად ჯალალ-ედინი
გავიდა ტფილისითგან თავის ჯარით და მივიდა ადირ-
ბეჟანის სამდლვრებამდე, საითგანაც შეუთვალა ქელათის

ეფეს და ბალდადის ხალიფას, რომ შეერთებოდენ მა და ერთად დახვედროდენ თათრებს. მათ არ მიიღეს ეს წინადადება და ჯალალ-ედინი ისევ უკან გამობრუნდა.

ჯალალ-ედინის ტფილისითგან გასვლის შემდეგ ქართველებმა შეაგროვეს ჯარი და მოინდომეს ხეარაზ-მელების განდევნა საქართველოთგან. ქართველი ჯარი გორის ახლოს იყო თავმოყრილი, როდესაც გაიგეს ჯალალ-ედინის უკან გამობრუნება. ქართველები გაეშურენ მის შესახვედრად და შეებნენ მას ბოლნისის-ხევში. აქ ხელახლად დამარცხდენ ქართველები და ტფილისში დაბრუნებულმა ჯალალ-ედინმა ხელ-მეორედ ააოხრა აღმოსავლეთი საქართველო.

მაგრამ ჯალალ-ედინი ვერ დატკბა თავის გამარჯებით. მალე საქართველოში შემოვიდენ თათრები. ესენი პირველად მიადგენ განჯას და სამის დღის გარემოცვის შემდეგ აიღეს. აქედგან წამოვიდენ ტფილისისაკენ. ამის შემტკიცებმა ჯალალ-ედინმა მიანება ტფილის თავი და თავის ჯარით გაეშურა მცირე-აზიისაკენ. თათრები უკან გამოედევნენ. მისი ჯარი გაფანტ-გამოფანტეს და თითქმის მარტოდ დარჩენილი ჯალალ-ედინი თავის შეფარებას ქურთისტანის მთებში აპირებდა. ის, უეჭველია, თათრებს ტყვედ ჩაუვარდებოდა, ერთს ქურთს რომ არ მოეკლა ძილის დროს (1230 წ.).

10. რუსულის გეოდინომია თავის შვილის გამეცვალისთვის.—ჯალალ-ედინის გაქცევის შემდეგ რუსულან მეფე ისევ ტფილის დაბრუნდა. თათრები მცირე-აზიაში გაერთნენ ქვეყნების დაპყრობასა და ლაშქრობაში და საქართველო დროებით თავისუფალი შეიქნა მათ შემოსევისაგან. კარზედ მომდგარის მტრის შემოსევის შიშვი მყოფი რუსულანი შეუდგა იმის ზრუნვას,

რომ საქართველოს მეფის ტახტი დაემტკიცებია თავის შვილის დავითისათვის. რუსულანს ქმრად ჰყავდა სელ-ჯუკი მოგითედინი, გაქრისტიანებული, რომელსაც სახელმწიფო საქმეებში არავითარი მნიშვნელობა არა ჰქონდა და რომელიც ძალიან დაბრივებული იყო მის-გან. დავითის გარდა რუსულანს ჰყავდა ქალი, სახელიად თამარი. 1234 წ. რუსულანმა სამეფო გვირგვინი უკურ-თხა თავის მცირე წლოვანს შვილს. მაგრამ ეს არ კმა-როდა მის უზრუნველსაყოფელად. მეფობის უფლება იმაზედ მეტი ჰქონდა გიორგი ლაშას შვილს დავითს. თავის გულითადის სურვილის მისაღწევად რუსულანმა გადაწყვიტა თავის ძმისწულის დაღუპვა. ამ აზრით მან გაუგზავნა იგი თავის ასულის თამარის ქმარს იკონის სულთანს ყიასღინს, რომელსაც სთხოვა თან მისი მოკ-ვლა. როდესაც ყიასღინმა არ შეასრულა მისი მხეცური სურვილი, რუსულანმა გამართა ისეთი ჯოჯოხეთური ინტრიგა ძმისწულის წინააღმდეგ, რომ ყიასღინმა საპყრო-ბილეში ჩააგდებინა იგი.

11. ამიერ-საქართველოს დაჭმრა თათრებისა-გან. — ამ დროს თათრებმა საქართველოსთვისაც მოიცა-ლეს და დაიწყეს შემოსევა ჩვენს ქვეყანაში. გულ-გატე-ხილმა და დაძაბუნებულმა საქართველოს მთავრობამ ვეღარ მოახერხა საქმარისის ჯარის შეგროვება თათრე-ბის მოსაგერებლად. რუსულან მეფემ მიატოვა ტფილისი და გადავიდა ქუთაისს. ამიერ-საქართველოს დიდებულე-ბი თავ-თავიანთ სიმაგრეებში გამაგრდენ. თათრები მიე-სიენ ციხე-ქალაქებს. ვინც თავის ნებით ემორჩილებო-და, ჰპირდებოდენ ხელშეუხებლობას და თავის მამულ-ზედვე დატევებას. ზოგან დაპირებით, ზოგან ძალით თათრებმა რავდენსამე წელიწადში დაიჭირეს მთელი

ამიერ-საქართველო. თათრებმა მოსთხოვეს დამორჩილება რუსულან მეფესაც, მაგრამ ვერ გასკრა მათმა არც მუქარამ და არც დაპირებამ: რუსულანი მტკიცედ იდგა უარზე, იმიერ-საქართველოში გამაგრებული. თათრებმა ვერ მოახერხეს ამ ქვეყნის ძალით დაჭრა. თათრები ქართველებს და რუსულან მეფეს პორჩილების ნიშნად ოჩს რასმე სთხოვდენ: გადასახადს ფულად და ჯარს სალაშეროდ. სხვაფრივ ცხოვრებასა და მართვა-გამგეობაში უტოვებდენ სრულს დამოუკიდებლობას.

12. რუსულანის მიმართება პაპისადმი უვაჯეობისათვის და უვილის გაგზავნა თათრების უამნთან მაჟედ დასამტკიცებლად.—თათრების განდევნის საშუალების ძებნის დროს რუსულან მეფეს აზრად მოუვიდა, შემწეობა ეთხოვნა ევროპიელებისათვის და წერილიც მისწერა ამის შესახებ პაპს გრიგოლ მეცხრეს. პაპმა პასუხად შემოუთვალა 1240 წელს, რომ მას არ შეეძლო არავითარის შემწეობის აღმოჩენა, რადგან თითონაც მეტად გაჭირებულს მდგომარეობაში იყო მუსულმანთა და მწვალებელთაგან.

ევროპელთაგან შემწეობის იმედის დაკარგვის შემდეგ რუსულანმა შეუთვალა თათრებს, რომ იგი დაემორჩილებოდა თათართა მფლობელობას, თუ მის შვილს დავრთს სცნობდენ საქართველოს მეფედ (1241 წ.). თათრებმა უპასუხეს, რომ საქართველოს მეფედ სცნობენ მის შვილს, თუ გაგზავნიდა მათთან. ამ პასუხის მიღების შემდეგ რუსულანი წავიდა ტფილისს და თან წაიყვანა შვილი. ტფილისითაგან დავითი გაგზავნა ბარდავს თათრის ნოინებთან (მთავრებთან) 1242 წ. ნოინებმა დავითი გაისტუმრეს ყაენთან ყარაყორუმში, დავითის ყაენთან გაგზავნის შემდეგ რუსულანს შეეშინდა,

მეც არ შემიპყრან თათრებმაო და ამიტომ მიატოვა კიდევ ტფილისი და გადასახლდა ხელ-ახლად ქუთაისს.

რუსუდანი ვერ მოესწრო თავის შვილის დაბრუნებას ყარაყორუმითგან. იმის მაგიერ, რომ დავითი მალე დაებრუნებინა უკან, ყაენმა დასტოვა თავისთან და არავინ იცოდა, როდის გაისტუმრებდა. ამ ამბავმა ძალიან შეაწუხა რუსუდანი. შვილის დაბრუნების მოლოდინში მწუხარე რუსუდანი ავად გახდა და გადაიცვალა 1245 წ.

XIII

საქართველოს შინაური ცხოვრება შეთორმეცე საუკუნეში.

საქართველოს ძლიერების ხანა და ამ დროს შინაურის ცხოვრების ცელი.—სოციალი წეს-წყობილება.—სამოქალაქო და სამხედრო მართვა-გამგება.—სამღვდელოება და საეკლესიო წეს-წყობილება.—გონების განვითარება.—მონასტრების ღვაწლი.—არაბების და სპარსების განათლების გავლენა.—ეკონომიკური მდგრადირება.

1. საქართველოს ძლიერების ხანა და ამ დროს შინაურის ცხოვრების ცირკულაციის ცვლა.—თათრების შემოსევით გათავდა ის ხანა საქართველოს ისტორიისა, რომელსაც ჰქვიან ძლიერების ხანა. ეს ხანა დაიწყო XI საუკუნის დასაწყისს და გათავდა XIII საუკ. მეორე მეოთხედში. პოლიტიკურის მდკომარეობის ცვლილებასთან იცვალა აგრეთვე შინაურის ცხოვრების წეს-წყობილება, რომელიც მკაფიოდ გამოირკვა XII საუკუნეში. ამიტომ რაც ითქმის მეთორმეტე საუკუნის შესახებ, იგი შეეხება ცოტად თუ ბევრად მთელს ამ ხანას.

2. სოციალი წეს-წყობილება.—საქართველოს სოციალი წეს-წყობილება მეთორმეტე საუკუნეში წარ-

მოადგენს შემდეგს სურათს. მთელის ერის თავში იდგა და ქვეყნის პატრიონი იყო მეფე, რომელიც მართავდა სამეფოს. მას მოსდევდენ აზნაურები, რომელნიც ორს წყებად იყოფებოდნენ: იყვნენ დიდებული აზნაურები, რომელნიც იწოდებოდნენ მოკლედ დიდებულებად, და დაბალი აზნაურები, რომელნიც იწოდებოდნენ პირდაპირ აზნაურებად. დიდებულები მეფის შემდეგ უწარჩინებულესნი პირნი იყვნენ ქვეყანაში, მასთან ერთად იღებდენ მონაწილეობას სამეფოს საქმეთა მართვაში, მასთან ერთად ზრუნავდენ ქვეყნის სიკეთისათვის და ასრულებდენ უმაღლესის ხელისუფლების და ერისოვების თანამდებობას. აზნაურები პირდაპირ მონაწილეობას არ იღებდენ სამეფოს მართვაში, მაგრამ დიდს სამსახურს უწევდენ მას თავიანთ პირადის შრომით და სისხლით. ისინი შეადგენდენ ცხენოსანს ჯარს, მეციხოვნობას სწევდენ დაპყრობილს კიხე-ქალაქებში და ასრულებდენ დაბალს ხელისუფლობას.

აზნაურებს მოსდევდენ გლეხები. ესენი იყვნენ მიწის შემმუშავებელნი და ყოველნაირის ხარჯისა და ბეგარის გადამხდელები და თან მეომრებიც, როდესაც სამშობლო გაჭირვებაში ჩავარდებოდა ანუ საჭირო იქნებოდა სამშობლოს დიდებისათვის გალაშქრება.

ეს სამი წოდება დიდებულთა, აზნაურთა და გლეხთა, თუმცა მემკვიდრეობითი იყო, მაინც ერთითგან მეორეში გადასვლა ხშირად ხდებოდა. გლეხი აზნაურდებოდა და აზნაური დიდებულდებოდა რაიმე ღვაწლისათვის. აგრეთვე დიდებული უბრალო აზნაურის ხარისხზე იქვეითებდა და აზნაური გლეხად იქცეოდა რაიმე დანაშაულის გამო.

ამ სამს წოდებასთან სამეფოში იყო კიდევ მეოთხე წოდება — სასულიერო, რომელიც თითქო ცალკე სამეფოს წამოადგენდა ისეთისავე იერარქიით, როგორიც იყო საერო უწყებაში. უმაღლესი მეფის მსგავსი ადგილი ეკავა კათოლიკოზე, დიდგვარულებისა მთავარ-ეპისკოპოზებს და ეპისკოპოზებს, მათ შემდევ აზნაურის მსგავსი ადგილი ეჭირათ მონასტრის წინამძღვრებს და ქორ-ეპისკოპოზებს, ხოლო სულ დაბალი ადგილი ეკავათ ხუცესებს, მღვდლებს და დიაკვნებს და აგრეთვე უბრალო ბერებს.

იყო კიდევ ერთი მცირე რიცხვოვანი წოდება. რომელსაც დიდი მნიშვნელობა არა ჰქონდა საქართველოში. ესენი იყვენ მოქალაქენი, შემდგარნი ორის წყებისაგან: მდიდარის ვაჭრებისაგან და მეწვრილმანე-ხელოსანთაგან.

მეფე ითვლებოდა სამეფოს პატრიონად და მთელი მიწა-წყალი მის საკუთრებად. ამ მიწას ამუშავებდენ გლეხები და მეფეს სამაგიეროდ უხდიდენ ხარჯს და ბეგარას. მეფისაგან აზნაურებს ჰქონდა მიცემული სასარგებლოდ და სარჩოდ მამული იმ გლეხებით, რომელნიც ამ მამულზე ცხოვრობდენ. მამულის მტკლობელობასთან ერთად მეფისაგან დათმობილი ჰქონდათ აზნაურებს მომეტებული ნაწილი გლეხის სამსახურისა. დიდებულებსაც აგრეთვე ჰქონდათ მიცემული მეფისაგან დიდი მამული მასზედ მცხოვრების გლეხებით და აზნაურებით, რომელნიც მეფის სამსახურის მომეტებულს ნაწილს დიდებულს უწევდენ.

ამნაირად ერთის მხრით მიწის მფლობელობა, მეორე მხრით მეფის სამსახური ჰქმნიდა საქართველოს მაშინდელს სოციალს წეს-წყობილებას. მეფე იყო ბატონი, სხვები იყვენ მისი ყმები. უწარჩინებულესი მეფის ყმები

იყვენ დიდებულები, რომელთაც ეჭირათ მამული და დაქვემდებარებული ჰყავდათ ამ მამულის მოსარგებლე გლეხები და აზნაურები. უკანასკნელნი ან მეფეს ექვემდებარებოდენ პირდაპირ, ან რომელსამე დიდებულს. ერთსაც და მეორე შემთხვევაშიაც აზნაურებს ექვემდებარებოდენ გლეხები, რომელნიც მათ მამულზედ კხოვრობდენ. ბოლოს იყვენ გლეხები, რომელნიც კხოვრობდენ ან პირდაპირ მეფის მამულზე, ან პირდაპირ დიდებულისაზე, ან აზნაურისაზე, რომელიც თავის მხრით ან პირდაპირ მეფის ყმა იყო, ან დიდებულისა. ამიტომ გლეხი იყო ოთხნაირი: 1) პირდაპირ მეფის ყმა, 2) სამეფო აზნაურის ყმა, 3) დიდებულის ყმა და 4) დიდებულის აზნაურის ყმა. აზნაური ორნაირი იყო: 1) პირდაპირ მეფის ყმა და 2) დიდებულის ყმა. დიდებული პირდაპირ მეფის ყმად ითვლებოდა. ხოლო ყველანი საერთოდ მეფის ყმებად ითვლებოდენ.

დიდებულის ვალდებულება მეფის წინაშე მდგომარეობდა იმაში, რომ მას მეფის ბძანებისამებრ უნდა მოეკრიფა თავის საყმოში ჯარი აზნაურთა და გლეხთაგან და გამოსულიყო სალაშქროდ. ასეთივე ვალდებულება აწვა მეფის აზნაურს. დიდებულის აზნაური კი დიდებულის მოთხოვნილებისამებრ უნდა გამოსულიყო თავის გლეხებით დიდებულის დროშის ქვეშ საბრძოლელად. მეფის ყმა გლეხები ვალდებული იყვენ, როგორც პირადის სალაშქრო სამსახურით, ისე ხარჯის ძლევით და ბეგარის გაღახდით. დიდებულის გლეხი მოვალე იყო დიდებულისთვის ეძლია ხარჯი, ეწია ბეგარა და გაპყოლოდა სალაშქროდ მის მოთხოვნილებისამებრ. ასეთსავე სამსახურს უწევდა აზნაურს მისი გლეხი. დიდებულის გლეხები, ისე როგორც აზნაურისა, პირდაპირის ბატონის სამსა-

ხურის გარდა, მოვალენი იყვენ ზოგიერთი ხარჯი და ბეკარა ეხადათ მეფისთვისაც.

ასეთივე დამოკიდებულება არსებობდა სასულიერო უწყებაში. კათოლიკოზები და მცხეთის ეკკლესიას პქნ-და დიდი მამულები, რომლებზედაც მოსახლობდენ გლეხები და აზნაურები. პირველს შემთხვევაში გლეხები და აზნაურები ითვლებოდენ საკათოლიკოზო ან მცხეთის ყმებად, მეორე შემთხვევაში ისინი იწოდებოდენ სამონასტრო ყმებად. მათი დამოკიდებულება კათოლიკოზისა და მონასტრისაგან ისეთივე იყო, როგორც დიდებულისა და აზნაურისაგან.

მეფეს შეეძლო. თუ საჭიროდ დაინახავდა, საერთო სარგებლობისათვის ან დასასჯელად, წაერთმია მამული დიდებულისთვის ან სამეფო აზნაურისთვის ზედ-მოსახლე გლეხებითურთ და მიეკა ან სხვა დიდებულისა და აზნაურისათვის, ან ეკკლესიისათვის. თუ მეფე უდანაშაულოდ ართმევდა დიდებულს ან აზნაურს, ჩვეულებრივ სხვაფრივ აკმაყოფილებდა მას ახალის მამულის მიცემით სამაგიეროდ.

დიდებულებს და აზნაურებს შეეძლოთ თავიანთ მამულის გაყიდვა ან გაჩუქება, მაგრამ ყოველთვის მეფის თანხმობა უნდა აეღოთ.

მოქალაქეები ექვემდებარებოდენ ან პირდაპირ მეფეს ან რომელსამე გამოჩენილს დიდებულს, რომელსაც აძლევდენ ისინი ხარჯს და სალაშვროდ სამსახურს უწევდენ.

3. **სამოქალაქო და სამხედრო გართვა-გაგ-გმობა.** — მეფედ ხდებოდა ჩვეულებრივ მეფის უფროსი ვაჟი შვილი, რომელსაც მეფე თავისსავე სიცოცხლეში აცხადებდა მეფედ ანუ, უკეთ რომ ვთქვათ, მემკვიდრედ.

ასე მოიქცა გიორგი II დავით აღმაშენებელის შესახებ, გიორგი III თამარის შესახებ და თამარი გიორგი ლაშას შესახებ. მხოლოდ რაიმე გარემოება უნდა ყოფილიყო, რომ მამას ტახტი გამოეწირა თავის უფროსის ვაჟისთვის და მიეცა შემდეგისთვის. ასეთი შემთხვევა მოხდა დიმიტრის მეფობაში, როდესაც დიმიტრიმ უპირატესობა მიანიჭა უმცროსს შვილს გიორგის და ამით უფროსი შვილი დავითი ძალიან გაანაწყენა, რამაც გამოიწვია რევოლუცია, რომლის შედეგი იყო დიმიტრის გადადგომა და დავითის გამეფება. თუ საკუთარი ვაჟი ან მახლობელი ნათესავი ვაჟი არ ეყოლებოდა მეფეს, მეფობა გადადიოდა ქალიშვილზე. თავის სიცოცხლეში მეფედ გამოცხადებულს შვილს მეფე ადგამდა გვირგვინს და ასრულებდა ცერემონიას დიდებულთა თანადასწრებით. ისიც მამას-თან ერთად იწოდებოდა მეფედ, მაგრამ ნამდვილად კი არ მეფობდა.

მეფედ შვილის გამოცხადება მამისავე სიცოცხლეში უდრიდა მემკვიდრის დანიშნას, რომელიც ახლანდელს დროშია მიღებული. ამნაირად წინდაწინვე მეფედ დანიშნული ადვილად და დაუბრუკოლებლად იქერდა მამის სიკვდილის შემდეგ ტახტა. ამ ნამდვილს გამეფებას მეფე იხდიდა დიდის ამბით და ცერემონიით. იკრიბებოდენ დიდებულები სამეფოს ყველა კუთხითაგან, თავს იყრიდა ჯარი, შემდგარი აზნაურთა და გლეხთაგან და მათ წინ ხდებოდა დაგვირგვინება და ტახტზედ ასვლა. მთავარეპისკოპოზი ადგამდა მეფეს თავზე გვირგვინს, დიდებულები აცმევდენ პორტირს, ზეზს, ფესვედს და ბისონს, არტყამდენ ხმალს, აძლევდენ ხელში სკიპტრას. ამის შემდეგ მეფე აღირდა ტახტზე და ამბობდა სიტყვას. ამ შემ-

თხვევისა გამო იმართებოდა ნაღიმი და მეფის ხაზინითგან აძლევდენ საჩუქრებს და მოწყალებას.

მეფე ხშირად იწოდებოდა შვიდის სამეფოს მეფედ და მისი სამეფო შვიდის სამეფოსაგან შემდგარად, რის გამოც მეფე იხსენიებოდა მეფეთა-მეფეთ. ეს ტიტული ნამდვილის გამომთქმელი არ იყო. ის იყო გადმოლებული არაბთაგან, რომელთა ხალიფის საბძნებელი ითვლებოდა შვიდის სამეფოსაგან შემდგარად და ხალიფის ტიტულიც იყო შვიდის სამეფოს მბძანებელი.

მართალია, მეფე ითვლებოდა უმაღლესს გამგებლად ქვეყნისა, მაკრამ ის არ იყო ერთად-ერთი გადამწყვეტი საქმისა და განუსაზღვრელის უფლების მექონი. დიდებულთა დაუკითხავად და მოუწონებლად ნაბიჯს ვერ გადასდგამდა. რა საქმეც უნდა ყოფილყო, თუ სამეფოსათვის რამე მნიშვნელობა ჰქონდა, დიდებულების ყრილობა უნდა გაემართა და იმათვის ეკითხა, მოესმინა მათი აზრი და შემდეგ მიელო უმეტესობის აზრი, თუმცა ხანდახან უმცირესობის აზრსაც არჩევდა და თავის პასუხის გების ქვეშ იქცეოდა. მაგრამ ეს ძალიან იშვიათად მოხდებოდა ხოლმე. ხელისუფლებსაც კი მეფე დიდებულთა რჩევით ნიშნავდა და თვით ლაშქრობის დროსაც მეფეს, როგორც უმთავრესს ჯარის წინამძღოლს, დიდებულები ჰყავდა მრჩევლებად.

სახელმწიფო საქმეების სამართავად მეფეს ჰყავდა ხელისუფლები. ყველაზე დიდი ხელისუფალი იყო მწიგნობართუხუცესი (სახელმწიფო საქმეების უმაღლესი გამგებელი), შემდეგ ამირ-სპასალარი (ჯარის უფროსი წინამძღოლი), მას მოსდევდენ მსახურთუხუცესი (ციხეების და სალაშქრო იარაღის გამგებელი), მანდატურთუხუცესი (პრლიციის უფროსი), მეკურჭლეთუხუცესი

(სამეფო ხაზინის და ქონების უფროსი გამგებელი), მეჯინიბეთუხუცესი და სხ. ამათ ებარათ მთელის სამეფოს საერთო საქმეები და მეფის მახლობელნი და მუდამ თანამხლებელნი იყვენ. სამეფო გაყოფილი იყო საერისთავოებად და ცველა საერისთავოში თვითონ ერის-თავი იჯდა, რომელიც მეფის მოალაგე იყო. საერისთა-ვოები იყო: ქართლისა, კახეთისა, ერეთისა, რაჭა-თავ-კვერისა, სვანეთისა, გურიისა, ეგრისისა, აფხაზეთისა, სამცხისა, კლარჯეთისა. ტფილისში იყო განსაკუთრებუ-ლი მოხელე ქალაქისა და მის არე-მარის მმართველად, რომელსაც ერქვა ტფილისისა და ქართლის ამირა.

სამხედრო წესიერება საკმაოდ განვითარებული იყო მეთორმეტე საუკუნეში. ყოველი ქართველი, რა წოდე-ბისაც უნდა ყოფილიყო, მოვალე იყო საომრად გამო-სულიყო და მეომრად გადაქცეულიყო. მეომრები შეად-გენდენ სპასა ანუ ლაშქარს. ლაშქარი გაყოფილი იყო რაზმებად, რომელთაც ჰყავდათ უფროსნი—სპასპეტები. ჯარის ნაწილის უფროსი იწოდებოდა სპასალარად, ხო-ლო მთავარ-უფროსი მთელის საქართველოს ჯარისა ამირ-სპასალარად.

ქართველთა გარდა ჯარი სდგებოდა უცხოთაგანაც, რომელნიც მოწვეულ იქნებოდენ ხოლმე ჯამაგირით, მაგალ., ოსები, ყივჩაყები, ვარანგები, და ტყვეებად წა-მოყვანილთ და გაქრისტიანებულთ მუსულმანთაგან. უკა-ნასკნელთაგან შემდგარი ჯარი იწოდებოდა მონასპად.

გალაშქრების დროს ჯარს თან მისდევდა სპასალა-რისა და სპასპეტის გარდა ეპისკოპოზი ქუონდიდელი და ჯვარის-მტვირთველი. ის ჯარი, რომელიც მეფეს ახლ-და და იცავდა, მას, იწოდებოდა ტაძრეულთა ჯარიდ.

ჯარი, რომელსაც აყენებდენ ციხეებში დასაცველად, იწოდებოდა ციხოვანად. ციხის უფროსს ერქვა ციხის პატრონი. ომის დაწყების წინად ჯარს აწყობდენ ამნა-ირად: წინამბრძოლად აყენებდენ სამხრეთის საქართველოს მკვიდრთ, მემარჯვენედ იმიერ-საქართველოს მკვიდრთ და მემარცხენედ ამიერ-საქართველოს მკვიდრთ. ჯარი ორნაირი იყო: ცხენოსანი და ქვეითი.

იარაღი ჰქონდათ ქართველებს: ფარი, მახვილი, წათი, ხმალი, ოროლი, შვილდ-ისარი, შუბი და ლახვარი. სამხედრო ჩატულობა: ჯაჭვი და მუზარადი. საომარი მოწყობილობა იყო ფრლაკავანი, მოსაგერებელი — სხარტი და ხანდაკი.

საომარი საკრავები იყო: სპილენძ-ჭური, ბუკი, ქოსი და წინწილა.

4. **საგლვდელოება და საგალოებო ჭეს-ჭურ-ბილება.** — საქართველოს ეკლესის უფროსი იყო კათოლიკოზი ანუ პატრიარქი, რომელსაც ირჩევდა მეფე დიდებულების დაკითხვით მთავარ-ეპისკოპოზთაგან. თუმცა ის ემორჩილებოდა მეფეს, მაგრამ პატივი კი მეფისა. ჰქონდა მინიჭებული და დიდს მონაწილეობას იღებდა. სამეფოს გამგეობაში დიდებულებთან ერთად. კათოლიკოზის შემდეგ იყვენ მთავარ-ეპისკოპოზები და ეპისკოპოზები, რომელნიც მართავდენ ცალკე მაზრებს, საეპისკოპოზოებად წოდებულებს. კათოლიკოზად და ეპისკოპოზებად ჩვეულებრივ დიდებულთაგანნი ხდებოდენ. ეპისკოპოზებს მოსდევდენ ქორ-ეპისკოპოზები და წინამძღვრები მონასტრებისა. სულ ბოლოს იდგენ ხუცესნი, მღვდელნი და დიაკონნი. ბერობაში ამათ უდრიდენ მონაზონები და მეუღაბნოები. დიდი პატივი ჰქონდათ აგრეთვე ქორ-ეპისკოპოზებს და წინამძღვრებს, რომელნიც.

აგრეთვე დიდებულთა და აზნაურთაგანნი იყვენ. მაგრამ არც ხუცესნი და დიაკონნი იყვენ დაჩაგრულნი, თუმცა ისინი მომეტებულად გლეხ-კაცთაგანნი იყვენ. ისინი გათავისუფლებულნი იყვენ ყოველგვარის ხარჯისა და ბეგრისაგან.

ეპისკოპოზებს ეძლეოდათ სახელი იმ ადგილისაგან, სადაც იყო მათი კათედრი, მაგ. ჭყონდიდელი (ჭყონ-დიდში), ქუთათელი (ქუთაისში), აწყვერელი (აწყვერში), ტბელი (ტბეთში), ბანელი (ბანაში), ბედიელი (ბედია-ში), იყალთოელი (იყალთოში), ურბნელი (ურბნისში), მროველი (რუისში):

სასულიერო სამსახურის გარდა ეპისკოპოზები საერო გამგეობაშიაც იღებდენ მონაწილეობას და ხან სამხედრო თანამდებობაც ეპურათ. დიდებულთა რჩევაში მონაწილეობას იღებდენ და ლაშქრობაშიაც, თუ თითონ არ წინამდლვრობდენ, მეფეს თან დასდევდენ და რჩევას აძლევდენ. ხოლო ჭყონდიდელი მუდამ მეფის მახლობელი იყო და მწიგნობართ-უხუცესობას ასრულებდა.

სამძიმო საეკლესიო საქმეების გადასაწყვეტად ხშირად მეფე და კათოლიკოზი მართავდენ საეკლესიო კრებას, სადაც იღებდენ მონაწილეობას კათოლიკოზი, ეპისკოპოზები, ქორეპისკოპოზები, წინამდლვრები, მონაზონები, ხუცესები და მეუღლაბნოები.

5. გონიერი განვითარება. — პოლიტიკურს გავითარებასთან მეთორმეტე საუკუნეში საქართველო გავითარდა გონებრივადაც. ეს გავითარება მზადდებოდა და ფეხს იდგამდა აღრითებანვე, როდესაც გამრავლდა. ქართველთა მონასტრები უცხოეთში, სადაც ბერები თარგმნიდენ ბერძნულითოგან, სირიულითოგან და სომხურითბან როგორც სალვონ წერილის წიგნებს, ისე ყოველ-

საეე საღვთისმეტყველო, საფილოსოფოსო და სამეცნიერო ნაწერებს.

ამგვარს მწერლობასთან ერთად ქართველები ბერძნულს ენაზედ ცნობილობდენ აგრეთვე ძველის წარმართობის დროის მწერლობას და ეცნობოდენ ბიზანტიის სამართალს, საზოგადო ცხოვრებას და ხელოვნებას — მთატვრობას, არქიტეკტურას და სხვათა. ხოლო მეთორმეტე საუკუნის გაძრიელებულის სამეფოს მთავრობამ საგანგებო ყურადღება მიაქცია საბერძნეთის განათლების შეთვისებას და გადმოღებას საქართველოში. ამ აზრით დავით აღმაშენებელმა გაგზავნა საბერძნეთში 40 ყმაწვილი კაცი, რომელთაც შეისწავლეს საბერძნეთის მწერლობა, მეცნიერება და გადმოიტანეს საქართველოში. დავითის კვალს, უეჭველია, მისღევდენ ამ საქმეში სხვა მეფეებიც და საბერძნეთში ყმაწვილის კაცების გზავნით ხელს უწყობდენ ბიზანტიის განათლების გადმოტანას საქართველოში.

6. მონასტრების დგაწლი. — მეთორმეტე საუკუნეშიაც, როგორც წინადაც, მოღვაწეობდენ უცხოეთში ქართველთაგან დაარსებული მონასტრები, სადაც ბერძი განაგრძობდენ თავიანთ შრომას და თარგმნიდენ თუ თავად აღგენდენ და გადაწერით ავრცელებდენ სხვა-დასხვა შინაარსის წიგნებს. ამისთანა მოღვაწეობისათვის მეფეები უხვად სწირავდენ ამ მონასტრებს და გასავითარებლადაც სწორედ იქა ჰერიტაჟიდენ ყმაწვილს კაცებს.

უცხოეთში ამ საუკუნეში იყვენ შემდეგი ქართველთა მონასტრები: ათონისა, კონსტანტინოპოლისა (რომანასი), კვიპრისა, შავიმთისა (ანტიოქიაში), იერუსალიმისა, სინასი და სხ.

უცხო ქვეყნებში აშენებულის ქართველთა მონასტრი.

რების მსგავსად საქართველოს მონასტრებიც ირჯებოდენ და მოლვაწეობდენ, სკოლებს მართავდენ და ზრდიდენ ყმაწვილებს. თვითონ დავით აღმაშენებელმა განვებდაარსა გელათის მონასტერი იმ აზრით, რომ გამხდარიყო, ათონის მონასტრის მსგავსად, განათლების გამავრცელებლად საქართველოში.

7. არაბების და სპარსების განათლების გავ-

ლენა. — საბერძნეთისა და საქრისტიანო აზის გარდა საქართველოს გავითარებაზე დიდი გავლენა ჰქონდა, როგორც წინა საუკუნეში ისე მეთორმეტეში, მაჰმადიანს აზისაც — არაბებსა და სპარსებს. საუკუნოებრივი კულტურული კავშირი სპარსეთთან, ცოტა ხნით შეწყვეტილი ქრისტიანობის მიღების პირველს ხანებში, არ შეიძლებოდა არ განახლებულიყო შემდეგში, თუმცა, რა თქმაა, მუდამ ეს კავშირი ქრისტიანობის კონტროლს ქვეშ იქნებოდა. მეთორმეტე საუკუნეში კი მუსულმანთა ერთა კულტურა, მათი მეცნიერება და მწერლობა ისე ძლიერი შეიქნა, რომ ქართველები, თუმცა სულით და გულით ქრისტიანები, მაინც არ ერიდებოდენ და ეწაფებოდენ მათაც. ამის მაგალითს გვაძლევს თვით გვირგინოსანი მეფე დავით აღმაშენებელი, რომელიც არ ერიდებოდა და სწავლობდა ცნობის-მოყვარეობით მაჰმადინთა სალვონ სჯულს — ყორანს. ეჭვს გარეშეა, რომ ქართველები ამ საუკუნეშიაც და წინადაც სწავლობდნენ არაბულს და სპარსულს ენებს, ცნობილობდნენ მათ მწერლობას და მეცნიერებას და ეცნობოდენ მათ ისტორიას და ცხოვრებას. ამის საბუთად ჩვენ შეგვიძლიან დავასახელოთ როგორც ორგინალი ისე თარგმანი თხზულებანი მეთორმეტე საუკუნისა: ვეფხის-ტყაოსანი რუსთაველისა, აბდულ-მესია შავთელისა, თამარიანი ჩახრუხაძისა, ვის-

რამიანი სარგის თმოგველისა, ამირან-დარეჯანიანი მოსე ხონელისა და სხვანი. პირველი სამი თხზულება, თუმცა ორიგინალი თხუზულებანი არიან, მაინც წამოგვი-დგენერ დიდს გავლენას არაბ-სპარსთა მწერლებისას და მეცნიერებისას, ხოლო დანარჩენნი ან თარგმნილნი არიან სპარსულითვან ან გადმოკეთებულნი და ამნაირად მომასწავებელნი სპარსეთის მწერლობის გავლენისა.

ამნაირად ქართველთა განათლება და კულტურა მეთორმეტე საუკუნეში იყო ორის ერთი-ერთმანერთის წინაამდეგის ელემენტის შეზავებულის გავლენის ქვეშ—ქრისტიანულისა და მუსულმანურისა.

8. მკონოები გდგრძელება.—თუმცა ჩვენ ბევრი არაფერი ცნობები გვაქვს ქართველის ერის ეკონომიკურის მდგომარეობის შესახებ მეთორმეტე საუკუნეში, მაინც შეგვიძლიან ვიქონიოთ საზოგადო წამოდგენა მის შესახებ. წინა საუკუნის დამლევს საქართველო ძალიან დავარდნილი იყო ნივთიერად. 1080 წლითვან მოკიდებულმა თურქთა გამუდმებულმა შემოსევამ რაოდენისამე წლის გამავლობაში სულ ააფორიაქა ერის სიმდიდრე და ცეცხლს მისცა სოფლები და ქალაქები, ტყეები, ვენახები და დათესილი ჭირნახული. თურქებმა დაანგრიეს ციხეები, სიმაგრეები, მონასტრები და საყდრები და მოიტაცეს რაც კი რამ ოქრო-ვერცხლი, ძვირფასი ქვები და ჭურჭელ-იარაღი ნახეს. გაწყდა აუარებელი რიცხვი ქართველთა და, ვინც გადარჩა, დიდს სიღარიბეში ჩავარდა.

მეთორმეტე საუკუნეში-კი სრულებით სხვა სურათს წამოადგენს საქართველოს ეკონომიკური მდგომარეობა. მთელის ამ საუკუნის გამავლობაში ქართველს ერს მტრის შიში არა ჰქონია და ამტომ იგი არხევინად და გულ-

მოდგინედ შრომობდა. უმთავრესი შრომა-კი მიწის შემუშავება იყო. საქართველოს მაღლიანი ნიადაგი კარგს ნაყოფს ძლევდა მშრომელს და ამიტომ ქართველს სარჩეოც უხვად ჰქონდა. მშვიდობიანის შრომით ნაშოვნს სარჩოს ქართველობა უმატებდა ომიანობის დროის ნაშოვნს სიმღიდრეს. ქართველთა ყოველს გამარჯვებას თან დიდის ალაფის შოვნა მოსდევდა. ომში ნაშოვნი ალაფი ამღიდრებდა ყველას: მეტის ხაზინას, დიდებულთ, აზნაურთ და გლეხთა. ეკონომიურად მოღონიერებულმა და სასოება-მიცემულმა ქართველობამ ააშენა სოფლები, ქალაქები, მონასტრები და საყდრები, გაიყვანა გზები და არხები. ვინც-კი გამრჯელი და მკლავ-მაგარი იყო, ყველას ჰქონდა სარჩო. ხოლო ვისაც რაიმე მიზეზით არ შეეძლო შრომა ან ომით სარჩოს შოვნა, უხვს მოწყალებას დებულობდა მეტისა და დიდებულთაგან.

სიმღიდრის დატრიალების გამო აღებ-მიცემობაც გავითარდა. ეკონომიურად მოღონიერებამ გაამრავლა ქართველთა რიცხვი ისე, რომ მეცამეტე საუკუნის ნახევარში, მონგოლთა შემოსევის შემდეგ საქართველოში, მარტიანის მოწმობით, 4.000,000 მკვიდრზე ნაკლები არ უნდა ყოფილიყო. თუ მაშინ ამდენი იყო, მეთორმეტე საუკუნის საქართველოს სამეფოში 8 ან 6 მილიონი მარც იქნებოდა.

XIV

თათრების ბოლომელობის დრო.

საქართველოს განაწილება ნოინთა შორის.—უმეტობ დიდებულების ბჭობა კონტინ-თავზე და მათი შეპყრობით თათართავან.— ცოტნე დადიანის საქციელი.—გიორგი ლაშას შვილის დავითის გათავის

უფლება და გაგზავნა შისი ყარაყორუშს.—ორის შეფის დადგენა თათართა-
გან.—დავით მეოთხის გადგომა თათართაგან.—დავით მეხუთის შდგომარეო-
ბი.—საქართველოს აღწერა თათართაგან ხარჯების და სალაშქრო ბევრის
შესაწერად.—დავით მეხუთის გადგომა თათართაგან და შერიცება მათთან.—
დავით მეხუთის და სარგის ჯაყლის ურთიერთობა.—თევზუთარის აჯანყება
აბადა ყავნის წინაამდევ და შისი დამარტება.—დავით მეხუთის საკვდილი
და უმეტობა მიერ-საქართველოში.—კახაბერ ერისთავის მოქმედება.—და-
ვით მეოთხის სიკვდილი.

1. საქართველოს განაწილება ნოინთა შორის.

— რუსუდან მეფის სიკვდილის შემდეგ საქართველო უმე-
ფოდ დარჩა. დიდებულები თავთავისთვის გადგენ და
როგორც უნდოდათ ისე იქცეოდენ. იმათ მარტო-ლა
თათრების სამსახური აწუხებდა. თათრის ოთხს ნოინს
(მთავარს) საქართველოს დიდებულები განაწილებულები
ჰყავდათ ერთმანეთში სალაშქრო სამსახურისა და ხარ-
კის მოკრებისათვის და თვითონეულს დიდებულს ერთერთს
ნოინთან ჰქონდა საქმე. ამ ნოინებმა ქართველთ დიდე-
ბულთა შორის დანიშნეს დუმნის-თავები ე. ი. ათიათა-
სის-თავები, რომელთაც უნდა შეეკრიბათ ქართველთა
შორის ათი-ათასი მეობარი და მათი წინამძღოლობა გა-
ეწიათ ლაშქრობის დროს. თათრების მფლობელობის
პირველის დროის დუმნის-თავები იყვნენ: ეგარსლან
ბაკურციხელი, შანშე მხარგძელი, ვარამ გაგვლი,
გრიგოლ სურამელი, გამრეკელ თორელი, ცოტნე და-
ლიანი და კახაბერ რაჭის ერისთავი. ამ დიდებულების
საშუალებით იცავდენ თათრის ნოინები თავიანთ მფლო-
ბელობას საქართველოში და ამიტომ ისინი შეიქნენ სხვა
დიდებულებზე მეტად გავლენიანები.

2. შევორის შედეგი.—

თათრების მფლობელო-
ბა ორს საქმეს ავალებდა ქართველებს: ხარჯის ძლევას
და ლაშქრად წასვლას. სხვათრივ ქვეყნის გამგეობა ისევ
ძველებური დარჩა. ცვლილება ერთი ის მოხდა ამ გამ-

გეობაში, რომ უმეფობის გამო, მეფის ადგილი დიდებულებმა დაიჭირეს თავთავიანთ სამფლობელოში. ყოველივე ეს მეტად შემაწუხებელი იყო ქართველის ხალხისათვის. ხარჯის გადახდა ოლარიბებდა ხალხს, ლაშქრობა აცდენდა მშვიდობიანს შრომას და ტყუილუბრალო სისხლს აღვრევინებდა, ხოლო უმეფობა ამყარებდა დიდებულების თავნებობას. არც დიდებულებისთვის იყო სასარგებლო საქართველოს მდგომარეობა. ხალხის სილარიბე და შეწუხება იმათ სილარიბეს და შეწუხებას მოასწავებდა, ხოლო მათი თავნებობა იწვევდა ხალხის მდელვარებას, რომელიც მათვე ატყდებოდა თავის სამწუხარო შედეგებით. აზიტომ უკმაყოფილობა საერთო შეიქნა მთელს ქართველს ერში. დიდებულები შეუდგენ იმის ფიქრს თუ როგორ გაეთავისუფლებინათ საქართველო თათართა მფლობელობისაგან.

3. დიდებულების პოლის კოსტის-თავზე და მათი შეპარობა თათართაგან. — ამ საქმეზე მოსალაპარაკებლად საქართველოს წარჩინებულმა დიდებულებმა შანშე მხარგდელმა, ეგარსლან ბაკურ-ციხელმა ცოტნე დადიანმა, ვარამ გაგელმა, უვარუვარე ციხისჯვრელმა, შოთა კუპრიმა, გამრეკელ თორელმა, საჩვის თმოვველმა და სხვებმა მოიყარეს თავი კოხტის-თავზე. აქ მათ დაადგინეს, რომ შეერთებულიყვნენ ყველანი და დაეწყოთ ბრძოლა თათრებთან. დანიშნეს ადგილი, სადაც უნდა ყველანი მისულიყვნენ თავიანთ ჯარით თავის დროზე. ჯერ კიდევ მთლად არ დაშლილიყო კრება და მომეტებული ნაწილი დიდებულთა არ წასულ-წამოსულიყო, რომ კოხტის-თავზე გაჩნდენ თათრები. დიდებულთა კრების და სათათბირო საგნის შესახებ ცნობამ თათრის ნორნებამდე მიაწია თურმე და იმათაც ამი-

ტომ სწრაფად გაგზავნეს ჯარი შეკრებილთა შესაპყრობლად. შეპყრობილი დიდებულები წაასხეს ანს და წარუდგინებ ქარმალან-ნოინს. ამის კითხვაზე, თუ რა იყო მიზეზი შეკრებისაო, დიდებულებმა უპასუხეს, ჩვენ შევიკრიბენით იმიტომ, რომ ერთად მოგველაპარაკნა თუ რანაირად მოგვეგვარებინა თქვენი სამსახური და თქვენთვის ხარჯის ძლევაო. თათრებმა, რასაკვირველია, ეს არ დაიჯერეს და გამოსატეხად შეუდგნენ მათ წამებას. გააშიშვლეს დიდებულები, შეუკრეს ხელები და პაპანაქება სიცხეში გარედ დასხეს მზეზე. ასე ეპყრობოდენ და თან ემუქრებოდენ, გამოტყდით, თორემ დაგხოცავთო. დიდებულები მაგრად იღგნენ და სულ ერთსა და იმავე პასუხს აძლევდენ. ამ სატანჯველში იყვნენ ისინი დიდს ხანს.

4. ცოცხა დადიანის საჭიროები.—მოაწია დანიშნულმა დრომ. როდესაც უნდა შეთქმულებს თავი შოეყარათ ჯარით ქართლში. დიდებულების შეპყრობის არ მცოდნე ცოტნე დადიანმა შეკრიბა ჯარი და გაემართა დანიშნულის დროსთვის ქართლისკენ. დიდებულების ამბავი შეიტყო მან მხოლოდ სამცხის სამძღვარზე. დადიანმა თავისი ლაშქარი უკანვე გაგზავნა, ხოლო თითონ ორის მხლებელით გაემართა ანისაკენ, რადგან მისმა გულმა ვერ მოითმინა მიეტოვებინა განსაცდელში ამხანაგები, რომლებთანაც მასაც წილი ედო იმაში, რისთვისაც ისინი იტანჯებოდენ. ანში ცოტნე დადიანმა რომ დაინახა მოედანზე გაშიშვლებული და ხელებ-შეკრული თავის ამხანაგები, ფიცხლად ჩამოხტა ცხენითგან, გაიხადა ტანისამოსი, შეაკვრევინა მხლებლებს ხელები და დაჯდა დიდებულებთან. ეს უცნაური ამბავი მაშინვე შეატყობინეს ნოინს. როდესაც დადიანს ჰკითხეს მიზეზი

მის საქციელისა, მან აუხსნა, რომ ისიც სხვა დიდებულებთან ერთად იყო კოხტის-თავზე და ისიც ისევე დამნაშავეა, როგორც მისი ამხანაგები. კრების მიზეზად იმანაც ისვე დაასახელა, რაც მის ამხანაგებს ჰქონდათ დასახელებული. დადიანის საქციელმა დიდი ჩაბეჭდილება მოახდინა თათრებზე და იმათაც ყველანი გაათავისუფლეს.

5. გიგანტი ლაშას შვილის დაგითის გათავისუფლება და გამზადება მისი უარავრუს. — მართალია, შეთქმულები გადარჩენ სასჯელს, მაგრამ ქვეყანას არაფერი შეღავათი მისცემია. დიდებულებში ერთობის მაგიერ ახლა უფრო ქიშპობამ იმატა. თუ ერთერთი ვინმე მათგანი გამოვიდოდა მეტის გავლენის და ძალის მქონე, სხვები შერით შეჰყურებდენ. ასეთი იყო ეგარსლან ბაკურციხელი, რომელმაც დიდი გავლენა მოიხვეჭა როგორც ქართველთა შორის, ისე თათრებში. მას ყველანი მორიდებით და მოკრძალებით ეკიდებოდენ, მაგრამ მაინც არ შეეძლო შეერიგებინა ყველა ქართველი დიდებულები, როგორც მას ჩვეულ იყვნენ ქართველები. მეფისაგან. ამიტომ ქვეყნის გულ-შემატკივარი დიდებულები ნატრობდენ მეფის დაბრუნებას ყარაყორუმითგან. მაგრამ არ იქნა, არ გამოუშვა ყაენმა დავით რუსუდანის შვილი. მეფის ნატვრაში ქართველმა დიდებულებმა ერთი სასიხარულო ამბავი შეიტყეს. საქართველოში გავრცელდა ხმა, რომ გიორგი ლაშას შვილი დავითი ცოცხალი ყოფილა საბყრობილებში გამომწყვდეული რუსუდანის სიძის ყიასღნის მიერ. დიდებულებმა მაშინვე გადაწყვიტეს გაეთავისუფლებინათ დავითი და გაემფეხებინათ. იმათ მიმართეს თათრის ნოინებს, შეატყობინეს დავითის ამბავი და ითხოვეს მის მეფედ გამოცხადება... ნოინებმა მოსთხოვეს არზრუმის მფლობელს,

რომ გაეთავისუფლებინა დავითი. გაგზავნილმა კაცებმა მართლაც დავითი ცოცხალი ნახეს და მოიყვანეს საქართველოში. მაგრამ ნოინებმა ვერ სცნეს შესაძლოდ მისი გამეფება დიდის ყაენის დაუკითხავად და გაგზავნეს ისიც პირდაპირ დიდს ყაენთან ყარაყორუმში (1249 წ.).

6. ორის მეურის დადგენა თათართაგან.—ამნაირად დიდის ყაენის კარზე გაჩნდა ორი ქართველი მეფისწული, ორი მთხოვნელი საქართველოს სამეფო ტახტისა. ქართველს დიდებულებში ერთსაც ჰყავდა მომხრევები, მეორესაც. დიდმა ყაენმა არ იცოდა უპირატესობა რომლისთვის მიეცა და ამიტომ აგვიანებდა ერთერთის დამტკიცებას მეფედ. ბოლოს დიდმა ყაენმა ორივე მეფისწული გამოუზავნა დასავლეთ-აზიის ყაენს ულოს და მისწერა, რომ ორნივე გაემეუებინა საქართველოში. ულო ყაენმაც შეასრულა დიდის ყაენის სხრვილი და ორივე დავითი გამოაცხადა საქართველოს მეფეებად (1253 წ.).

აქამდის ერთი მეფეც ენატრებოდა ქართველებს და ახლა ერთად ორი მეფე გაუჩნდათ. ღვთის წყალობაც ესეთი უნდოდა თათრების მხრით მოვლენილი. ორი მეფე ერთს ტახტზე ძალიან ჰკვიანური აზრი იყო თათართა პოლიტიკის შეხედულობით. ისედაც დაუძლეურებული საქართველო, ცხადია, უფრო დაუძლეურდებოდა და დანაწილდებოდა ორის მეფის ხელში. იკი ეგრეც მოხდა. ამას ხელს უწყობდა მეფეების სხვადასხვაობა ხასიათისა და ღირსების მხრით. დავით რუსულანის შვილი, ცნობილი ისტორიაში დავით მეოთხედ ანუ დავით ნარინად, იყო გონიერი, წინდახედული და მოხერხებული. პირიქით, დავით ლაშას ძე, ცნობილი დავით მეხუთედ, იყო მოკლე ჰკუის კაცი, ჯიუტი და თან აღვილად გასაბრიყებელი, ამყოლით თავის გულის წადილისა.

7. დავით გეორგის გადაოდა თათართაგან. —

წინანდებურად თათრები ქართველებს ორნაირს სამსახურს სთხოვდენ: ლაშქრობას და ხარჯს. მეფეებიც ამ სამსახურზე იყვნენ გადაყოლილნი. გამუდმებულმა ლაშქრობამ შორეულს ქვეყნებში და თათრების გულისფერის ქართველის ხალხის ყვლეფამ მეფეებიც უკიდურესად შეაწუხა. უფრო მეტად სწერდა დავით მეოთხე, როგორც უფრო შეგნებული ადამიანი, და ცდილობდა თავის ხალხის ინტერესების დაცვას თათართა ძალმომრეობისაგან. ამიტომაც იყო, რომ თათრებმა შეიძულეს დავით მეოთხე. ბოლოს საქმე იქამდის მივიღა, რომ თათრებმა შეიძყრეს ულო ყაენთან ყოფნის დროს დავით მეოთხე და გაგზავნეს ბარდავს პატიმრად. გზაში, ნახიჩევანში გამოევლის დროს, დავით მეოთხემ მოახერხა თავის დახწევა თათართაგან და გაპარვა ორის მხლებელითურთ. ახლა კი გადაწყვეტილი ჰქონდა მას სრულებით გასდგომოდა თათრებს და აღარ დამორჩილებოდა მათ. მაგრამ საღუნდა წასულიყო? ტფილისში მისვლას აზრი არა ჰქონდა, რადგან იქ მას დახვდებოდა დავით მეხუთე, რომელიც არ დაეთანახმებოდა მას თათართაგან გადგომაზე, ამიტომ გასწია პირდაპირ ქუთაისისკენ. აქ დავით მეოთხე დიდის ამბით მიიღეს მცხოვრებლებმა და გამოაცხადეს საქართველო თათართაგან დამოუკიდებლად. დავით მეოთხემ შეინარჩუნა საქართველოს მეფის ტიტული და საქართველოც დამოუკიდებლად გამოაცხადა, მაგრამ ნამდვილად ის მხოლოდ იმიერ-საქართველოს მეფედ შეიქნა, რადგან ამიერ-საქართველოში თათრების ხელმწიფება და დავით მეხუთის უფლება ხელუხლებელნი დარჩნენ. თათრებს თუმცა დიდი სურვილი ჰქონდათ იმიერ-საქართველოც მათ ხელთ ყოფი-

ლიკო, მაგრამ ეს ვერ მოახერხდეს, რადგან ყოველი მათი რაზმი, ლიხთ იქით გადასული, უკან ბრუნდებოდა და- მარცხებული.

8. **დავით შესუების მღვარეობა.** — დავით მეხუთე განაგრძობდა თათრების სამსახურს და ხან აქეთ მიღიოდა მათ ბრძანებით სალაშეროდ, ხან იქით. ის ემორჩილებოდა არა მარტო ერთს ყაენს, არამედ ხან- დახან ორსაც. საქართველო დიდის ყაენის ბრძანებით შეადგინდა დასავლეთ-აზიის საყაენოს ნაწილს, მაგრამ რადგან ამ საყაენოს ნაწილებზე ცდილობდა თავის ხელმწი- ფების გავრცელებას ჩრდილოეთის (ახლანდელის რუსე- თის) საყაენოს მფლობელი ბათო, ამიტომ დავით მეხუ- თეც, ამ ორს საყაენოს სამძლვრად მყოფი, იძულებული იყო ულო ყაენსაც დამორჩილებოდა, ბათო ყაენსაც.

9. **საქართველოს აღმერა თათართაზან ხარ- ჯების და სალაშრო ბეგრის შესაწვრად.** — როგორ- ცა ვთქვით, თათრებს დამორჩილებულს ქვეყნებში უმ- თავრესად ის აინტერესებდა, რომ რაც შეიძლება მეტი ხარჯი გადაეხდევინებინათ და კარგი ლაშქარი ეშოვნათ. საქართველოს ლაშქრისა ისინი ძალიან კმაყოფილნი იყ- ვნენ. ხარჯის აღების კარგად მოხაწყობად საჭირო იყო დაწვრილებით და დანამდვილებით სცოდნოდათ მოხარ- ჯე მკვიდრთა და მათ ქონების რაოდენობა. ამ აზრით დიდის ყაენის განკარგულებით მთელს სათათრო სამ- ფლობელოში მოახდინეს აღწერა. საქართველოც აღწე- რილ იქმნა და გამოირკვა თათრებისთვის, თუ რავდენი ჯარი და რა გადასახადი შეეძლო მიეცა. საქართველოს ანუ, უკეთ ვთქვათ, მხოლოდ ამიერ-საქართველოს, რო- მელიც დავით მეხუთეს ემორჩილებოდა, შეაწერეს 90, 000 ჯარის კაცის გამოყვანა მოთხოვნილებისამებრ. გა-

დასახალიც ხელახლად დააწესეს ახალის ცნობების მიხედვით. ყოველნაირს საქონელზე დაადეს გადასახადი, ლაშქრის ხარჯიც ხალხს დაკისრეს და ყოველის ყიდვა-გაყიდვის დროს საქონლის ღირებულობის სამს ნაასალს სახაზინოდ ახდევინებდენ. გადასახადების გაწერა და მოკრეფა მიანდეს თავიანთ მოხელეებს, რაღან მეტესა და მის მოხელეებს აღარ ენდობოდენ (1258 წ.).

10. დავით მესუთის გადგომა თათართაგან და ურიგება მათთან.— მეტად მძიმე შეიქნა ქართველებისთვის როგორც სალაშქრო სამსახური, ისე გადასახადების ძლევა. ეს სიმძიმე იგრძნო თვით დავით მეფემაც და ამიტომ იმანაც მოინდომა თათართაგან გადგომა და გათავისუფლება. მაგრამ მისი არაფერი სწავლათ-რა დიდებულებს, არც ნიჭი, არც გამბედაობა და არც მოხერხება და ამიტომ იმის წინადადებაზე, რომ აღარ გაჰყოლოდენ ქართველები თათრებს სალაშქროდ, დიდებულთა მომეტებულმა ნაწილმა უარი გამოუცხადა. მეფის წინადადება მიიღო სამცხის ერისთავმა სარგის ჯაყელმა და კიდევაც თავი შეაფარებინა მას თავისთან, რაღან დავით მეფეს შეეშინდა ტფრლისში ყოფნისა.

თათრებმა, ლაშქრობითგან დაბრუნების შემდეგ, გაგზავნეს სამცხეში ჯარი დავითის და მის მომხრე სარგის ჯაყელის და სხვა დიდებულების წინაამდეგ. აქ მოხდა ბრძოლა, რომელშიაც თავდაპირველად ქართველებმა გაიმარჯვეს. მაგრამ ბოლოს ქართველებისავე დახმარებით თათრებმა დაამარცხეს სამცხის ჯარი და მეფე იძულებული შეიქნა ქუთაისს გაქცეულიყო თავის მამიდაშვილს მეფე დავით მეოთხესთან.

თათრებმა ვერ გაბედეს იმიერ-საქართველოში შესვლა და გამართეს მოციქულობა დავით მეხუთესთან.

ისინი წინადადებას აძლევდენ დაბრუნებულიყო ტფილისს და ჰპირდებოდენ ხელუხლებლობას. თათრების ასეთს წინადადებას ის აზრი ჰქონდა, რომ მუდამ ხელთ პყოლოდათ მეფე. შორს მყოფი, თავისუფალი მათ გაფლენისაგან და ისეთის კუვიანის კაცის ახლო, როგორც იყო დავით მეოთხე, სუსტი და უხასიათო დავით მეხუთე უფრო საშიში იყო, ვიდრე ტფილისში. თათრების წინადადებამ გასჭრა და დავით მეხუთე დათანხმდა ტფილისს დაბრუნებას იმ პირობით, რომ მის ხელთ გადაეცათ თათრების მეტ დაყენებული ხარჯთ ამკრეფი ხოჯა-აზიზი, რომლის მოქმედებითაც სთვლიდა თავის თავს იძულებულად გასდგომოდა თათრებს. თათრებმა მეფეს ეს პირობა შეუსრულეს და მისცეს ხოჯა-აზიზი. მეფემ იყარა ხოჯა-აზიზის ჯავრი მით, რომ მაშინათვე თავი მოაკვეთინა მისთვის.

11. დავით გვეუთის და საჩიბის ჯაყელის ურთიერთობა.—შემორიგებული მეფე ყაენმა დაიბარა თავისთან. ცხადი იყო, რომ ყაენი მოსთხოვდა დავითს პასუხს მის გადგომის გამო და შეიძლება რამე აეტეხნა კიდეც მისთვის. სარგის ჯაყელმა სთხოვა მეფეს, რომ ისიც თავისთან ერთად წაეყვანა ყაენთან. ჯაყელს უნდოდა თვითონ ელაპარაკნა ყაენთან და გაემართლებინა მეფე, რომლის კუუისაგან არ ჰქონდა იმედი, რომ ემართლა თავი. ის თავის თავს სთვლიდა ზნეობრივად პასუხის მჯებლად მის გადგომისათვის, რაღაც მან დაუჭირა მხარი მეფეს, როცა სხვები წინაამდეგნი იყვნენ, გასდგომოდენ თათრებს. ყაენმა შეიტყო, რომ სარგის ჯაყელიც აპირებდა მასთან მისევლას და ამიტომ მოსწერა მეფეს, მარტოდ მისულიყო მასთან და სარგისი არ წაეყვანა. სარგისი მაინც წაჰკიცა მეფეს, მასთან ერ-

თად წასდგა ყაენთან და დაიწყო მისი გამართლება. მეფის საქციელს აბრალებდა თავის თავს და უველაფრის მიზეზად აცხადებდა ხოჯა აზიზს, რომელიც სულს უხუთავდა მთელს ქვეყანას. ყაენი ძალიან განაწყენებული იყო სარგის ჯაყელზე და, უკველია, ცუდს საქმეს ღამართებდა მას, რომ ამ დარბაზობის დროს არ მოხვლოდა ცნობა, რომ ბათო ყაენი შემოესია საყაენოსო.

ამ საშინელის ამბის გაგონებაზე ულო ყაენმა დაივიწყა თავისი ჯავრი და რისხვა სარგის ჯაყელისადმი და მაშინვე შეუდგა განკარგულებას, რომ ჯარი დაძრულიყო ბათო ყაენის შესახვედრად. დავით მეფე და სარგის ჯაყელიც თან წაიყვანა ყაენმა სალაშეროდ. ამ ლაშერობაში, რომელშიც სარგის ჯაყელმა დიდი სიმამცე და ვაჟკაცობა გამოიჩინა, გამარჯვებული დარჩა ყაენი. მადლობელმა ყაენმა სარგის ჯაყელს დიდი წყალობა მისცა და სხვათა შორის უბობა სამფლობელოდ კარნუ-ქალაქი (არზრუმი). ქართველს დიდებულებს შეურდათ ასეთი წყალობა სარკის ჯაყელისთვის და ჩააგონეს მეფეს, ვითომ მისთვის საწყენი ყოფილიყვეს მის ყმისთვის ასეთის წყალობის მიცემა ყაენისგან იმ დროს, როცა მეფისთვის ამის ფასი არა მიუცია. რაო. ჭკუა-სუბუქმა მეფემ ეს დაიჯერა, მართლა იწყინა და გამოუცხადა თათრის ნოინებს თავისი უქმაყოფილობა. ამის გამგონე ყაენმა აღარ მისცა ჯაყელს კარნუ-ქალაქი. ჯაყელი კი ამის გამო ძალიან გულნაკლული შეიქნა მეფეზე და მას აქეთ დაშორდა მას. ხოლო როდესაც შემდეგში სარგის ჯაყელი დაიჭირა დავით მეფემ, იმ დროს, როდესაც ყაენმა მოიწვია იგი მეფესთან ერთად სალაშეროდ, მის დამოკიდებულება მეფესთან პირდაპირს მტრობად გადაიქცა. დაწყვევებული ჯაყელი ყაე-

ნის ბრძანებით გაათავისუფლა დავითმა. მას აქეთ ჯაყელი სრულებით დამოუკიდებელი შეიქმნა დავით მეფის-გან და სამაგიეროდ დაემორჩილა ყაენს.

12. **თეგუთარის აჯანება აბალა ზავის წინა-ავლებ და მის დაზარცხება.**—სარგის ჯაყელმა მალე დიდი სამსახური გაუწია ყაენს აბალას, ულო ყაენის შეილს, რომელიც გაყაენდა თავის მამის სიკვდილის შემდეგ 1264 წ. აბალას საყაენოში ცხოვრობდა თავის ელით (მცირე ტომია) დიდის ყაენის ბარახას ძმა **თეგუთარი.** ამ თეგუთარმა მოინდომა აბალასთვის წაერთმია ყაენობა და ამის შესახებ აცნობა თავის ძმას. ძმამაც მოუწონა განზრახვა და დაპირდა დანიშნულს დროს შემოსევა აბალას საყაენოში. აღნიშნულს ვადაზე თეგუთარი აიშალა თავის ელით და დააპირა იმიერ-საქართველოსკენ წასვლა დავით მეოთხესთან შესაერთობლად. გზად უნდა გაევლო სამცხეზე. სარგის ჯაყელმა რომ გაიგო მის განძრახვა, წინაამდეგობა გაუწია და თან აცნობა ნოინს. თათრებმა და ქართველებმა თეგუთარი რავდენჯერმე დაამარცხეს ბრძოლაში. თეგუთარმა მაინც მოასწრო იმერებს გადასვლა და ამნაირად გადარჩენა სრულის განადგურებისაგან. თეგუთარის ძმამ თუმცა დაიგვიანა დანიშნულს ვადაზედ, მაგრამ მაინც შემოესია აბალას საყაენოს. აქაც აბალას ჯარმა, რომელშიაც იბრძოდნენ ქართველებიც დავით მეფის წინამძღოლობით, დაამარცხა მტერი. თავის მამასთან შესაერთობლად იმერეთითგან გადმოსული სამცხეს თეგუთარი ხელისხლად დაამარცხდა და ხელთ ჩაუვარდა თათრებს ტყვედ, რაღაც აბალა ყაენის თხოვნით დავით მეხუთემ აღარ შეუშვა იმერეთს. ამნაირად თავიანთ უთანხმოებისაგამო ქართველებმა დაკარგეს შემთხვევა, რომ გათავისუფლე-

ბულიყვნენ ყაენის ხელმწიფებისაგან. იმის მაგივრად რომ ესარგებლათ თეგუთრის აჯანყებით და ბარახა ყაენის შემოსვეით, ქარისველებმა ცხარე მონაწილეობა მიიღეს ერთის შემუსვრაში და მეორის განდევნაში.

13. დავით მეუთის სიკვდილი და უავტოგა ამიერ-საქართველოში. — იმის შემდეგ მალე მოკვდა დავით მეხუთე (1269 წ.) და მისი სამეფო მის მემკვიდრის დიმიტრის მცირეწლოვანობის გამო რავდენსამე წელს კიდევ უმეფოდ დარჩა.

14. კახაბერ მრისთავის მოგადევა. დავით მეოთხის სიკვდილი. — იმიერ-საქართველოს მეფე დავით მეოთხე თავისოვის განაგრძობდა მშვიდობიანს ცხოვრებას თათართა ულლისგან თავისუფალი. მისი სამეფო ისე მიუდგომელი იყო, რომ ამიერ-საქართველოთვან იქ გადადიოდენ თათართაგან თავის საშველად. თათრები თავის თავად ვერ გაბედავდენ ამ ქვეყანაში შესევას, რომ არ გამოსხენოდათ ჩამგონებელი და დამხმარე რაჭის ერისთავი კახაბერი. პირდის ინტერესით გატაცებულმა კახაბერმა მიმართა აბალა ყაენს და სთხოვა, რომ მის წინამძღვრობით გაეგზავნა იმერეთს ჯარი. მართლაც თათრის ჯარმა (30,000 კაცმა) მოახერხა შესვლა და მოულოდნელად თავდასხმა ქუთაისზე. მეფე ამ დროს აბანოში იყო და ძლივს მოასწრო გაქცევა. თათრებმა დაიწყეს ქალაქისა და მიდამოების იკლება. დავით მეფემ ხელათ შეაგროვა ჯარი და თავს დაეცა თათრებს, რომელნიც სწრაფად გამობრუნდენ უკან. ამნაირადვე შეუძლება კახაბერ ერისთავი თათრებს მეორე ჯერ და ამნაირადვე სწრაფად განდევნილ იქნენ ქართველთაგან. დავით მეფემ ამის შემდეგ გამოდევნა რაჭითვან კახაბერ ერისთავი. მაგრამ რავდენისამე ხნის შემდეგ კახაბერმა

სთხოვა დავით მეფეს პატივება და დაბრუნება რაჭაშა—
დავით მეფემ შეისმინა მისი თხოვნა და სინანული და
დააბრუნა, მაგრამ კახაბერშა არ დაიცვა თავისი ფიცი
და კიდევ შეუდგა ლალატს. მან მისწერა წერილი ჯა-
ვახეთში მდგარს თათრის ნოინს, რომ შემოსულიყო ჯა-
რით იმერეთს და პირდებოდა თავის მხრით შემწეობას.
ეს წერილი დავით მცფეს ჩაუვარდა ხელთ. მეფემ შეიპ-
ყრა კახაბერი, დასწვა თვალები და მოაკვეთინა თითო
ხელი და ფეხი, თოლო ორი მისი შვილი განდევნა სა-
მეფოთგან.

ამის შემდეგ დავით მეოთხემ იცხოვრა მშვიდობით-
ნად და გადაიცვალა მოხუცებული (1293 წ.).

XV

თათრების მცენობელობის დრო.

(შემდეგი და დასასრული).

დამიტრი მეორის გამეფება.—თამეუს მდგომარეობა.—დამიტრი მე-
ფის თავდადება.—ვახტანგის მცენობა.—დავით მეექვის გამეფება და მისი-
გადგომა თათართაგან.—გიორგი მეექვთის გამეფება ყაენისგან.—დავით მეფის
და რის ძმის ვახტანგის მტრობა.—ვახტანგის გამეფება.—ხარბანდა ყაენი და
ქართველობა.—გიორგი მეექვის გამეფება.—გიორგი მეექვთის ხელმეორედ
გამეფება.

1. **დამიტრი მეორის გამეფება.**—დავით მეხუ-
თის სიკვდილის შემდეგ ამიერ-საქართველოს ტახტი ცა-
რიელი დარჩა სამის წლის გამავლობაში, რადგან დავით
მეფის შვილი დამიტრი პატარა იყო და ყაენმა არ და-
ამტკიცა მეფედ. ქართველები ამ ხნის გამავლობაში პირ-
დაპირ ყაენსა და მის ნოინებს ემორჩილებოდნენ. დი-
დებულებმა დაინახეს, რომ თათრები უმეფობის გამო
ძალის ავიწროებდნენ ქვეყანას და ამიტომ გადაწყვიტეს.

მოეთხოვნათ დიმიტრის გამეფება. ყაენბა შეიწყნარა ეს თხოვნა და დიმიტრი დაამტკიცა მეფედ (1272 წ.).

2. **სამფოს მდგომარეობა.** — დიმიტრი მეფის უმთავრესი ხელისუფალი იყო ათაბაგი სადუნ მანკაბერ-დელი, რომელიც მეფის მცირეწლოვანობის გამო სამეფოს მართავდა როგორც მეფის მზრუნველი. დიმიტრის მამაზე გამწყრალი სამცხის ერისთავი სარგის ჯაყელი ახლა ხომ უფრო აღარაფერში ემორჩილებოდა მეფეს. თათრების მფლობელობაც უფრო გამტკიცდა და ქართველები ერთგულად სწევდნენ თათრების სამსახურს: აქლევდენ ხარჯს და ლაშქრობდნენ აზის შორეულს ქვეყნებში. თუ რა შედეგი მოჰყვა თათრების მფლობელობას, ეს აღმოაჩინა ამიერ-საქართველოს მეორე აღწერამ, რომელიც მოახდინეს თათრებმა დიმიტრის მეფობაში. ამ აღწერამ ცხად-ჰყო, რომ სულ მცირე ხნის ვამავლობაში საქართველოში შესამჩნევად ეკლო მცხოვრებთა რიცხვსაც და ხალხის ნივთიერს შეძლებასაც.

ნივთიერს გავლენასთან თათრებმა ზნეობრივი გავლენაც იქონიეს ქართველებზე, უმთავრესად კი მეფესა და დიდებულებზე. ამის ცხადს მაგალითს იძლევიან მეფე დიმიტრი და მისი ათაბაგი სადუნ მანკაბერდელი, რომელთაც ერთსა და იმავე დროს სამ-სამი ცოლი ჰყავდათ. ქართველების ძველის ზნე ჩვეულების დამცველებად და თათრების გამხრიწნელის გავლენის მოწინაამდეგებათ გამოვიდენ ეკლესის მსახურნი, რომელთა შორის მოსახსენებელნი არიან ნიკოლოზ კათოლიკოზი, ბასილ მონაზონი, პიმენ სალოსი გარესჯელი და ანტონ ნაონერებელიძე.

მეფე დიმიტრი პირადად ძალიან გულ-კეთილი კა-

ცი იყო, ზრუნავდა ქვეყნის სიკეთისათვის, მაგრამ არ ჰქონდა არც იმოდენა კუუა და არც იმოდენა ხასიათის სიმტკიცე, რომ რამე წინაამდევობა გაეწია თათრებისა-თვის საქართველოს სიკეთისათვის ის სხვა ღონეს არა ხედავდა თათართათვის ერთგულის სამსახურის გარდა.

თავის ერთგულის სამსახურის მიუხედავად დიმიტრი შეიქნა თათრების ყაენის ძალმომრეობის მსხვერპლი.

3. **დიმიტრი გელის თავდადება**.—აბალა ყაენი მოკვდა 1282 წ. და მის მაგიერ გაყაენდა ძმა მისი თა-კუდარი, რომელსაც მაჲმადიანობის მიღების შემდეგ და-ერქვა სახელად აჲმადი. ეს გამუსულმანებული ყაენი არ უყვარდათ ძველის წარმართობის მიმდევარს თათრის ნოინებს და ამიტომ ზოგიერთებმა ყაენად აირჩიეს მისი ძმის აბალას შეიღლი არლუნი. აჲმადი შეებრძოლა გან-დღომილს ნოინებს და თავის ძმისწულს არლუნს. არლუ-ნი იძულებული შეიქნა შერიგებოდა ბიძას და უარი ეთქვა ყაენობაზე, მაგრამ მან არ შეასრულა თავისი სიტ-ყა. პატარა ხანს უკან ისევ გაუდგა ბიძას და კიდეც მოაკვლევინა იგი, ხოლო თითონ ყაენად გამოცხადდა. დიმიტრი მეფემ, რომელიც წინად აჲმადის გულისთვის იბრძოდა, ახლა არლუნს გამოუცხადა ერთგულობა და მორ-ჩილობა. ვერც არლუნმა დააკმაყოფილა ნოინები და ამათ მის წინაამდევგაც გამართეს შეთქმულობა. არლუნ ყაენმა შიპურო შეთქმულები და ყველანი დასაჯა სიკვდილით. ექვი აიღეს, ვითომ დიმიტრი მეფეც მომხრე ყოფილიყვეს შეთქმულებისა და ამიტომ არლუნ ყაენმა ის დაიბარა თავისთან პასუხის მისაცემად. ქართველმა დიდებულებმა იცოდნენ, რომ დიმიტრი მეფე ყაენთან წასვლით დიდს საფრთხეში აგდებდა თავის თავს და ამიტომ ურჩევდენ წაუსვლელობას და ძალით წინაამდევობის გაწევას. მაგ-

რამ მეფემ წარმოიდგინა, რომ წაუსვლელობას მოჰყვებოდა თათრების შემოსევა საქართველოში და ამიტომ თავის გამართლების მომედე წავიდა ყაენთან თავის პატარა შეილით დავითით, აბრამ კათოლიკოზით და მცირეოდენის მხლებლებითურთ.

ვიღრე დიმიტრი მეფე ყაენთან მრვიდოდა, ყაენს მის მისვლის იმედი გადაეწყრტა და ამიტომ საქართველოს ასაკლებად და დიმიტრის შესაპყრობად გამოეგზავნა ჯარი. ამ ჯარს დიმიტრი მეფე გზაში შეხვდა და მასთან ერთად განაგრძო გზა ყაენთან.

ყაენმა დიმიტრი მეფე გადასცა სამსჯავროს. სადუნ მანკაბერდელის შეილის ხუტლუ-შაჰის ჩაგონებით ყაენ-მაც და მსაჯულებმაც დიმიტრი მეფე სცნეს დამნაშავედ და მიუსაჯეს სიკვდილი. ხუტლუ-შაჰი მტრობდა დიმიტრი მეფეს იმისთვის, რომ მან არ მისცა მას მის მამის სადუნ მანკაბერდელის შემდეგ ათაბაგობა. მეფეს მოჰყვეთეს თავი 1289 წ. უნდოდათ მის შეილის დავითის მოკვლაც, მაგრამ ტაჩარ ნაინმა შეიბრალა იგი და სთხოვა ყაენს მისთვის გადაეცათ იგი.

მეფის თავის მოკვეთას დაესწრენ აბრამ კათოლიკოზი და სხვა ქართველები. ამათ გადაწყვიტეს მისი გვამი წაესვენებინათ საქართველოში და, რადგან ამის ნება არ მისცეს, მოისყიდეს ყაენის მოხელეები და მოპარვით წამოაღებინეს თევზის სავაჭროდ მოსულს ქართველებს თევზის ტვირთის სახით. დიმიტრი მეფეს ისტორიამ უწოდა თავდადებული, ხოლო ეკლესიამ თავდადებისთვის ჩარიცხა წმინდათა შორის.

4. ვახტანგის მეფობა.— დიმიტრი თავდადებულის შემდეგ არლუნ-ყაენმა ხუტლუ-შაჰის ჩაგონებით ამიერ-საქართველოს მეფის ტახტი შეაძლია დავით მე-

ოთხის შვილს ვახტანგს. დავით მეოთხეს . ჰკუაში და-
უჯდა ასეთი წინადადება ყაენისა და გამოისტუმრა ტფი-
ლისში გასამეფებლად თავისი შვილი ვახტანგი. არღუნ-
ყაენმა მასთან მისულს მიათხოვა ცოლად თავისი და
ოლჯათი და გამოისტუმრა მეფედ საქართველოში (1289
წ.). ვახტანგ მეფე, ისტორიაში ცნობილმა ვახტანგ
მეორედ, მადლობის ნიშნად ხუტლუ-შაპს მისცა ათაბა-
გობა და დაიახლოვა თავისთან. ამას გარდა დიდის პა-
ტივით მოეკიდა თავის ბიძაშვილის დიმიტრის შვილებს
და მისცა სარჩოდ მამული. თავის კეთილის მართველო-
ბით შეაყვარა თავი დიდებულებს, ასე რომ, როდესაც
ხუტლუ-შაპმა პირადის უკაყოფილობის გამო დაიწყო
ყაენთან მეცადინეობა მის წინაამდეგ, დიდებულებმა
მხარი დაუკირეს მეფეს და არ ინდომეს დიმიტრი მე-
ფის შვილის დავითის გამეფება მის ნაცვლად. ქართვე-
ლობა შესკეროდა ვახტანგ მეორეს ორგორც საქართვე-
ლოს გამაერთიანებელს. რაღაც მის მამის დავით მეოთ-
ხის სიკვდილის შემდეგ იმიერ-საქართველოს ტახტიც ვას
უნდა დარჩენოდა. სამწუხაროდ ეს მოლოდინი არ შე-
უსრულდათ ქართველებს, რაღაც ვახტანგ მეორე მოკვ-
და ძალიან მალე, თავის მამის წინ, სრულის სამის წლის
მეფობის შემდეგ (1292 წ.).

5. დავით მეევდეის გამაფება და მისი გადგოვა
თათანთაგან.—ვახტანგის სიკვდილის შემდეგ ამიერ-
საქართველო კიდევ უმეფოდ დარჩა და ყაენი განაგებდა
პირდაპირ ხუტლუ-შაპის საშვალებით. ამ დროს ყაენად
იჯდა არღუნის ძმა ქელთუქონი, რომელიც გაყაენდა
1291 წ. ქელთუქონ ყაენმა 1293 წ. გამართა ლაშქრო-
ბა ქალაქ ტუნდუზალოს წინაამდეგ და საქართველოთვან
გაიწვია დიდძალი ჯარი. დაიბარა სალაშქროთ აგრეთვე

ხუტლუ-შაჰი და დავით დიმიტრი მეფის შვილი. აძიერ-საქართველო სრულიად უპატრონო დარჩა. ამით ისარ-გებლეს ოსებმა და დაიწყეს ქართლის სოფლებსა და ქალაქებზე თავდასხმა, დაიჭირეს გორის ციხე და შიგ გამაგრდენ. თათრის ნოინები ქართლის დაცვის მაჯიდი აქეზებდენ ოსებს სარბევად და ასაკლებად. ტუნდუჩა-ლოს აღების შემდეგ, რომელსაც ოთხი თვე დასკირდა, ქელთუქონ ყაენმა ქართველი ლაშქარი დააბრუნა უკან და მეფედ დანიშნა დავით დიმიტრის შვილი, ცნობილი დავით მეექვსედ (1293 წ.).

ქელთუქონ ყაენის შემდეგ ყაენად გახდა მისი ბი-ძაშვილი ბაიდო (1294 წ.). რავდენისამე თვის შემდეგ ამ ყაენს გაუდგნენ ნოინები და ყაენად დასვეს არღუნ ყაენის შვილი ყაზანი. ბაიდოს მომხრე ნოინი თუქალი გამოიქცა სამცხეში ბექა ჯაყელთან, ხოლო შვილი გა-მოგზავნა დავით მეფესათ. ყაზანმა მოითხოვა დავით მეფისაგანაც და ბექა ჯაყელისაგანაც თუქალისა და მის შვილის გაცემა. მეფემ გაუგზავნა ყაზანს თუქალის შვი-ლი, ისე როგორც ბექამ თვით თუქალი. ყაზან ყაენმა თავის პირობის მიუხედავად თუქალის ხელშეუხებლობის შესახებ სიკვდილით დასაჯა თუქალი. ამ იმბავმა დავითს შიში აუძრა, რომ ყაენი არც მას დააყრიდა ხეირს თუ-ქალის მეგობრობისათვის და ამიტომ ალარ წავიდა ახლად გაყაენებულის ყაზანის სანახავად, როგორც ეს წესად იყო მიღებული. დავით მეფე რომ თავის ნებით არ მი-ვიდა, ყაზან ყაენმა თითონ დაიბარა. დავითი ახლა მო-იქცა სრულებით წინაამდეგ თავის მამის მაგალითისა. დიდებულები ურჩევდენ დავითს წასულიყო ყაზან ყაენ-თან, მაგრამ დავით მეფე დიდებულების რჩევის მიუხე-დავად, არ წავიდა ყაენთან და გამაგრებას შეუდგა მთიანს

ადგილებში, სახელდობრ უინვანში. აქედგან იწყება გამუდმებული ბრძოლა დავით მეფისა თათრის ჯართან, რომელიც ყველს წელს შემოდიოდა ქართლში მის შესაპყრობად და დასამორჩილებლად. დავით მეფემ თავის-თვის დაბმარება სთხოვა ჩრდილოეთის ყაენს ოთახას, მაგრამ არც იქითგან მოსდიოდა შემწეობა. თათრებისაგან წაქეზებული ოსები თავხედურად იკლებდენ ქართლის სოფლებს და არ აძლევდენ მოსვენებას დავით მეფეს.

6. გიორგი მესუთის გამაფება უამინდან.

დავით მეფის წინაამდევ ყაზან ყაენმა საქართველოს მეფედ გამოაცხადა დავითის უმცროსი ძმა მცირეშლოვანი გიორგი (1247 წ.), რომელიც იზრდებოდა თავის პაპას-თან სამცხის ათაბაგს ბექასთან. ამით ყაზან ყაენს უნდოდა მიემხრო თავისკენ მძლავრი სამცხის ერისთავი ბექა და მის საშვალებით ქართლ-კახეთის დიდებულები, მაგრამ ვერ მიაღწია მიზანს. ქართველი დიდებულები ერთგულობდენ დავით მეფეს და გიორგის არ სცნობდენ მეფედ. დავით მეფე წინაანდებურად გამაგრებული იყო თავის ძმებით ვახტანგით და შანულითურთ მთიულეთში და ცხარე წინაამდევობას უწევდა შესეულს თათრებს.

7. დავით მეფისა და მის ძმის ვახტანგის მორგა. ვახტანგის გამაფება.

— მაგრამ მალე დავითსა და ვახტანგს შორის უკმაყოფილება დაიბადა და ვახტანგი წავიდა ყაზან ყაენთან ერთგულობის გამოსაცხადებლად. ყაზან ყაენმა დიდის პატივით მიიღო ვახტანგი, მეფედ დაამტკიცა და გამოისტუმრა თათრის ჯარითურთ ტფილის (1299 წ.). არც ვახტანგის გამეფებით ეშველა საქმეს ყაენის სურვილისამებრ. დავით მეფეს ერთგულად შერჩნენ სამეფოს ჩრდილოეთის ნაწილის მცხოვრებნი და

ვახტანგი სკნეს მეუედ მხოლოდ ტფილისში და მის სამხრეთად მდებარე აღგილებში.

დავითის თათრებთან ბრძოლა შეიცვალა ძმათა შორის ბრძოლას, რამაც, უფრო მეტად შეაწუხა ქვეყანა. ყველაზე მეტად შეწუხდა ქართლი, სადაც ერთის მხრით თათრები დათარებობდნენ, მეორე მხრით ოსები. შეწუხებული ხალხი იყრებოდა თავის მამაპაპეულის ბინითგან და სახლდებოდა სამცხეში, სადაც მშვიდობიანად მთავრობდა ბექა ჯაყელი.

8. ხარბანდა ზავი და ქართველობა.—1303

წ. მოკვდა ყაზან ყაენი და მის ადგილს გაყაენდა ძმა მისი ხარბანდა. ამ ყაენმა გაიღაშქრა გილანელებზე 1306 წ. და გაიწვია სალაშქროდ ქართველებიც ვახტანგ მეფის და ბექა ჯაყელის წინამძღვრობით. მართალია, თათრებიც და ქართველებიც მარჯვეთ იბრძოდნენ, მაგრამ ვერას გახდენ გილანელების წინაამდევ, რომლებიც თავგადადებით იცავდენ თავიანთ სამშობლოს. დამარცხებული ყაენი გამობრუნდა უკან და გამოისტუმრა ქართველები.

ქართველების მტრებმა და მაჭმადიანობის მოტრფიალე ყაენის მახლობლებმა ჩააგონეს ყაენს, რომ გილანში დამარცხება იმიტომ შეემთხვა მას, რომ იგი არ გთარველობს მაჭმადიანობას, ლმობიერად ეკიდება ქრისტიანებს და თვით ქრისტიანთა ჯარს — ქართველებს ამხედრებს მაჭმადიანს გილანელებზე. თუ გინდა გამარჯვებული იქნე, ქრისტიანობა უნდა მოსპო და ყველანი გაამაჭმადიანვო. ამ ჩაგონებამ იქონია ისეთი გავლენა ხარბანდა ყაენზე, რომ მან მაშინათვე გასცა ბრძანება, ქრისტიანები ძალათ გაემაჭმადიანებინათ და დაერღვიათ საყდრები. ასეთის მინდობილობით გამოგზავნა ჯარი

საქართველოშიც. გამოგზავნილი ჯარი მოეწია გილანი-თვან მომავალს ქართველებს ნახჲევანში. მეფემ რომ შე-იტყო ჯარის წინამძლოლის ნოინისაგან, რა აზრითაც მოდიოდა თათრის ჯარი, მიმართა ქართველებს წინადა-დებით, დაბრუნებულიყვენ ყაენთან და გამოუცხადები-ნათ პირად მისთვის, რომ ისინი თავის დღეში არ გამაჰ-მადიანდებოდენ. ქართველი ჯარი დაეთანხმა მეფეს და დაბრუნდენ მაშინვე ურდოში. ვახტანგ მეფე მივიდა ყაენთან, გამოუცხადა თავისი და ჯარის გადაწყვეტილე-ბა, მოაგონა ქართველთა ერთგული სამსახური თათრის ყაენებისათვის და ბოლოს უთხრა: აი, მომიხრია თავი და შეგიძლიანთ მომკრათ, თუ გნებავთ; ხოლო იცო-დეთ, ქრისტიანობას ვერ დავტოვებთ ვერც მე და ვერც აქ ჩემთან ერთად შენთან მოსული ქართველებიო. ამ სიტყვებმა და მეფის საქუიელმა დიდი ჩაბეჭდილება მო-ახდინა ყაენზე, უარჸყო თავის ბრძანება, დაუყვავა მე-ფეს და გამოისტუმრა სამშობლოში ისიც და მის ჯარიც. გზაში მეფე ვახტანგი ავად შეიქნა და მოკვდა (1306 წ.).

9. გიორგი მემათხსის გამოფება.—ვახტანგ მეფის სიკვდილის შემდეგ ათაბაგმა ბექა ჯაუელმა გაგზავნა ყაენთან თავის დისწული გიორგი დიმიტრი მეფის შვი-ლი, უკვე რავდენისამე წლის წინად მეფედ გამოუცხადე-ბული, რომ ახლა მეფობა მისთვის დაემტკიცებია. ყაენ-მა თავის მხრით კი უმჯობესად დაინახა, რომ დავით მეფე როგორმე შემოერიგებინა და ამიტომ გადაწყვეტა მის შვილის გამეფება საქართველოში. ამიტომ მან გაგ-ზავნა დავით მეფესთან მოციქული და შეუთვალა, რომ გაეგზავნა მასთან შვილი თვისი მეფედ დასამტკიცებლად. დავით მეფემ მიიღო ეს წინადადება და გაისტუმრა ყაენ-თან თავის მცირეწლოვანი შვილი გიორგი. ყაენმა გი-

ორგი მეფედ დანიშნა და გამოგზავნა უკან, ხოლო მის ხელმძღვანელობა და მის მაგიერ მართვა-გამგეობა მიანდო მის ბიძას გიორგი ტიმიტრის შვილს (1307 წ.). ახლად დანიშნულს მეფეს ისტორიამ უწოდა გიორგი მეექვე, რაღაც მის ბიძა და ხელმძღვანელი გიორგი უკვე ითვლებოდა წინად მეფედ, რის გამოც იწოდება გიორგი მეხუთედ.

ორის წლის შემდეგ გადაიცვალა დავით მეფე და მისი შვილი ცნობილ იქმნა მეფედ მთელს ამიერ-საქართველოში გარდა სამცხისა, სადაც ბექა ჯაყელის მსგავსად არც მის შვილები ემორჩილებოდენ მეფეს. ყაენმა მოსთხოვა მათ, რომ დამორჩილებოდენ გიორგი მეექვეს, მაგრამ უარი თქვეს.

10. გიორგი გევარის ხელმვრიდ გამოფენა.—

1316 წ. გადაიცვალა ყაენი ხარბანდა და გაყაენდა მის ადგილს მისი შვილი აბუსაიდი. რაღაც ის ჯერ კიდევ პატარა იყო, საქმეების გამგედ შეიქმა ჩოფან-ნოინი, კარგი მეგობარი გიორგი მეხუთისა. გაიგო თუ არა ყაენის სიკვდილი, გიორგი მეხუთე წავიდა ახალს ყაენთან წარსაღვენად და სათხოვნელად, რომ საქართველოს მეფედ ის დაემტკიცებინათ. ჩოფან-ნოინმა დიდის პატივით მიიღო გიორგი მეხუთე და დაუმტკიცა მეფობა მთელს ამიერ-საქართველოში (1316 წ.).

XVI

თათართა მფლობელობის მოსპობა და საქართველოს
აღორძინება.

გიორგი მეხუთის მომზადება მეფობისათვის.—ოსების დაწყნარება.—თათართა მფლობელობის უარყოფა.—ურჩის დიდებულების დასჯა.—რანისა და შირვანის დაპერა.—იმიერ-საქართველო დავით მეფის შემდეგ.—იმიერ-საქართველოს შემოერთება ამიერ-საქართველოსთან.—გიორგი მეხუთის მოღვაწეობა შინაურის ცხოვრების გაუმჯობესობისათვის.—მეზობელის მფლობელების ამხედვება საქართველოს წინააშდევ.—გიორგი მეხუთის სიკუდილი და მის შეილის დავითის მეფობა.

1. პირები მეხუთის მომზადება მეფობისათვის.

გიორგი მეხუთეს პირველად გამეფებითან (1297 წ.) მეორედ გამეფებამდე (1316 წ.) საქმარისი დრო ჰქონდა, რომ გაეცნო თავის ქვეყნის საშინელი მდგომარეობა, ჩატვირვებოდა მის მიზეზებს და შესაფერი აზრი შეედგინა იმის შესახებ, თუ რანაირად უნდა მოქცეულიყო საქართველოს მეფე ქვეყნის საშველად. ამაში მას ხელს უწყობდა მისი საღი გონება, გამჭრიახობა, ხასიათის სიმრკიცე და გონებრივი განვითარება, რომელიც მან შეიძინა თავის პაპის ბექა ჯაყელის ხელში.

2. ოსების დაწყნარება.—გამეფებისათანავე გიორგი მეხუთე შეუდგა მხნე მოქმედებას. პირველად მიაქცია ყურადღება მთიელების კადნიერებას და გადაწყვიტა მათი დაწყნარება. ოსებს ამ დროს ეჭირათ გორის ციხე და მთელი ქართლი სათარეშნოდ გაეხადნათ. მეფემ მოაგროვა რაც ძალა ჰქონდა, მიადგა გორის ციხეს და გადევნა იქითგან ოსები. რაკი ეს ბურჯი ხელითგან გამოაცალა, ოსებმა დაიწიეს მთებში და იქითგან დროვამოშვებით თუ გაბედავდენ ხოლმე სათარეშოდ გამოს-

ვლას. რომ არც ასეთი თარეშობა გაებედნათ, გიორგი
მეფე შევიდა თავის ჯარით მთებში, შეიპურო დაუდეგა-
რი მეთაურები და გამგებლებად დააყენა სანდო კაცე-
ბი. ამის შემდეგ ოსები იძულებულნი შეიქნენ დაწყნა-
რებულიყვნენ და მისცემოდენ მშვიდობიანს შრომას.

3. თათართა მფლობელობის უარისფა.—

ოსების დაწყნარების შემდეგ გიორგი მეფე შეუდგა იმის
ფიქრს, რომ თავისი სამეფო გაეთავისუფლებინა თათარ-
თა მფლობელობისაგან. ამისთვის, მის საბედნიეროდ,
დროც მარჯვე იყო. თათრის ნოინებში გაჩნდა ურთი-
ერთშორისი მტრობა და ქიშპი. თვითეული მათგანი
ცდილობდა მიეთვისნა უპირატესობა და დამოუკიდებე-
ლი გამხდარიყო ყაენისაგან. ამით მშვენივრად ისარგებ-
ლა გიორგი მეფემ. თანდათანობით შეუდგა თათრების-
გან დაჭრილის საქართველოს ციხეების აღებას და მე-
ციხოვნე თათრების განდევნას. საქართველოს ნოინები,
რომელთაც არა ჰქონდათ დახმარება არც სხვა ნოინები-
საგან და არც ყაენისაგან, იძულებულები იყვნენ დაეთ-
მოთ ადგილები გიორგი მეფისთვის. ბოლოს, როდესაც
ყაენი აბუსაიდი მოკლეს და მისი საყაენო დაიყვეს ნოი-
ნებმა, გიორგი მეფემ სრულიად უარჲო თათრების
მფლობელობა და დამოუკიდებლად გამოაცხდა საქარ-
თველო.

4. უჩჩის დიდებულების დასჯა.—გარეშე მტრე- ბისგან გათავისუფლების შემდეგ საჭირო იყო ქვეყანა გათავისუფლებულიყო შინაურის მტრებისგანაც, რო- მელთა წყალობით საქართველოს ვერ მოეხერხებინა ძა- ლის მოკრეფა და გამტკიცება. ამისთანა მტრები იყვნენ ას დიდებულები, რომელნიც მისდევდენ თავიანთ კერძო ანტერესს და ცდილობდენ, ხელი შეეშალათ მეფისთვის

წესიერების დამყარებაში. ამნაირის დიდებულებისგან მეფემ მოითხოვა სრული მორჩილება და ყოველის თავნებობისა და ურჩიბისათვის შეუბრალებლად სჯიდა და რისხავდა. სილაღეს და თავნებობას მიჩვეულისა დიდებულებმა ძალიან იუცხოვეს მეფის ასეთი მოპყრობა და გამართეს მის წინაამდეგ შეთქმულობა. მეფეს არ გამოგარა დიდებულების ავი განძრახვა და მოინდომა მათი შეპყრობა და სამაგალითოდ დასჯა. ამ აზრით მან დაიბარა თათბირის გასამართავად სამეფოს ყველა დიდებულები და მათ შორის შეთქმულები. ყველანი გამოცხადდენ. კრების დროს მეფემ მოიხსენია ის დანაშაული, რომელიც ბრალად ედებოდათ დიდებულებს. ეს დიდებულები იქვე დააჭირინა და გადასცა მოსამართლეებს მსჯავრის დასადებად. სასამართლომ დიდებულები დამნაშავეებად სცნო მოლალატეობაში და მიუსაჯა სიკედილით დასჯა. ეს განაჩენი მეფემ მაშინვე სისრულეში მოიყვანა. ამისთანა სასჯელმა თავ-ზარი დასცა დიდებულებს და საკვლავოდ იძულებულ ჰყო ხელი აეღოთ თავნებობასა და უწესოებაზე.

5. რანისა და შირვანის დაშმრა.—რაკი ამნაირად დაუმორჩილა თავის უფლობას დიდებულები და მით სრული წესიერება ჩამოაგდო სამეფოში, გიორგი მეფემ შესაძლებლად დაინახა საქართველოს ძველის საზღვრების აღდგენა. თავდაპირველად აღმოსავლეთის საზღვრებმა მიიპყრო მისი ყურადღება, რადგან ეს აღგილები თაორების ხელთ იყო და დროც ხელს უწყობდა მათ დაპყრობას. გიორგი მეფემ შეკრიფა თავისი ჯარი და შევიდა რანის (განჯა-ყარაბაღის) ქვეყანაში. წინაამდეგ-გობა ვერავინ გაუწია და სწრაფად დაიკირა ეს ქვეყანა. აქედგან მეფე გადავიდა შირვანს და ეს ქვეყანაც იმა-

ვე სისწრაფით დაიპყრა. ამნაირად თავის სამეფოს აღმო-
სავლეთის საზღვრად გიორგი მეფემ გაიხადა თეთრი
(კასპიის) ზღვა.

**6. იმიერ-საქართველო დავით მეოთხის უებ-
დებ.**—მაგრამ ეს არ კმაროდა. საქართველოს ძველის
დიდების ასაღენად საჭირო იყო მისი გაერთიანება. სა-
მეფოს ნახევარი ცალკე იყო და გიორგის არ ემორჩი-
ლებოდა. ქვეყნის სარგებლობა მოითხოვდა ამ ნაწილის
შეერთებას და მით სამეფოს გამთელებას. იმიერ-საქარ-
თველო დავით მეოთხის სიკვდილის შემდეგ ცუდს მდგო-
მარეობაში ჩავარდა. მის შვილებს კონსტანტინესა და
მიქელს შორის ჩამოვარდა ქიშპობა. ამ ქიშპობით
ისარგებლეს დიდებულებმა და თავნებობა დაიწყეს. ჯერ
იმეფა კონსტანტინემ, შემდეგ მისმა ძმამ მიქელმა. მათ
მეფობაში ისე დაეცა მეფის პატივი, რომ მიქელის სიკვ-
დილის შემდეგ დიდებულებმა მიქელის შვილს **ბაგრატს**
არცი აღირსეს მეფის სახელი და ისიც ისეთს დიდებულად
გადაიქცა, როგორიც სხვა დიდებულები იყვნენ. ამას მოჰ-
ყვა უწესობა და ორევ-დარევა, რაღაც ყოველი დიდებული
თავის სამფლობელოში მეფობას ეწეოდა. ამ გარემოებაშ
შეაწუხა იმიერ-საქართველოს მდაბიო ხალხი. შეწუხდენ
აგრეთვე დიდებულებიც, რაღაც თავიანთ თავნებობით
ერთმანეთის დამჩაგვრელნი შეიქნენ.

**7. იმიერ-საქართველოს უებორთება ამიერ-
საქართველოსთან.**—გიორგი მეფემ ისარგებლა იმიერ-
საქართველოს ასეთის მდგომარეობით და მოლაპარაკება
გამართა დიდებულებთან, რომ იგი ეცნოთ მეფედ. ბევრს
დიდებულს გაეხარდა გიორგი მეფის გამფება და დაჰ-
პირდა დახმარებას. გიორგი გადავიდა ჯარით ლიხთ იქით.
იმერლები დიდის აღტაცებით შეხვდენ მას. მაგრამ

აღმოჩნდენ იმისთანა დიდებულებიც, რომელთაც თავი-ანთ სარგებლობისათვის უმჯობესად მიიჩნიეს უძლურის ბაგრატის უფლების დაცვა გიორგი მეხუთის წინაამდეგზ. ამ დიდებულებმა ბაგრატი გაამაგრეს ქუთაისის ციხეში და არ მოინდომეს გიორგის გამეფება იმიერ-საქართველოში. გიორგი მეფე მიადგა ქუთაისის ციხეს და უნდოდა ძალით აელო. ბაგრატმა ვერ შესძლო დიდხანს გამაგრება და იძულებული შეიქნა დანებებოდა გიორგი მეფეს იმ პირობით, რომ მას მისცემოდა საუფლისწულოდ მა-მული. ქუთაისის ციხის დაჭრის შემდეგ გიორგი მეფემ დაიკირა მთელი იმიერ-საქართველო, ყველგან დააყენა თავისი ერისთავები და თვით ბაგრატს მისცა შორაპნის საერისთავო. ამნაირად თავის სამეფოს დასავლეთის საზ-ლვრად გიორგი მეფემ გაიხადა შავი ზღვა და მით აღად-გინა საქართველოს ბუნებრივი საზღვრები ზღვითგან ზღვამდე.

8. გიორგი გევარის მოღვაწეობა უინაურის ცხოვრების გაუმჯობესობისთვის.— საქართველოს გათავისუფლების და გაერთიანების შემდეგ გიორგი მე-ფე შეუდგა შინაურის წეს-წყობილების გაუმჯობესობას. შეადგინა სამართლის წიგნი როგორც საზოგადოდ მთე-ლის სამეფოსთვის, ისე კერძოდ ცალკე თემებისთვის, რომელნიც რამე გარეშოებით განსხვავებულს კანონებს ითხოვდენ. სამწუხაროდ ჩვენამდე ვერ მოაწია საზოგადო სამართლის წიგნმა და ცნობილია მხოლოდ მთიულთა-თვის შედგენილი სამართლის წიგნი, ძეგლის დებად წოდებული. ამ სამართლის წიგნის შედგენაში მონაწი-ლეობა მიიღეს თვით მთიულეთის მცხოვრებთა წარმომად-გენლებმა, რომელთაც გიორგი მეფემ მოუყარა თავი და რომელთა დადგენილებანი მან მხოლოდ დაადასტურა.

სამოქალაქო წესებთან გიორგი მაფე ჭრუნავდა სა-
ეკლესიო წესების გაუმჯობესებისათვისაც. ამიტომ მან
მოიწვია საეკლესიო კრება.

თათრების დროს დანგრეულს ქალაქებს, სოფლებს,
ციხეებს, საყდრებს და სხვა ანაგებთ გიორგი მეფე, რაც
კი შეეძლო, აახლებდა ან სრულებით ახლებს აშენებდა
მათ მაგიერ. გიორგი მეფის დაუცხრომელის შრომით და
პეკიანურის მოქმედებით საქართველო მეთოთხმეტე სა-
უკუნეში დაადგა ისეთის აყვავების და დიდების გზას,
როგორიც მან გაიარა მეთორმეტე საუკუნეში

9. მეზობელის მფლობელების ამხედრება სა-
ქართველოს ჩინაამდებ.—მეზობლები, რა თქმა უნ-
და, იმ დროს გულ-გრილად ვერ შეხედავდენ საქართვე-
ლოს ასეთს გაძლიერებას და, რაც ძალა ჰქონდათ, კი-
დეც ეცადნენ ხელი შეეშალათ ამ გაძლიერებისათვის.
იმ დროს, როცა მეფე გართული იყო შინაურის საქმე-
ების მოწესრიგებაში, მოულოდნელად შემოესია რანს
ადირბეგანის მფლობელი და მიადგა განჯას. გიორგი
მეფე ფიცხლავ წავიდა განჯისკენ, უეება თათრებს და
დამარცხებულნი უკუ აბრუნა. პატარა ხანს უკან მცირე
აზიის სულთანი ორხანი შემოესია კლარჯეთს. გიორგი
მეფე გაემართა მისკენ და თან მიუგზავნა კაცი, რომ დაბ-
რუნებულიყო უკან და მტრობაზე ხელი იეღო. სულ-
თანმა არ მიიღო მეფის წინადადება და განაგრძო ლაშ-
ქრობა. გიორგი მეფე შეება სულთანს და გაუმართა
ბრძოლა, რომელშიაც გამარჯვებულნი დარჩენენ ქართ-
ველები.

10. გიორგი გეზთის სიკვდილი და მის შვი-
ლის დავითის მეფობა.—გიორგი მეფე მის მოღვაწე-
ბისათვის ისტორიაში წოდებულ იქნა ბრწყინვალედ.

იგი გარდაცვალა 1346 წ. და სამეურ გვირგვინი დაუტოვა თავის შვილს დავითს, ისტორიაში დავით მეშვი-ლედ წოდებულს.

დავით მეშვილემ განაგრძო მამისგან დაწყებული საქმე საქართველოს მშვიდობიანის მოწყობისა და მოშენებისა. ამის მეფობაში ქართველი ერი სავსებით დასტკბა იმ ნაყოფით, რომელიც გამოიღო გიორგი ბრწყინვალის და მის დროის ქართველობის ღვაწლმა. დავითმა იმედა მშვიდობიანად თოთხმეტს წელს და გადაიცვალა 1360 წ.

XVII

საქართველო და თემური.

თათრები და თემური.—თემურის პირველი შემოსევა და ბაგრატ მესუთია დატევეება.—ბაგრატის ტკელობითობან დახწევა.—თემურის შეარე შემოსევა.—ბაგრატ მესუთის სიკედილი და გიორგი მეშვიდის გამეფება.—თემურის შესახე და მეოთხე შემოსევა.—გიორგი მეფის მოლაპარაკება თემუ—თან.—თემურის შესუჟ შემოსევა.—თემურის გალაშქრება რუსეთს და იქითვან დაბრუებულის მეცეს შემოსევა საქართველოში.—თემურის მეშვილე შემოსევა და გიორგი მეფის მოლაპარაკება მასთან.—თემურის დაბრუნება სათათრეთს და მისი სიკედილი.—ცდა იმიტრ-საქართველოს გაცალკევებისა.

1. თათრები და თემური.—საქართველო, გიორგი ბრწყინვალის მიერ განახლებული და გაძლიერებული, ხელაბლა დაუძლურდა მეთოთხმეტე საუკუნის გასულს ბაგრატ მესუთის და მის შვილის გიორგი მეშვიდის მეფობაში. საქართველოს დამაუძლურებელნი ამ გზობითაც თათრები იყვნენ. თათრის ერთის თემის უფროსმა თემურმა ამ საუკუნის ნახევარში შეაერთა ხელახლად დანაწილებული სათათრეთი და შეუდგა იმ ქვეყნების დაპყრობას, რომელნიც ჩინგიზ-ყაენის და მის მემკვიდრეების სამფლობელოს შეადგენდენ.

თემური, რომელიც ევროპელთაგან წოდებულია ტამერლანიად, იყო ჰევიანი, მარჯვე, მამაცი და დაულალვი კაცი. ამ კარგს თვისებებთან მას ჰქონდა ერთი დიდი ნაკლულევანება: იყო მეტად შეუბრალებელი და ვერაგი მტერთა მიმართ. სადაც-კი წინაამდევობას გაუწევდენ, იქ დაუნდობლად იკლებდა ქვეყნებს და ელეტ-და მცხოვრებლებს. აკლებასა და ულეტაზე ხელს იღებდა მხოლოდ ერთს შემთხვევაში, როდესაც დამარცხებული მტერი არ იყო მაჰმადიანი და თავის სარწმუნოებას სცვლიდა მაჰმადიანობაზე. თემური ერთს ბრძოლაში დაჰკოდეს ფეხში და დაკოჭლდა, რის გამო სპარსელები უწოდებდენ მას. თემურ-ლანგს, ე. ი. თემურ კაჭლს. თემურ-ლანგი ევროპელებმა გადააკეთეს ტამერლანად.

2. **თემურის პირველი შემოსევა და ბაზრატ მეფის დაფუძვებება.** — 1386 წ. თემურმა დაიპყრო მთელი სპარსეთი და საზამთროდ გაჩერდა ყარსში. 1387 წ. გაზაფხულზე თემური გამოემართა ტფილისისაკენ. ამის შემტყობმა ბაგრატ მეფემ ტფილისი გაამაგრა, ხოლო შვილი თვისი გიორგი სამწევრისში დააყენა. თემური მიადგა ტფილისს და ალყა შემოარტყა. ბევრს ხანს გასტანა ქალაქის გარემოცვამ. ქართველები თავდადებით იგერებდენ თემურის ჯარის ყოველს მისევას და ამიტომ ძალიანაც დაიღიალნენ, რადგან მტერთა რიცხვი აუარებელი იყო და ხშირად მიჰქონდათ ქალაქზე იერიში ახალ-ახალის ძალით. ბაგრატის შვილმა გიორგიმ ვერ ვაბედა საშველად მისვლა სამწევრისითგან და ამიტომ თითონ იმერეთს გადავიდა. მთელი ქართლი და კახეთი ვაიხიზნა. გამუღმებულის ბრძოლისაგან და გარემოცვისაგან შეწუხებულმა ტფილისის მეციხვნე ჯარმა ველარ გაუძლო მტერს და თათრებმა აიღეს ქალაქი. თემურმა

სრულებით აკლებინა ქალაქი და ტყველ ჩაიგდო მეფე
და დედოფალი.

თემური ბევრს ხანს არ დარჩა ტფილისში. ის წა-
ვიდა ყარაბაღს და თან წაიყვანა მეფე და დედოფალი.
თემურმა წინადადება მისცა ბაგრატის, რომ გამაჰმადია-
ნებულიყო. ამ შემთხვევაში პპირდებოდა გათავისუფლე-
ბას და საქართველოს აკლებაზე ხელის აღებას. ბაგრატი
არ დათანახმდა. მაშინ თემურმა ყარაბაღითვან გამოგ-
ზავნა ჯარი ქართლის ასაკლებად. ამ ჯარმა გაშმაგებუ-
ლის სივერაგით აიკლო და ააოხრა ქალაქები და სოფ-
ლები, დაწვა და დაანგრია საყდრები და მონასტრები.
სხვათა შორის დაანგრიეს მცხეთის სვეტიცხოველი, ქვაბ-
თახევის მონასტერი და რუისის საყდარი. ქართლითვან
თათრის ჯარი გადავიდა კახეთს და აქაც აიკლო და
ააოხრა ყველაფერი. ქართლისა და კახეთის აკლების
შემდეგ თემურმა დაიპყრა შირვანი და დალესტანი.

3. ბაგრატის ტყველითვან დახვევა.—გაოხ-
რებული საქართველო თათრების წასვლის შემდეგ ისევ
გამოცოცხლდა, ხალხი სახიზრითვან გამოვიდა და შეუდგა
შენებას. ბაგრატ მეფის ადგილი დაიჭირა მისმა შეილმა გი-
ორგიმ, რომელიც იმერეთში იყო დაბინავებული. ბაგრატ
მეფეს ტყვეობაში გული უდუღდა მტერთა შურის ძიე-
ბის სურვილით და ნატრობდა სამშობლოში დაბრუნებას.
ამ სურვილის შესასრულებლად მან ცბიერობა იხმარა.
თემურს გამოუტხადა, მსურს მიგილო მაჰმადიანობა და
დავბრუნდე ჩემს სამეფოში იმ აზრით, რომ ჩემს ხალხსაც
მივაღებინოვო. თემურს ძალიან ესიამოვნა ბაგრატის
განცხადება და დაპირდა გაშვებას საქართველოში თათ-
რის ჯარითურთ. მართლაც მიიღო თუ არა ბაგრატმა
მაჰმადიანობა, თემურმა ჩააბარა მას 12,000 ჯარის კაცი

და გამოისტუმრა. ბაგრატმა წამოსვლის წინ აცნობა თავის შვილს გიორგის ყველაფერი და მოსწერა, რომ დანიშნულს ადგილს ჩასაფრებოდა მის მიმყოლს თათრის ჯარს და გაეწყვიტა მოულოდნელის თავდასხმით. ეგრეც მოიქცა გიორგი. ჩასაფრდა ვიწრო გასავალში, სადაც უნდა გაევლო ბაგრატს თათრის ჯარითურთ, მოიმწყვდია ეს ჯარი შუაში და სულ ერთიანად ამოწყვიტა.

4. თემურის მეორე შემოსვევა.—ამ ნაირად ბაგრატ მეფემ თავი დაიხსნა ტყვეობისაგან და შვილთან ერთად შეუდგა თავის ქვეყნის მაგრებას და მოშენებას. მაგრამ საშიში იყო თემურის რისხვა და ჯავრი. მთელის ქვეყნის დამორჩილებით გაამაყებული ცეცხლს აფრქვევდა თავის ჯარის ამოწყვეტის გაგონებაზე. ის მოწადინებული იყო მაშინვე წამოსულიყო ჯავრის ამოსაყრელად, მაგრამ ეს ვერ გაბედა. ჯერ ერთი დრო არ იყო შესაფერი, რადგან ზამთარი იყო მოტანებული, მერე ჯარიც მოსაგროვებელი ჰყავდა. ამიტომ გალაშქრება გადასდო საგაზაფხულოდ და შეუდგა მზადებას. 1388 წლის მარტში თემური წამოვიდა შაქითგან. ამის მომლოდინებაგრატმა ყველაფერი დაამზადა. ხალხიც მზად იყო გასახიზნავად ციხე-სიმაგრეებში და მიუდგომელს ადგილებში, თუ მტერი მოახერხებდა საქართველოში შემოსვლას. ბაგრატ მეფე გაემართა თემურის შესახვედრად. ქართველებისა და თათრების შეხვედრის დროს გაიმართა საშინელი ომი. ქართველები მეტად მხნედ იბრძოდენ და თემურის მძლავრს ჯარს უკან აწევინებდენ. მაგრამ ბოლოს მტერთა სიმრავლემ გატეხა ქართველების სიმამაცე. ბაგრატ მეფემ უკან დაიწია და შეეფარა მაგარს და მიუდგომელს ადგილს. თემური შემოვიდა ქართლში, მოიარა მთლად ეს ქვეყანა და რაც ნახა ყველაფერი აიკლო

და ააოხრა. მის სამწუხაროდ ხალხი ყველგან გახიზნული დახვდა. როდესაც აკლებით გული მოიოხა თემურმა, ისევ უკან დაბრუნდა ყარაბაღში. აქ მას მაღე მოუვიდა ამბავი, რომ სათათრეთს შესეოდა ოქროს ურდოს ხანი თოხთამიში, და ამიტუმ სწრაფად გაეპართა გასაღევნად (1388 წ.).

5. გაგრატ შეცის სიკვდილი და გიორგი მე-
შვიდის გამაფაგა.—ამის შემდევ ბაკრატმა იმეფა მშვი-
ლობიანად. აშენებდა და აახლებდა ყველაფერს, რაც
თათრებმა დაანგრიეს და გააფუჭეს. ამ მოღვაწეობაში
იგი გადაიცვალა 1394 წ. და სამეფო ტახტი დაიჭირა
მისმა შვილმა გიორგიმ.

6. თემურის მმახვ და მოოთხე შემოსევა.—
თოხთამიშის განდევნის შემდევ თემურმა ხელახლად იბ-
რუნა პირი დასავლეთისაკენ (1392 წ.). შემოვიდა ჯერ
სპარსეთში და ორის წლის გამავლობაში ხელახლად და-
იმორჩილა ურჩი ქვეყნები. აიღო აგრეთვე ბალდადი
(1393 წ.). 1394 წ. თემური წამოვიდა საქართველოსა-
კენ და წინდაწინ შემოუგვალა გიორგი მეფეს, რომ მი-
სულიყო მასთან და მორჩილება გამოეცხადებინა. გიორ-
გიმ მორჩილების გამოცხადებაზე უარი შეუთვალა და
თავის ჯარით გაემართა მის შესახვედრად. თათრებისა და
ქართველების შეხვედრის პირველს დღეს გამარჯვება
ქართველებისკენ იხრებოდა. სალამოს ქართველები მიეც-
ნენ მოსვენებას, რადგან მეტად დაღალულები იყვენ
მთელის დღის ბრძოლით. თემური სწორედ ამას ელოდა,
მიუსია ქართველებს დასვენებული ჯარი და გაიმართა
მრისხანე ომი. დაქან ცულმა ქართველებმა ველარ შესძლეს
წინაამდევეგობის გაწევა და უკან დაიხიეს. გიორგი მეფე
თავის ჯარით შეეფარა მაგარს ადგილს, თემური-კი გა-

ემართა ტფილისისკენ. ტფილისი გამაგრებული იყო, მაგრამ თემურმა მალე აიღო და შივ შეაყენა მეციხოვნე ჯარი, ხოლო თოთონ წავიდა მუხრანისკენ და იქ დაბენაკდა. აქეთგან გაუსრა ჯარი და მოაოხრებინა მთელი ქართლი. ზოგიერთი ქართველი ლიდებულები მოვიდენ თემურთან და მორჩილება გაძოუცხადეს. დანარჩენები გამაგრდენ მიულგომელს ადგილებში.

თემურმა მალე მიატოვა ქართლი და დაიწია ყარაბალისაკენ. გიორგი მეფე თავისუფლად შეუდგა ქვეყნის მართვა-გამგეობას და ტფილისის აღებას მეცადინეობდა. ამ ამბის გაგებაზე თემურმა ხელახლად გაგზავნა ჯარი გიორგი მეფის შესაპყრობად და ქვეყნის გასაოხრებლად. მაგრამ თათრებმა ვერც ახლა შეიპყრეს გიორგი მეფე და ჯარი უკან დაბრუნდა.

7. გიორგი გეზის მოლაპარაკება თემურთან.

— გიორგი მეფემ ამის შემდეგ დაინახა, რომ ბოლო არ ეღებოდა ქვეყნის აოხრებას თემურისაგან და ამიტომ მოინდომა მორიგება მასთან. თემურმა სიამოვნებით მიიღო გიორგი მეფისაგან მორიგების ჩამოსაგდებად გაგზავნილი კაცი და შემოუთვალა, რომ თითონაც მისულიყო მასთან.

8. თემურის გეხუთი ჟაზოსევა.— ვიდრე გიორგი მეფისაგან მიიღებდა პასუხს, თემური შეესია სამცხეს. ამ ქვეყნის მთავრის ივანე ჯაველის ჯავრი სჭირდა, რადგან ის გიორგი მეფეს მორჩილობდა და მასთან ერთად ებრძოდა მას მეორედ შემოსევის დროს. თემურმა აიკლო სამცხე და ისევ ქართლში დაბრუნდა. გიორგი მეფისგან პასუხის მომლოდინე დაბანაკდა მანგლისში. გიორგი მეფე-კი არ აძლევდა სასურველს პასუხს, რაღაც პირად მისვლა თემურთან მას სახიფათოდ მიაჩნდა.

9. თემურის გალაზრება რუსეთს და იქით-გან დაგრუებულის მემკვეთ შემოსევა სამართველოში.—თემურის მანგლისში ყოფნის დროს ოქროს ურდოს ხანი თოხთამიში შემოესია შირვანს (1395 წ.). გაიგო თუ არა ეს ამბავი, თემური მაშინვე გაეშურა თოხთამიშის გასადევნად. თოხთამიშმა უკან დაიხია და თემური კვალდაკვალ გამოედევნა. თერგის პირად მოხდა დიდი ბრძოლა თოხთამიშისა და თემურის შორის, სადაც დამარცხდა თოხთამიში. ამ გამარჯვების შემდეგ თემური შეესია რუსეთს და ძლევა-მოსილი მივიღა მოსკოვის მიდამოებამდე. იქითგან გამობრუნებულმა გამოიარა დალესტანზე და შემდევ დაბრუნდა თავის სატახტო; აქ დარჩა რავდენსამე ხანს და შემდეგ დაბრუნდა თავის სატახტო ქალაქს სამარკანდს (1396 წ.), ადერბეჯანისა და საქართველოს მმართველად-კი დატოვა თავისი შვილი მირან-შაჰი.

10. თემურის მეშვიდე შემოსევა და გიორგი მეფის მოლაპარაკება მასთან.—თემური ბევრს ხანს ვერ გასძლებდა უომრად. ამიტომაც ახლა მოინდომა ინდოეთზე გალაშქრება და ახალის ქვეყნების დაპყრობა. ეს სურვილი მან შეასრულა 1398 წ. მოიარა ძლევა-მოსილმა ინდოეთი და 1399 წელს დაბრუნდა უკან.

ინდოეთითგან დაბრუნებულმა თემურმა შეიტყო, რომ მის შვილი მირან-შაჰი გაგიუებულიყო და გამდგარიყვენ მის მმართველობის ქვეშ მყოფი ქვეყნები, მათ შორის საქართველოც. ამ ქვეყნების მოსამორისილებლად თემური გაემართა 1399 წელს. 1400 წელს თემური შემოგიდა საქართველოში და დაბანაკდა მანგლისში. ორის წლის განმავლობაში თათრები ესხმოდენ საქართველოს ხან ერთს, ხან მეორე კუთხეს და იკლებდენ. გიორგი

მეფემ რავდენჯერმე მიუგზავნა მოციქული თემურს და სთხოვა მორიგება. თემური მზად იყო მორიგებოდა იმ პირობით, რომ გიორგი მეფე თითონ მისულიყო მასთან. ეს პირობა ფრიად სამძიმო იყო გიორგი მეფისთვის და ამიტომ არ თანხმდებოდა მაზე. ამის გამო იყო, რომ ყოველის მოლაპარაკების შემდეგ თათრები ხელახლად შეესეოდენ ხოლმე საქართველოს რომელსამე კუთხეს.

11. თემურის დაბრუნვა სათათრეთს და მის სიკვდილი.—საქართველოსთან ერთად თემური ებრძოდა იკონის თურქების სულთანს ბაიაზითს, რომელიც მაშინ მძლავრობდა მცირე აზიაში და ბიზანტიის ემუქრებოდა დამხობას. თემურმა ბაიაზითი დაამარცხა და ტყვედ შეიპყრო 1402 წ. ამის შემდეგ თემური დარჩა კიდევ ორს წელიწადს დასავლეთის ქვეყნების დასაპყრობად. ბოლოს აღირბეჭანის და საქართველოს მთავარმართველად დაყენა თავისი შვილის-შვილი ომარი და თითონ დაბრუნდა სამარკანდში 1404 წ. მეორე წლის დასაწყისში თემურმა დააპირა ჩინეთში ლაშქრობა და კიდეც გაემართა 1405 წლის თებერვალში, მაგრამ გზაში მოკვდა.

12. ცდა იმირ-საჩართველოს გაცალკევებისა.

—იმ დროს როდესაც თემური შემოესია საქართველოს აღმოსავლეთის მხრით და მეფე ბაგრატი თავის შვილით გიორგითურთ გართული იყო თათრებთან ბრძოლაში, მეფე დავით მეოთხის ჩამომავალს შორაპნის ერისთავის ბარატის შვილს ალექსანდრეს აზრად მოუვიდა ესარგებლნა შემთხვევით და თავისი თავი გამოეცხადებინა იმიერ-საქართველოს მეფედ (1387 წ.). ალექსანდრემ ატარა მეფის წოდება ორს წელს და მოკვდა 1389 წ. მის სიკვდილის შემდეგ მეფედ გამოაცხადა თავის თავი მისმა

ძმამ გიორგიმ. იმერეთის მაგალითით წაქეზებულმა ოდი-
შის ერისთავმა დადიანმცეკვე მოინდომა მეფისგან დამოუ-
კიდებლობა და არ დატოვორის ახლად გამეფებულს.
გიორგი მეფეს. გიორგი შეესია ოდიშს და შეებრძოლა
დაღიანს. ამ ბრძოლაში გიორგი მეფე მოკლულ იქმნა
(1392 წ.). ამის შემდეგ იმიერ-საქართველო ისევ ბაგ-
რატ მეხუთეს დაემორჩილა. მაგრამ იმერ-საქართველოს
გაცალკევების აზრი არ მოისპო. ალექსანდრესა და გიორ-
გი მეფეების ძმამ კონსტანტინემ 1396 წ. გამოაცხადა
აგრეთვე თავისი თავი მეფედ. იმიერ-საქართველოს დი-
დებულებმა ახლაც მოინდომეს თითონაც დამოუკიდე-
ბელნი გამხდარიყვნენ და კონსტანტინეს არ ემორჩილე-
ბოდენ. კონსტანტინემ გამართა მათთან ბრძოლა, რო-
მელშიაც იგი მოკლულ იქმნა (1401 წ.). კონსტანტი-
ნეს დარჩა მცირეწლოვანი შეილი დიმიტრი, რომელ-
საც ძალა არ შესწევდა მეფობა დაეჩემებინა. მეფე გი-
ორგი მეშვიდე გადავიდა იმერეთს, შეიბყრო დიმიტრი
და გადმოიყვანა ქართლს.

XVIII

საქართველოს დამკილება.

კონსტანტინეს მეფობა. ოლექსანდრე პირველის გამეფება.—იმიერთა-ქართველოს ერისთავების დაწყნარება და სამცის ერისთავის დამორჩილება.— ოლექსანდრე მეფის მეცადინება ათხრებულის ქვეყნის აშენებისათვის.— ოლექსანდრეს პოლიტიკა გარეუშე მტრების მიმართ.—რანისა და შირვანის დაპერა— ჯიპან-ზაჲის შემოსევა და მის შედეგი.— ოლექსანდრე მეფის ბერად შედგომა და ვახტანგის გამეფება.—ვახტანგის შემდეგ ჯვრ დამიტრის, მერე გიორგის გამეფება.— ყვარყვარე ჯაყელის გადამტერება გიორგი მეფეზე.— ბაგრატ ერისთავის გადგომა და გამეფება იმერეთში.— მეფის შესვლა სამცეში ყვარყვარეს დასახულების შემოსევა ქართლში.— რანისა და შირვანის გადგომა.— ყვარყვარეს დაბრუნება სამცეში და დატყვევება მისგან გიორგი მეფისა.— ბაგრატ მეფისა და კონსტანტინე დიმიტრი მეფის შეიღლის ცდა საქართველოს მეფის ტახტის დაკრისათვის.— გიორგი მეფის გათავისულება ტყვეობითგან. ბრძოლა მისი ბაგრატსა და კონსტანტინესთან.— უზუნ-ასან ყავნის შემოსევა და კონსტანტინე მეფისაგან მოელის ქართლის დაპერა.— სამი სამეფო და ხუთი სამთავრო.

1. კონსტანტინეს მეფობა. ოლექსანდრე პირველის გამოვლენა.— მეფე გიორგი მეშვიდის შემდეგ მცირე ხანს იმეფა მისმა ძმამ კონსტანტინემ (1407—1413 წწ.). მისი მეფობა იყო მშვიდობიანი, რადგან თათრების სამფლობელო დაუძლურდა და მათი მფლობელები გართულნი იყვნენ შინაურს საქმეებში. მხოლოდ 1413 წ. მოუხდა კონსტანტინე მეფეს ბრძოლა თურქებთან. თურქების მფლობელმა ყარა-იუსუფმა ტყვედ ჩიიგდო მეფე კონსტანტინე და მოაკვლევინა. კონსტანტინეს შემდეგ გამეფდა მისი შეიღლი ალექსანდრე.

2. იმიურ-სამართველოს მრისთავების დაწყნარება და სამცემის მრისთავის დამორჩილება.— ოლექსანდრე პირველის გამეფების პირველს წელს მამია დადიანი შეესია აფხაზეთს და ომი აუტეხა შარვაშიძეს. ამ ომში დამარცხდა მამია დადიანი და კიდეც მოკლულ იქნა.

ამ ამბის გამო ალექსანდრე მეფე გადავიდა იმერეთს და შეარიგა შარვაშიძე და შამია დადიანის შვილი ლიპა-რიტი. ამის შემდეგ ალექსანდრემ იკურთხა თავი მეფედ ქუთაისში. კურთხევას დაესწრენ საქართველოს ყველა დიდებულები სამცხის ერისთავის ივანე ჯაყელის გარდა. ჯაყელს თავის დაუსწრებლობით უნდოდა ეგრძნობინებინა ალექსანდრესათვის, რომ იგი იყო დამოუკიდებელი მეფისაგან. ეს ეწყინა მეფეს და გადაწყვიტა დაესა-ჯა ურჩი ერისთავი და მორჩილებაში მოეყვანა. ქუთაისში ყოფნის დროს ალექსანდრე მეფემ იმერეთის ერისთავად დააყენა თავის ცოლის ძმა იმერეთის მეფის კონსტანტინეს შვილი დიმიტრი, რომელიც **1401** წლითგან ცხოვრობდა ქართლში:

იმერეთითგან დაბრუნებული ალექსანდრე შევიდა სამცხეში და შეება ივანე ჯაყელს კოხტის-თავზე. ივა-ნე ჯაყელი დამარცხდა და მორჩილება გამოუცხადა მე-ფეს (1414 წ.).

ვ. ალექსანდრე მაურის გეცადინობა აონიშ-ბულის ევეზის აშენებისათვის.—ამნაირად ალექ-სანდრე მეფემ გაამაგრა საქართველოს შერყეული ერ-თიანობა და შეულგა თემურის მიერ აონიშ-ბულისა და დანგრეულის სოფლების, ქალაქების, ციხეების და ეკ-ლესია-მონასტრების შენებას და განახლებას. რადგანაც ამნაირს მოღვაწეობას სჭიროდა ფული, ამიტომ გამარ-თა ბჭობა დიდებულებთან იმის შესახებ, თუ როგორ მოეპოვნათ სახსარი. დიდებულებმა ერთხმად დაადგინეს, დაეწესებინათ დროებით ახალი გადასახადი ორმოც-ორ-მოცი თეთრი კომლზე და ამ შემოსავლით შესდგომო-დენ საქმეს. მართლაც ალექსანდრემ დიდის მხნეობით მიჰყო ხელი ქვეყნის შენებას და ოცდახუთის წლის

განმავლობაში ააშენა და განაახლა ბევრი დანგრეული სოფელ-ქალაქი, ციხეები და ეკლესია-მონასტრები. ახალი გადასახადი მოსპობილ იქნა 1440 წ.

4. ალექსანდრეს პოლიტიკაზე გარების გენერატორი. — მხნე და მამაცი ალექსანდრე თავგამოდებით ებრძოდა გარეშე მფერს, როდესაც იგი ბედავდა საქართველოს საზღვრების გადმოლახვას, მაგრამ თუ დაინახავდა, რომ მტერი მეტად ძლიერი იყო და მასთან ბრძოლით ვერას გააწყობდა, ცდილობდა მშვიდობიანის მოლაპარაკებით ქვეყნის ინტერესის დაცვას და აკლება-აოხრების თავითგან აცილებას. ასე მოიქცა ალექსანდრე, როდესაც თემურის ტახტზე მჯდომამი მისმა შვილმა შავ-როხმა გამოილაშერა აღირბეუანში და აპირებდა საქართველოში შემოსვლასაც. ამ ამბის შემტყობმა ალექსანდრემ გაუგზავნა შავ-როხს მოციქულად თავის შვილი დიმიტრი, გამოუცხადა მორჩილება და დაპირდა ხარჯის ძლევას (1435 წ.). შავ-როხი აღარ შემოსულა საქართველოში და ამნაირად ქვეყანა გადარჩა აოხრებას.

5. რანისა და შირვანის დაჭრა. — ძირეულის საქართველოს ერთიანობის და მშვიდობიანობის დაცვასთან ალექსანდრე მეფე არ ივიწყებდა საქართველოს მეფეთა უფლებას დაპყრობილს უცხო ქვეყნებზე — რანზე და შირვანზე. ეს ქვეყნები საქართველოს ძლიერების დროს ყოველთვის საქართველოს მეფეებისგან იყვნენ ხოლმე დამოკიდებულნი. მხოლოდ როდესაც საქართველოს გარეშე მტერი დასხაგრავდა, ისინიც გაიწევდენ ხოლმე განზე და აღარ ემორჩილებოდენ ქართველთა მეფეებს. ასე ქნეს ამ ქვეყნებმა თემურის შემოსვევის შემდეგაც. ალექსანდრე მეფემ მოინდომა ეს ქვეყნები

ხელახლად დაემორჩილებინა. 1432 წ. შემოსეულის თურქების ლორითგან, განდევნის შემდეგ ალექსანდრე შევიდა რანში და შირვანში და იქაური მფლობელები აიძულა მორჩილება გამოეცხადებინათ. რავდენისამე წლის შემდეგ, როდესაც შაჰ-როხი მოვიდა აღირბეჭანს, ამ ქვეყნებში ხელახლა უარი თქვეს ალექსანდრეს მორჩილებაზე. მეფემ არც ახლა დასთმო თავისი უფლება, შეესია ამ ქვეყნებს (1437 წ.) და აიძულა დამორჩილებოდენ.

6. ჯიპან-შაჰის შემოსევა და მის შედეგი.— ალექსანდრე მეფე მართალია შაჰ-როხს დაპჰირდა ხარჯის ძლევას, მაგრამ რავდენისამე წლის შემდეგ უარ-ჰყო ეს ვალდებულება. აღირბეჭანის მმართველმა ჯიპან-შაჰმა, რომელსაც შაჰ-როხისგან მინდობილი ჰქონდა საქართველოსგან ხარჯის მიღება, მოსთხოვა ალექსანდრეს ხარჯი და, როდესაც უარი მიიღო, წამოვიდა ლაშქრით საქართველოსკენ. მეფე მოტყუფდა ანგარიშში და ვერ მოახერხა მტრის შეჩერება სამძღვარზედვე. ჯიპან-შაჰმა აიღო ტფილისი. ალექსანდრემ შეუსრულა მტერს სათხოვარი და დაპჰირდა ხარჯის ქლევას საკულავოდაც (1440 წ.).

7. ალექსანდრე შეფის გერად შედგომა და ვახტანგის გამოვება.— ალექსანდრე მეფე მეტად ღვთის მოსავი კაცი იყო. ამიტომ ოცდა ცხრა წლის მეფობის შემდეგ ბერად ეკურთხა ათანასეს სახელით და თავისი ტახტი გადასცა უფროსს შვილს ვახტანგს (1442 წ.). ამავე ღრის მან შუათანა შვილი დიმიტრი დანიშნა იმერეთის მმართველად, ხოლო უმცროსი გიორგი კახეთის მმართველად. უეპველია, ალექსანდრე მეფეს აზრა-

დაც არ მოსვლია სამეფოს სამად გაყოფა. უმცროსი
ძმები მხოლოდ თანაშემწევებად მიუჩინა უფროსს ძალას.

**8. გაეტანის გევარებ ჯარ დიმიტრის, გერევ
გიორგის გავაფება.**—ვახტანგ მეფემ იმეფა მხოლოდ
სამს წელს და მოკვდა უშვილოდ 1445 წ. მის მაგიერ
გამეფდა ძმა მისი დიმიტრი. დიმიტრიმ უფრო ნაკლებს
ხანს იმეფა და მოკვდა 1447 წ. მართალია, მას დარჩა
შვილი კონსტანტინე, მაგრამ გამეფდა მესამე ძმა გიორ-
გი, ცნობილი ისტორიაში გიორგი მერვედ.

**9. უვარუვარე ჯაფელის გადამტერება გიორ-
გი შევაზე.**—გიორგის გამეფების პირველსავე წელს
მოხდა სამცხეში ისეთი ამბავი, რომელმაც გამოიწვია
შინაური განხეთქილება. **აღბულა ჯაფელს** და მის ძმას
უვარუვარეს უსიამოვნება მოუვიდათ ერთმანერთში. საქ-
მე ბრძოლამდე მივიდა. აღბულა ჯაფელმა მიმართა გი-
ორგი მეფეს და სთხოვა დახმარება. გიორგი მეფე შევი-
და სამცხეში უვარუვარეს დასაწყნარებლად. უვარუვარე
მორჩილებით გამოცხადდა მეფესთან. მეფემ ისევ აღბუ-
ლას მისცა ერისთავობა. ამ ამბის შემდეგ უვარუვარე შე-
იქნა მეფის უკმაყოფილო. 1451 წ. მოკვდა აღბულა
ჯაფელი და გიორგი მეფემ ერისთავად დააყენა უვარუვარე.
უვარუვარე ახლა ცდილობდა დამოუკიდებლობა მიელო
როგორმე. თავის მიზნის მისაღწევად უვარუვარემ გამარ-
თა მოლაპარაკება სხვა ერისთავებთან, რომ გასდგომო-
დენ მეფე გიორგის.

**10. ბაგრატ მრისთავის გადგომა და გავაფება
ივარეთში.**—ამ დროს იმერეთში მოკვდა დიმიტრი
ერისთავი და მეფემ დაადგინა მის ადგილს მისი შვილი
ბაგრატი. ამ ბაგრატზე იქონია გავლენა უვარუვარემ
ისე, რომ ბაგრატი ცხადად გაუდგა მეფეს. გიორგი მე-

ფე ქართლის ჯარით გადავიდა იმერეთს და შეუთვალია ყვარყვარე ჯაყელს, დადიანს, გურიელს, შარევაშიძეს და გელოვანს, რომ ისინიც მისულიყვენ მასთან თავიანთ ჯარით ბაგრატის წინაამდევგ. არც ყვარყვარე და არც სხვა დასახელებული ერისთავები არ მიეშველნენ მეფეს და ამას მოუხდა მარტოდ შეტაკება ბაგრატთან. ბძოლაში (ჩიხორთან) იძლია გიორგი მეფე და დაბრუნდა ქართლს, ხოლო გამარჯვებულმა ბაგრატმა თავი გამოაცხადა იმერეთის მეფედ (1462 წ.).

11. გევის შესვლა სამცხეში უნარებარეს და-სასჯებლად და თურქების შემოსვა ჩართლში.— ყვარყვარე ჯაყელის საქციელით გაჯავრებული მეფე გიორგი შეესია სამცხეს 1463 წ. მესხები მეფის ერთგულები იყვნენ და ამიტომ არ დაუჭირეს მხარი ყვარყვარეს. ჯაყელი გაიქცა ბაგრატთან იმერეთში. გიორგი მეფე შეუდგა სამცხის საქმეების მოწყობას. ამ დროს მოუვიდა ამბავი თურქების შემოსევის შესახებ სომხითში. გიორგი მეფე მაშინვე წამოვიდა ქართლს და შეებრძოლა თურქებს. ბრძოლაში მეფე დამარცხდა, თურქებმა გააოხრეს ქართლი და დაბრუნდენ უკან (1463 წ.).

12. რანისა და შირვანის გადგომა.—საქართველოში შინაურის არეულობის და განდგომილების დამნახავი რანისა და შირვანის მფლობელები ცდილობდენ გიორგი მეფის მორჩილებისაგან გათავისუფლებულიყვნენ. ერთის გზობით გიორგი მეფემ აიძულა ეს ქვეყნები მორჩილება გაეწიათ (1453 წ.), მაგრამ მეორეჯერ-კი ვერ მოახერხა მათი დამორჩილება და მას აქეთ სრულიად თავისუფალნი შეიქნენ ისინი (1463 წ.).

13. უნარებარეს დაგრუნება სამცხეში და დატ-ჟვევება მისგან გიორგი გევისა. — ამავე წელს ყვარ-

კარე ჯაყელი ბაგრატ მეფის შემწეობით დაბრუნდა სამცხეს. კახაბერ გურიელს ყვარყვარებ დაუთვო აჭარა და ჭანეთის ნაწილი იმ პირობით, რომ მიმხრობოდა გიორგი მეფის წინაამდეგ. ჯაყელმა განდევნა სამცხითგან ვიორგი მეფის ერთგული დიდებულები და ამნაირად დამოუკიდებელი შეიქნა.

1465 წ. გიორგი მეფე ხელახლად შევიდა სამცხეში, ჰაგრამ ყვარყვარებ გაიმარჯვა მეფეზედ და დაატყვევა.

14. ბაგრატ გევისა და კონსტანტინე დიმიტ-რი გევის უვილის ცდა საქართველოს გევის ტახ-ტის დაჭრისათვის.— გიორგი მეფის დატყვევების შემ-ჯეგ დიმიტრი მეფის შვილმა კონსტანტინემ და იმერეთის მეფემ ბაგრატმა გამოცხადეს თავის თავი საქართველოს მეფედ. კონსტანტინემ, მეფედ გამოცხადებისათანავე, მისართა ისპანიის დედოფალს იზაბელას თურქების წინაამდეგ შველისათვის. თურქების მაგიერ იმას მოუხდა მალე ბრძოლა ქართველებთან, რაღაც იმერეთის მეფე ბაგრატი კადმოვიდა ქართლს და დაიკირა როვორც ქართლი, ისე კახეთი, (1466 წ.). კონსტანტინეს შერჩა მხოლოდ ქეფის სახელი და ქართლის მცირეოდენი ნაწილი ტფილისის ქალაქითურთ.

15. გიორგი გევის გათავისუფლება ტყვეობითგან და ბრძოლა გისი ბაგრატსა და კონსტანტინესთან.— ყვარყვარე ჯაყელი მოკვდა 1466 წლის ზამდეგს და სამცხე დაიკირა მისმა ძემ ბაალურმა. ბაალურმა რომ დაინახა ბაგრატ მეფის გაძლიერება, იფიქრა ის ქართლისა და კახეთის დაჭერის შემდეგ სამცხე-საც დაიკურობსო, და ამიტომ არჩია გიორგი მეფის გათავისუფლება და მის მეფობა ქართლსა და კახეთში. გიორგი მეფე დაპირდა ბაალურს სრულის დამოუკიდე-

ბლობის მინიჭებას, თუ შეეწეოდა ქართლისა და კახეთის დაბრუნებაში. ბაადურ ჯაყელი გამოუძღვა გიორგი მეფეს თავის ჯარით და გადმოიყვანა სომხითში. აქ მცირესთან გამოცხადდენ ქართლისა და კახეთის მისი ერთგული დიდებულები. ეს რომ დაინახა ბაგრატმა, ვეღაძ დარჩა ქართლს და დაბრუნდა იმერეთს.

ბაგრატ მეფის იმერეთს გადასვლის შემდეგ გაიმართა შფოთი და ბრძოლა გიორგი მეფესა და კონსტანტინეს შორის. 1470 წ. ბაგრატ მეფე ხელახლად გადმოვიდა ქართლს და დაუწყო ბრძოლა გიორგისაც და კონსტანტინესაც. ბოლოს ბაგრატმა აუთქვა გიორგის კახეთის დანებება იმ პირობით, რომ მხარი დაეჭირა მისთვის კონსტანტინეს წინაამდეგ და ქართლზე ხელი აელო. გიორგი დათანხმდა და გადავიდა კახეთს, ხოლო ქართლი გადასცა ბაგრატს. ამ მორიგების მიუხედავად კონსტანტინე მაგრად იყო ტფილისში, ეჭირა მთიულეთი და სომხეთი და ცდილობდა მთელის ქართლის დაჭერას.

16. უზუნ-ასან უავის ჟვანევევა და კონსტანტინე მაფისგან მთელის ჩართლის დაჭერა. — საქართველოს დასუსტებით წაქეზებული სპარსეთის ყაენი უზუნ-ასანი შემოესია ქართლს და მიადგა ტფილის 1478 წ. კონსტანტინე მეფემ წინაამდეგობა გაუწია შემოსეულს პტერს. ყაენმა გამართა მასთან მოლაპარაკება და დაპირდა მთელის საქართველოს მეფედ ცნობას და შველას, თუ დაემორჩილებოდა. კონსტანტინემ თავის სუსტის ძალით ბრძოლას არჩია მორიგებოდა მძლავრს მტერს და მის შემწეობით დაემკვიდრებინა თავის სამეფო ტახტი. მეფე მივიდა უზუნ-ასანთან და გადასცა ტფილისი. ამის შემტყობმა ბაგრატ მეფემ მიანება თავი

ქართლს და გადავიდა რაჭას. ყაენმა კი გაგზავნა ჯარი ბაგრატის მორჩილის ქართლის კუთხეების მოსარბევად. საბედნიეროდ, იმ ხანს ყაენი შეიქნა ავად და გაეშურა სპარსეთს, სადაც მალე გადაიცვალა.

უზუნ-ასანის სიკუდილის შემდეგ კონსტანტინე მეფე განდევნა ქართლითგან ყაენისგან დატოვებული სპარსეთის ჯარი, ხოლო როდესაც ამავე წელს გადაიცვალა იმერეთის მეფე ბაგრატი, იგი შეუდგა ქართლის დაცერასაც. მცირე ხნის გამავლობაში განდევნა ქართლის ყველა ციხეებითგან იმერეთის მეფის მეციხოვნები და შეიქნა მთელის ქართლის მეფედ (1479 წ.).

17. სამი სამეფო და ხუთი სამთავრო. — ამნა-ირად ჩაისახა აზრი და განხორციელდა საქმით საქარველოს განაწილება სამს სამეფოდ — ქართლისა, კახეთისა და იმერეთისა. იმ დროს, როცა მეფეები ერთი-ერთმანერთს ებრძოდენ თავიანთ ტახტის დასამყარებლად და საზღვრების გასამაგრებლად, ერისთავები სამცხისა, გურიისა, ოდიშისა, აფხაზეთისა და სვანეთისა კრილობდენ თავიანთ დამოუკიდებლობის დამყარებას. სამცხის ერისთავებმა, რომელთაც მიითვისეს ათაბაგის სახელწოდბა, სრულიად გაითავისუფლეს თავი ქართლის მეფისგან, ხოლო დანარჩენები ებრძოდენ იმერეთის მეფეს და თანდათან იძენდენ დამოუკიდებლობას. ეს დამოუკიდებლობის მაძიებელი და დამცველი ერისთავები წოდებული იქნენ მთავრებად. ამ რიგად საქართველო მეთხუთმეტე საუკუნის მეორე ნახევარში განაწილდა სამს სამეფოდ და ხუთს სამთავროდ.

სარჩევი.

I

ქართველები უძველესს დროში (2—8 გვ.).

ქართველების არე-მარე.—ქართველების მეზობლები და მითთან ურთობა.— ქართველების ვინაობა.—ქართველთა შინაური წესწყობა—სარწმუნოება და ზექ-ჩეულება.—ცხოვრების სახსრები.

II

ქართველო მეფობის შემოღებითვან ქრისტიანობის
მიღებამდე (9—20 გვ.).

ქართველთა შეერთების საჭიროება.—მაკედონელთა მფლობელობა.—
ანელთა მფლობელობისგან გათავისუფლება და შეფობის დაარსება.—
ოზ მეფე.—ფარნაოზის შემდეგი მეფეები.—პოლიტიკური ცვლილებების გარნაოზითვან მეფე ადერკამდე.—საქართველოს შინაური მდგომარეობის გადასაცემი ქრისტეს წინ.—მეფეები ადერკის შემდეგ მირიან იყ.—ქართველთა სარწმუნოება ქრისტიანობის მიღებამდე.

III

ციანობის გაერცელება საქართველოში (20—27 გვ.).

წმ. ნინო.—წმ. ნინოს სახწაულები.—მირიან მეფის გაქრისტიანება—
ელების მონათვლა.—გაქრისტიანების პოლიტიკური შედეგი.

IV

ევე ვახტანგ გორგასალი და მის შემდეგი დრო
(27—34 გვ.).

ვახტანგის მეფობის პირველი წლები.—ლაშქრობა ხაზარებზე.—
იობა ბიზანტიის წინამდეგ.—სპარსეთის მფლობელობის უარყოფა და
დეგი.—ვახტანგის მოღვაწეობა.—კობადის გამოლაშქრება და ვახტანგის დადგილი.—ვახტანგის შემდეგი მეფეები.—იმიგრ-საქართველოს გადგომა
ზიკის დაარსება.—სპარსელების პალიტიკა და მისი შედეგი.

არ აბთა მფლობელობის დრო (34—41 გვ.).

გურამ ბაგრატიონის გამეფება.—გურამის გამეფებითგან არაბების შემხევიმდე.—არაბების მფლობელობის დამყარება.—პოლიტიკური სისუსტე—საჩრდილოებრივ-კულტურული განვითარება.—ეროვნულის გრძნობის გაფიქტება.

VI

დავით კუროპალაცი და მეფე ბაგრატ მესამე (42—47 გვ.).

დავით კუროპალატი—აფხაზეთის უკანასკნელი მეფები.—ბაგრატ გამეფება აუხაზეთში.—ბაგრატ მეფე და მამა მისი გურგენი.—გურგენის გამეფება და დავით კუროპალატის სიკვდილი.—კახეთის დაჭერა ბაგრატ მეფისაგან.—განჯის ამირას დამორჩილება.

VII

მეფენი გორგო პირეელი და ბაგრატ მეოთხე (48—60 გვ.).

კახეთის და განჯის გადგომა.—დავა და ბრძოლა ბიზანტიასთან. შავედეგი.—აზაურთა გადგომა ბაგრატისაგან.—მარიამ დედოფლის წასვლი თმერატორ რომანოზთან.—ლაშერობა განჯაზე და ტფილისის ამირას შეკრობა.—ტფილისის ადების ცდა.—კახეთის დაჭერის ცდა.—ლიპარის ორბელიანის პირეელი გადგომა.—ტფილისის დაჭერა.—ლიპარიტის შეორ გადგომა.—ლიპარიტის დატყვევება თურქთაგან და გათავისულება. ბარატის წასვლა კონსტანტინოპოლის.—გიორგის გამოცხადება მეფედ ბაგრატის ნაცვლად.—ბაგრატის დაბრუნება და ლიპარიტის განდევნა.—თუშების შემოსევა.—განჯის ამირას შეპყრობა და ტფილისის ხელ-მეორე დაჭერა.—საქართველოს კულტურული განვითარება გიორგი პირველის ბაგრატ მეოთხის დროს.

VIII

მეფე გორგო მეორე (60—65 გვ.).

დიდებულების ამბობება.—მალიქ-შაჰის შემოსევა.—ანაკოტიის აღმენისისა და კარნუ-ქალაქის დაჭერა.—იქონიის თურქების შემოსევა და ქათველების გაპირება.—გიორგი შეფის ტახტითგან ჩიმოგდება და მის შეიღ დავითის გამეფება.

IX

მეტე დავით აღმაშენებელი (65—73 გვ.).

დავით მეტის მეცადინეობა თურქების განდევნისათვის.—ზრუნვა ში-
ურის წესიერების დამყარებისათვის.—კახეთის შემოერთება.—წართმევა
ურთაგან საქართველოს ცისქებისა და გალაშერება შირვანსა და არაქსის
ქაბაში.—სამუდამო ჯარის დარსება ტყვეთაგან და ყიფხაუთაგან.—თურ-
შის ცდა თავიანთ მფლობელობის დასაცელიად და დავითის გამარჯვება
თზე.—ტურილის აღება. ანის შემოერთება.—დავით შეფის პარადი ხასია-
თ და საქევენო მოდეაწება.

X

მეტე გიორგი მესამე (74—85 გვ.).

ცნობების უქონლობა დიმიტრის მეტობის შესახებ.—ანის დაჭრა
ადლონისაგან.—დამარტება დოვინში. ორზრუმის მფლობელის დატყვევე-
ბა.—დიმიტრი მეტის მეტობის გადამტერება, დიმიტრი მეტის ჩამოგდება
ა დავითის გამეტება.—დავითის სიკვდილი და გიორგის გამეტება.—ანის
აჭერა და ლაშერობა აშორნში.—ოზი შავერმანთან და მის მოკავშირე-
სთან.—ანის გამგებლების ცვლა.—დოვინის გამარჯვება.—ბრძოლა ელდი-
უზ ათასაგთან და მის მოკავშირებთან.—ანის ქალაქის საქმები.—ლაშ-
რობა შირვანში.—ორბელიანთა შეთქმულობა გიორგი მეტის წინამდევგ.—
ეკულესიონ კრება.—თამარის დანიშვნა ტახტის შემკვიდრედ.—შინაურის
შეიდობიანობის დამყარება.

XI

თამარ მეტე (85—97 გვ.).

მეზობლების ასევა თამარის გამეტების გამო.—დიდებულთა არეუ-
ლობა.—თამარის დაქორწინება გიორგი რუსზე.—გიორგი რუსის სიავე და
ასი განდევნა.—თამარის მეორედ დაქორწინება.—ამბოხება დავით ხოსლინის
ინამდევგ.—დავით ხოსლინის პირველი ლაშერობინი.—გიორგი რუსის შე-
სევა კახეთის. —შამქორის ომი.—ხავართველოს საზღვრების გაფართოვება.
—ბოლოსტრიკის ომი.—ტრაპიზინის იმპერიის დარსება.—დავით ხოსლი-
ას სიკვდილი.—არდებილის სულთნის თავდასხმა ანშე და არდებილის აქ-
ტები ქართველთაგან.—ლაშერობა სპარსეთში.—ქვეყნის სიმდიდრე და
ულტრაული განვითარება.—თამარ მეტის პირადი ლირსებანი.

XII

საქართველო თამარ მეფის შეიღების დროს (98—110 გვ.)

გიორგი ლაშას პირადი თეისებანი.—განჯის გადგომა და დაწყნარ ბა.—საქართველოს სიძლიერე.—თათრების გამოჩენა.—თათრების შემოსე; საქართველოში და მათი განდევნა.—გიორგი ლაშას სიკვდილი და რუს დანის გამეფება.—ჯალალ-ედინი და პირველი ბრძოლა მასთან.—ჯალალ ედინის წინადადება რუსუდანის შერთვის შესახებ.—ჯალალ-ედინი სიქა თვეელოში.—რუსუდანის შეცადინება თავის შეილის გამეფებისათვის.—ამიერ-საქართველოს დაპერა თათრებისაგან.—რუსუდანის მიმართვა პაპისა და შემწეობისათვის და შეილის გაგზავნა თათრების ყაენთან შეფერ დასა ტკიცებლად.

XIII

საქართველოს შინაური ცხოვრება მეთორმეცე საუკუნე (110—123 გვ.).

საქართველოს ძლიერების ხანა და ამ დროს შინაურის ცხოვრები ცვლა.—სოციალი წეს-წყობილება.—სამოქალაქო და სამხედრო მართვა, გამგეობა.—სამღვდელოება და საეკლესით წეს-წყობილება.—გონებრივი გა ვითარება.—მონასტრების დვაწლი.—არაბების და სპარსების განათლება, გავლენა.—ეკონომიკური მდგრადირება.

XIV

თათრების მფლობელობის დრო (123—136 გვ.).

საქართველოს განაწილება ნოინთა შორის.—უმეტობის შედეგი.—დიდებულების ბეჭობა კოხტის-თავშე და მათი შეპყრობა თათართაგან.—ცოტნე ლადიანის საქცევლი.—გიორგი ლაშას შეილის დავითის გათავი სუფლება და გაგზავნა მისი ყარაყორუშეს.—ორის მეფის დადგენა თათრთ გან.—დავით მეოთხის გადგომა თათართაგან.—დავით შეხუთის მდგრადირება.—საქართველოს აღწერა თათართაგან ხარჯების და სალაშერო ბეგრი შესაწერად.—დავით მეხუთის გადგომა თათართაგან და შერიგება მათთან.—დავით მეჟუთის და სარგის ჯაეულის ურთიერთობა.—თევზთარის ოჯანები აბალა ყაენის წინამდებარება და მისი დამარცხება.—დავით მეხუთის სიკვდილ და უმეტობა ამიერ-საქართველოში.—კახაბერ ერისთავის მოქმედება.—დავით მეოთხის სიკვდილი.

XV

თათრების მფლობელობის დრო (136—145 გვ.).

(შემდეგი და დასასრული).

დიმიტრი მეორის გამეფება.—სამეფოს მდგომარეობა.—დიმიტრი მე-
ფის თავდადება.—ვახტანგის შეფობა.—დავით მეექვსის გამეფება და მისი
აღვამა თათორთაგან.—გიორგი მეხუთის გამეფება ყავნისგან.—დავით მეფის
კარი მის ვახტანგის მტრობა.—ვახტანგის გამეფება.—ხარბანდა ყავნი და
სირთველობა.—გიორგი მეექვსის გამეფება.—გიორგი მეხუთის ხელმეორედ
ამეფება.

XVI

თათართა მფლობელობის მოსპობა და საქართველოს აღორძინება (146—152 გვ.).

გიორგი მეხუთის მომზადება მეფობისათვის.—ოსების დაწყნარება.—
თათართა მფლობელობის უარყოფა.—ურჩის დიდებულების დასჯა.—რანი-
ა და შირვანის დაჭერა.—იმიერ-საქართველო დავით მეოთხის შემდეგ.—
იმიერ-საქართველოს შემოერთება ამიერ-საქართველოსთან.—გიორგი მეხუ-
თის მოლვაშეობა შინაურის ცხოვრების გაუმჯობესობისათვის.—მეზობელ
მფლობელების ამხედრება საქართველოს წინააშლევა.—გიორგი მეხუთის ს-
კლილი და მის შეილის დავითის შეფობა.

XVII

საქართველო და თემური (152—160 გვ.).

თათრები და თემური.—თემურის პირველი შემოსევა და ბაგრატ შე-
უთის დატყვევება.—ბაგრატის ტყვეობითგან დახწევა.—თემურის მეორ
შემოსევა.—ბაგრატ მეხუთის სიკედილი და გიორგი მეშვიდის გამეფება..
იყმურის მესამე და მეოთხე შემოსევა.—გიორგი მეფის მოლაპარაკება თე
შურთან.—თემურის მეხუთე შემოსევა.—თემურის გალაშერება რუსეთს და
უკითხან დაბრუნებულის მეექვსე შემოსევა საქართველოში.—თემურის მე-
ხუთე შემოსევა და გიორგი მეფის მოლაპარაკება მასთან.—თემურის და-
ბრუნება სათათრეთს და მისი სიკედილი.—უდა იმიერ-საქართველოს გაცა-
ვებისა.

XVIII

საქართველოს დანაწილება (161—169 გვ.).

კონსტანტინეს შეფობა. ალექსანდრე პირველის გამეფება.—იმიგრაციული საქართველოს ერისთავების დაწყნარება და სამცხის ერისთავის დამორჩილება.—ალექსანდრე შეფის მეტადინება აობრებულის ქვეყნის აშენებისთვის.—ალექსანდრეს პოლიტიკა გარეშე მტრების მიმართ.—რანისა და შირვანი დაჭერა.—ჯიქან-ზაჲის შემოსევა და მის შედეგი.—ალექსანდრე შეფის ბერად შედგომა და ვახტანგის გამეფება.—ვახტანგის შემდეგ ჯერ დამიტრის, მეტრე გიორგის გამეფება.—ყვარყვარე ჯაყელის გადამტერება გიორგი შეფეხუ —ბაგრატ ერისთავის გადგომა და გამეფება იმერეთში.—შეფის შესვლა სამცხეში ყვარყვარეს დასასჯელიდ და თურქების შემოსევა ქართლში.—რანისა და შირვანის გადგომა.—ყვარყვარეს დაბრუნება სამცხეში და დატყვევება მისგან გიორგი შეფისა.—ბაგრატ შეფისა და კონსტანტინე დიმიტრი შეფის შეიღლის ცდა საქართველოს მეფის ტახტის დაჭერისათვის.—გიორგე შეფის გათავისუფლება ტყვეობითვან. ბრძოლა მისი ბაგრატისა და კონსტანტინესთან.—უზუნასან ყავნის შემოსევა და კონსტანტინე შეფისგან მთელი ქართლის დაჭერა.—სამი საშეფო და სუთი სამთავრო.

